


ÆSOPI
PHRYGIS,
ET ALIORUM FABULÆ,
quorum nomina sequens pagella
indicabit.

ELEGANTISSIMIS ICONIBUS
in gratiam studiosæ juventutis
illustrata.

PLURIBUSQUE AUCTÆ,
& diligenter quam antehac
emendatæ.

Cum indice locupletissimo.




SUPERIORUM PERMISSU.

Matriti: Apud D. Antonium Espinosæ.
Anno 1788.
Sumptibus Societatis.



FABULARUM,
QUÆ IN HOC LIBRO
CONTINENTUR
INTERPRETES,
ATQUE AUCTORES.

*L*aurentius *Valla.*
Gulielmus Gudanus.
Hadrianus Barlandus.
Gulielmus Hermanus.
Rimicius.
Angelus Policianus.
Petrus Crinitus.
Plinius Secundus Novocomensis.
Aulus Gellius.





ÆSOPI FABULATORIS VITA

*A MAXIMO PLANUDE
composita , è Grego Latina
facta.*

Rerum humanarum naturam persecuti sunt , & alii , & posteris tradiderunt : Æsopus verò videtur , non absque divino afflatu cùm moralem disciplinam attigisset , magno intervallo multos eorum superasse . Etenim neque deffiniendo , neque ratiocinando , neque ex historia , quam ante ipsius ætatem tulit tempus , admonendo , sed fabulis penitus erudiendo , sic audiendum venatur animos , ut pudeat ratione præditos facere , aut sentire , quæ neque aves , neque vulpes : & rursùs non vacare illis , quibus pleraque bru-

ta tempore , prudenter vacasse finguntur : ex quibus aliqua pericula imminentia effugerunt, aliqua maximam utilitatem in opportunitatibus consecuta sunt. Hic igitur , qui vitam suam philosophicæ Reipublicæ imaginem proposuerat , & operibus magis , quam verbis philosophatus , genus quidem traxit ex Ammorio , oppido Phrygiæ , cognomento Magnæ , sed fortuna fuit servus.

Quare , & magnoperè mihi videntur Platonis illud in Gorgia pulchrè simul , & verè dictum : plerumque enim hæc, inquit, contraria inter se sunt, natura simul , ac lex. Nam Æsopi animalium natura liberum reddidit: sed hominum lex corpus in servitutem tradidit. Potuit tamen ne sic quidem animali libertatem corrumpere. Sed quamvis ad res varias , & in diversa loca transferret corpus , à propria tamen sede illum traducere non potuit. Fuit autem non solum servus , sed & deformissimus omnium suæ ætatis hominum: nam accuto capite fuit, pressis naribus , depresso collo, prominentibus labris, niger, (undè, & nomen adeptus est) idem enim Æsopus, quod Æthiops ven-



ventrosus, valgus, & incurvus; fortassè, & Homerum Fersiten turpitudine formæ superans. Hoc verò omnium in eo pessimum erat, tardiloquentia, & vox obscura simul, & inarticulata. Quæ omnia etiam videntur servitutem Æsopo parasse. Etenim mirum fuisset si, ita indecenti corpore potuisset servientium retia effugere. Sed corpore sanè tali, animo verò solertissimo natura extitit, & ad omne commentum fœlicissimo. Possessor igitur ipsius, tanquam ad nullum domesticum opus commodum, ad fodendum agrum emisit. Ille vero digressus, alacriter operi incumbebat. Profecto verò aliquandò, & hero ad agros ut inspectionem operarum faceret, agri,cola quidam ficus egregias decerptas do-

no tulit. Ille verò fructus delectatus pulchritudine , Agathopodi ministro (hoc enim erat nomen puerο) servare jussit, ut sibi post balneum apponeret. Cum verò ita evenisset , atque Æsopus ob quan-dam necessitatē ingressus esset in domum, occasione capta Agathopus consilium hujusmodi conservo cuidam offert: impleamur , si placet , sicubus heus tu: & si herus noster has requisierit , nos contra Æsopum testificabimur ambo, quod in domum ingressus sit , sicutque clām comedērit : & super verò fundamento, videlicet quòd domum ingressus sit , multa mendacia struemus , neque enim quidquām poterit unus contra duos, præsertim cum sine probationibus ne mutire quidem audeat. Viso verò hoc, ad opus acceserunt, & sicut devo-rantes, dicebant in singulis cum risu. Væ tibi, infelix Æsope. Cum igitur herus rediisset à lavacro, & sicut petiisset: au-divisset autem quòd Æsopus eas comedēisset, Æsopum cum ira jubet vocari, & vocato ait: dic mihi , ò execrande , ita me contempsisti, ut penarium ingredēris, & paratas mihi sicut comedēris? Ille audiebat quidem, & intelligebat, loqui autem nullo modo poterat ob linguae tar-di-

ditatem. Cùm jam verberandus esset, & delatores vehementiores instarent, procumbens ad heri pedes, ut sustineret se parum, orabat. Cùm autem cucurisset, & tepidam aquam attulisset, eam bibit: & digitis in os demissis, humorē solūm rejicit: nondūm enim cibum attigerat. Orabat igitur, ut idem, & accusantes facerent, quò manifestum fieret, quisnam ficus dissipasset. Herus autem ingenium hominis admiratus, sic facere, & alios jussit. Illi autem deliberaverant bibere quidem aquam, non tamen demittere in guttur digitos, sed per obliqua maxillarum eos circumferre. Vix dum autem biberant, cum tepida illa aqua, nausea potis inducta, effecit, ut spontē fructus redderetur. Tunc igitur ante oculos positos, & maleficio ministrorum, & calumnia, herus jussit eos nudos flagris cædi. Illi verò cognoverunt manifestè dictum illud: Qui in alterum dolos struit, sibi inscius malum fabricat. Sequenti verò die hero in urbem revector, Æsopo verò fodiente, quemadmodūm jussus fuerat, Sacerdotes Diana, sive alii quipiam homines, cum à via aberrassent, Æsopum nacti, per Jovem Hospitalē obsecrabant hominem, ut

quæ in urbem duceret, viam ostenderet. Ille cùm sub umbra arboris viros adduxisset priùs, & frugalem apposuisset cœnam, indè, & dux factus ipsis, in quam quærebant viam, induxit. Illi autem tūm ob hospitalitatem, tūm quod dux eorum fuisse, mirum in modum viro devincti, manus in cœlum elevarunt, & precibus benefactorem remunerati sunt. Æsopus verò reversus, inque somnum lapsus ob assiduum laborem, & æstum, visus est videre fortunam astantem sibi, & solutionem linguæ, sermonisque cursum, & eam, quæ fabularum est, doctrinam largiri. Statim igitur excitatus, ait: papæ, ut suaviter dormivi, sed & pulchrum somnum videre vissus sum, & ecce expeditè loquor, bos, asinus, rastrum. Per Deos intelligo, undè mihi bonum accesserit hoc; quoniam enim pius fui in hospites, propitium numen consecutus sum. Ergo benefacere bona plenum est spe. Sic igitur Æsopus lætatus facto, rursum cœpit fodere. Sed Præfector agri (Zenas erat ipsi nomen) ad operarios profecto, & horum unum, quoniam leviter erraverat in opere, virga verberante, Æsopus statim exclamavit: homo, cuius gratia eum, qui nullam in-
ju-

juriam fecit, sic verberas? Et omnibus
temerè plágas ingeris quotidie? Omnipotens
renuntiabo hæc hero. Zenas autem hæc
ab Æsopo audiens, obstupuit non me-
diocriter, secumque ait: quod Æsopus
loqui cœperit, nulla mihi utilitas erit;
præveniam igitur ipse, & accusabo eum
coram domino, antequam hoc ipsum fa-
ciat, & me herus proœcuratione privet.
His dictis, in urbem vectus est ad domi-
num. Cæterum, turbatus cum accesi-
set: Salve, inquit, here. Ille vero: quid
perturbatus adest? Inquit. Et Zenas:
res quædam monstruosa in agro con-
tingit. At herus: numquid arbor præ-
ter tempus fructum tulit? Aut jumen-
tum aliquod præter naturam genuit? Et
ille: non ita; sed Æsopus, qui anteā erat
mutus, nunc loqui cœpit. Ad hæc he-
rus: sic tibi nihil boni fiat hoc existimant-
i monstrum esse. Ille autem: sanè, in-
quit: nam quæ in me contumeliosè di-
xit, sponte pretero, here: in te autem,
& Deos intolerabiliter convitiatur. His
ira percitus herus, Zenæ ait: ecce tibi
traditus est Æsopus: vende, dona, quod
vis, de eo fac. Cum Zenas autem in po-
testate sua accepisset Æsopum, quod-
que in eum haberet imperium, ei renun-

tiasset; ille: quodcumque visum tibi fuerit, inquit, effice: accidit autem, cum vir quidam jumenta vellet emere, & propterea per agrum illum iter faceret, Zenam rogavit. Ille: jumentum, inquit, mihi vendere non licet, sed mancipium masculum, quod, si vis emere, adest. Cum verò mercator jussisset ostendi sibi servulum, & Zenas Æsopum accersisset, mercator videns ipsum, & cachinatus: undè tibi, inquit ad Zenam, hæc olla? Utrum truncus est arboris, an homo? Hic, nisi vocem haberet, fermè videretur uter inflatus. Quarè mihi iter interrupisti hujuscce piaculi gratia? His dictis, iter suum prosequebatur. Æsopus verò insecutus ipsum: mane, inquit. Ille autem conversus: abi, inquit, à me sordidissime canis. Æsopus autem: dic mihi: cuius rei causa huc venisti? Et mercator: scelestè, ut aliquid boni emerem, te, quod inutilis, & marcidus sis, non egeo. Æsopus contrà: Eme me, &, si qua est fides, multum te juvare possim: ille, qua in re à te juvari possim, cum sis odium penitus? Et Æsopus: nonne adsunt tibi pueruli domi turbulenti, & flentes? His præfice me pedagogum:

omr

omnino eis pro larva ero. Ridens igitur de hoc mercator, inquit Zenæ: quanti malum hoc vendis vas? Ille verò: tribus, inquit, obolis. Mercator autem statim tres obolos solvit, dicens: nihil expendi, & nihil emi. Cum igitur iter fecissent, ac pervenissent in suam domum, pueruli duo, qui adhuc sub matre erant, Æsopo viso, perturbati exclamaverunt. Æsopus autem statim mercatori inquit: habes meæ pollicitationis probationem. Ille vero ridens ingressus: inquit: saluta conservos tuos. Introgressum autem, ac salutantem videntes illi: quodnam malum nostro hero, inquiunt, contingit, ut servulum adeò deformem emerit? Sed ut videtur, pro fascino domus hunc emit. Non multò verò post, & mercator ingressus, apparari res ad iter servis jussit, quod postridie in Asiam profecturus esset. Ille igitur statim vasa distribuebant: at Æsopus rogabat levissimum onus sibi concedi, tanquam nuper empto, & nondum ad hæc ministeria exercitato. His autem, & nihil tollere velit, veniam præbentibus, ille non oportere dixit, omnibus laborantibus, se solum inutilēm esse. His, quod attollere vellet,

per-



permittentibus , huc , & illud cùm circumspexisset , & vasa congregasset diversa , saccos , & stramenta , & canistros , unum canistrum panis plenum , quem , duo bajulare debebant , sibi imponi jubet . Illi autem ridentes , & nihil esse stultius vili hoc scelesto inquietes , qui , cùm paulò ante levissimum postularet tollere onus , nunc omnium gravissimum elegisset : oportere tamen desiderium ejus explere : sublatum canistrum impo- suerunt Æsopo . Ille verò humeris one- re gravatis , huc , & illuc dimovebatur . Hunc videns mercator , admiratus est , & inquit : Æsopus cùm ad laborandum promptus sit , jam suum pretium persol- vit , jumenti enim onus sustulit . Cùm verò hora prandii divertissent , Æsopus jussus panes dispensare , semivacuum

ca-

canistrum multis comedentibus fecit. Unde etiam post prandium leviore one-re facto alacrius incedebat : verum ves-perè, quoque illic, quò diverterant, pa-ne distributo, postera die vacuo omni-nò in humeros sublato canistro, primus omnium ibat, ut, & conservis, qui hunc animadverterent præcurrentem , du-bium faceret , utrum putridus esset Æsopus, an quis aliis. Et illi cùm cog-novissent eum esse, admirabantur: quòd denigratus homuncio solertiùs omnibus fecisset, quoniam , qui facile absume-rentur panes, sustulisset, cùm illi stra-menta , & reliquam supellectilem ba-jularent, quæ ea non sit natura , ut sic absumatur. Mercator itaque cum esset Ephesi , alia quidem mancipia cum lu-cro vendidit: remanserunt autem ei tria, Grammaticus, Cantor, & Æsopus. Cùm verò quidam ex familiaribus ei suas isset in Samum ut navigaret, tamquam ibi cum majore lucro divenditur servu-los, persuadet. Cùm autem mercator per-venisset in Samum, Grammaticum qui-dem, & Cantorem, utrumque nova ves-in indutum statuit in foro: sed Æsopum quoniam nulla ex parte poterat ornare (totus enim erat madosus) veste ex sac-

co ei circumposita, medium inter utrumque constituit, ut, & videntes stuperent, dicentes: undè hæc abominatio, quæ, & alios obscurat? Æsopus autem quamvis à multis morderetur, stabat tamen audacter in ipsos intuens: Xanthus verò Philosophus habitans tunc Sami, profectus in forum, & videns duos quidem pueros cum ornatu adstantes, medium verò horum Æsopum, admiratus est mercatoris commentum: namque turpem in medio collocaverat, ut appositione deformis, pulchriores seipsis adolescentuli apparent. Propriùs autem adstans, percontatus est Cantorem, cujas esset. Et is: Cappadox: Tum Xanthus, quid igitur scis facere? Hic: omnia. Atque ad hæc Æsopus risit. Discipuli verò, qui cum Xantho unà erant, ut viderunt ipsum risisse, & ostendisse dentes, statim aliquod monstrum videre arbitrati sunt. Uno autem dicente: certè hernia est, dentes habens: Alio verò: Quidam videns risit? Alio, non risisse, sed riguisse: omnibus autem volentibus cognoscere, cur risisset, unus ipsorum accedens. Æsopo inquit: cuius rei gratia risisti? Et is: Abscede marina ovis. Illo verò confuso funditus eo sermone, repenteque secedente,

Xan-

Xanthus inquit mercatori: Quanto pre-
tio Cantor? Illo autem mille obolis res-
pondente, ad alterum ivit, immenso au-
dito pretio. Atqui, & hunc rogante Phi-
losopho, cujas nam foret, & auditio Ly-
dum esse, rursusque rogante : quid ergò
scis facere? Et illo dicente. Omnia; ite-
rum risit Æsopus. Ex scholasticis autem
quodam dubitante: quidnam hic ad om-
nes ridet? Alius ei dixit. Si vis, & tu ma-
rinus hircus vocari, roga. Xanthus au-
tem rursus rogavit mercatorem : quan-
to pretio Grammaticus? Et ille : tribus
millibus obolorum, respondit. Ægrè tu-
lit Philosophus immensum pretium, &
aversus discedebat. Scholasticis autem
petentibus, an non placuerint ei servuli.
Næ, inquit, sed decretum est non emere
mancipium pretiosum: Unus autem ipso-
rum dixit. Si hæc ita se habent, igitur,
turpem hunc quin emas, nulla lex vetat:
idem enim, & hic ministerium afferet,
& nos pretium hujus impendemus. Ad
hæc Xanthus ait, ridiculum esse, vos sol-
visse pretium, me autem servum emis-
se: alioqui , & uxorcula mea munditiæ
studiosa , non ferret à deformi servulo
serviri sibi. At scholastici rursus dixe-
runt, in promptu est sentencia : ne pa-
rea-

reatur fœminæ. Tunc Philosophus : faciamus priùs periculum, an sciat aliquid, nè, & pretium in cassum pereat. Adiens igitur Æsopum: gaudε, inquit : et ille: nūm nam tristabar? Et Xanthus : Saluto te. Ille autem : Et ego te : Xanthus unà cum aliis inexpectato, & prompto responso stupefactus, rogavit: Cujas es? Ille : niger. Et Xanthus : non hoc inquam, sed ūndē natus sis? Et is: ex ventre matris meæ. Non hoc dico, sed in quo loco natus sis? Et ille : non renuntiavit mihi mater mea, utrūm in sublimi loco, an in humili. Et Philosophus: quid verò facere nosti? Ille : Nihil. Et Xanthus : Quomodò? Quoniam hi omnia nosse professi sunt, mihi autem reliquerunt nihil. Atque his scholastici vehementer admirati: Per divinam providentiam, dixerunt, valdè benè respondit: nullus enim est homo, qui omnia norit: & propterea scilicet risit: Rursùs igitur Xanthus inquit: Vis emam te? Æsopus: Me hac in re consultore eges? Utrūm tibi videtur melius, aut emere, aut non, fac: nullus enim quidquam vi facit: hoc in tua positum est voluntate, & si volueris, crumenæ januam aperiens, argentum numera; sin verò minimè, ne cavillare:

Rur-



Rursus igitur scholastici inter se dixerunt: per Deos superavit præceptorem. Xanthus verò cùm dixisset: Si emero te, fugere voles? Ridens Æsopus, ait: hoc si voluero facere , nullo modo utar te consultore, ut, & tu pauiò antè me. Et Xanthus: Benè dicis , sed deformis es. Et ille: Mentem inspicere oportet,ò Philosophè, & non faciem. Tunc mercatorem adiens Xanthus , inquit : quanti hunc vendis? Et ille: Ut vituperes meas merces, ades: quoniam tu, dignis omisis pueris, deformem hunc eligis , alterum horum eme, hunc autem auctarium accipe. Et Xanthus: Non certè, sed hunc. Et mercator : Sexaginta obolis eme. At scholastici confestim collatos exposuerunt. Xanthus autem possedit. Itaque publicani , venditione cognita , aderant in-

Indagantes, quis vendiderit, quis emerit:
at cùm puderet utrumque se pronuntiare propter vilitatem pretii, Æsopus stans
in medio exclamavit, qui venditus est,
ego sum: qui emit, hic: qui vendidit,
ille: si verò ipsi tacuerint, ego igitur liber
sum. Publicani verò diffusi risu, donato
Xantho vectigali, abierunt. Æsopus igitur
sequebatur in domum eunte **Xanthum**. Cùm meridianus autem æstus es-
set. Xanthus inter deambulandum pal-
lium attollens mingebat. Quod videns
Æsopus, vestibus illius apprehensis re-
trò, ad se ipsum traxit, atque inquit.
Quàm celerrimè me vende, quoniam fu-
giam. Et Xanthus: Quamobrem? Quo-
niam, inquit, non possem tali servire he-
ro: si enim tu, qui herus es, & neminem
times, tamen relaxationem non præbes
naturæ, sed eundo mingis: si obtigerit
servum me ad aliquod mitti ministe-
rium, & inter eundum tale quid exigat
natura, necesse omnino fuerit volando
cacare. Et Xanthus: hoc te turbat? Tria
mala volens evitare, eundo mingo. Et
ille: Quæ? Et hic: Stanti mihi, caput per-
ussisset sol: pedes verò terræ solum tor-
ridum: loci autem acrimonia olfatum of-
fendisset. Tunc Æsopus: vale, persua-
si-

sisti mihi. Postquam autem domi fuerunt, Xanthus jubens *Æsopo* manere ante vestibulum, quoniam elegantiusculam esse sibi mulierculam sciebat, neque oportere illicò talem turpitudinem ei ostendi, antequam aliquis ipsi urbana diceret: ipsi ingressus dicit: *Domina*, non etiam posthac objicies ministerium, quod mihi tuæ pedisequæ præstant: jam enim, & ego puerum tibi emi, in quo videbis pulchritudinem, quam numquam vidisti, qui, & jam ante vestibulum stat. Et ille quidem hæc. Pedisequæ autem vera existimantes, quæ dicta fuerant, inter se non mediocriter contendebant, cuinam ipsarum sponsus nuper emptus futurus sit. Xanthi verò uxore intrò vocari novitium jubente mancipium, una ex aliis magis acelerans, & ut arrabonem vocationem arripiens, novitium, servum egressa accersebat. Et illo dicente: Ecce ego adsum: stupefacta. Tu, inquit, es? Et hic: Næ. Et illa: Sine invidia, ne ingrediaris intrò, ómnes aliqui fugient. Alia tamen egressa, eumque intuita: Cædatur tua, inquit, facies, & huc ingredere, sed ne appropinques mihi, ingressus stetit coram *domina*: quæ, cum eum vidisset, oculos avertit ad vim,

ram inquiens: undè mihi hoc monstrum attulisti? Abjice ipsum à facie mea. Et ille: satis tibi domina ne meum sobmorde novitium servum. Hæc autem: Videris, Xanthe, me perosus, aliam inducere ve lle: & fortè, dum pudet dicere mihi, ut tua domo abscedam, canicipitem mihi hunc apportasti, ut ejus ægrè latura mi nisterium fugiam. Da igitur mihi dotem meam, atque ibo. Ad hæc Xantho incrépante Æsopum, tanquam in itinere urbana quædam locutum de mictu inter eundum, nunc verò mulieri nihil dicen tem, Æsopus ait: Projice ipsam in barathrum. Et Xanthus, Tace scelus: an ne scis me hanc, ut meipsum, amare? Et Æsopus: Amas mulierculam? Et ille: Admodùm quidem, fugitive. Ad hæc Æsopus, pulsato medio pede, valdè exclamavit: Xanthus Philosophus uxorius est. Et versus ad suam dominam ait: Tu, ò domina, velles Philosophum emisse tibi servum juvenem, bono habitu, vigentem, qui te nudam in balneo spec taret, & tecum luderet in dedecus Phi losophi? O Euripides, aureum ego tuum inquam os, talia dicens: multi impetus fluctum marinorum, multi fluminum, & ignis calidi siatus: dura res paupertas,

du-

dura, & alia infinita: tamen nihil æquè durum, ut mulier malla. Tu verò, ò domina, Philosophi uxor, à pulchris adolescentulis tibi ut ministretur, noli, ne quo pacto contumeliam viro tuo inflixeris. Illa hæc audiens, cùm nihil contradicere posset: undè vir, inquit, pulchritudinem hanc venatus es? Sed, & loquax putridus hic videtur, & facetus, reconciliabor igitur ei. Tum Xanthus: Æsope, reconciliata est tibi tua hera. Et Æsopus ironicè loquens: Magna res, inquit, placare mulierem. Et Xanthus Tace posthac: emi enim te ad serviendum, non ad contradicendum. Postera die Xanthus, Æsopo sequi jusso, ad hortum quendam ivit empturus olera. Cùm verò olitor fasciculum olerum messuisset, accepit Æsopus. Xantho autem soluto jam hortulano pecuniam, hortulanus: Sine, inquit, here, unum problema à te desidero. Et Xanthus: Quidnam? Tum ille: quid ita, ut quæ à me plantatur olera quamvis diligenter, & fodiantur, & irrigentur, tardum tamen suscipiunt incrementum: quibus verò spontanea, & terra pullulatio, etsi nulla cura adhibetur, iis tamen celerior germinatio? Xanthus igitur (licet Philosophi quæstio-

tio foret) cùm nihil aliud sciret dicere:
A divina providentia, & hoc inter cæ-
tera gubernari inquit: Æsopus verò
(aderat enim) risit. Ad quem Philoso-
phus: Ridesnè? An derides? Et Æsopus:
Derideo, inquit, sed non te, verùm qui
te docuit. Quæ enim à divina providen-
tia fiunt, hæc à sapientibus viris solutio-
nem sortiuntur: oppone itaque me, &
ego solvam problema. Interim itaque
Xanthus conversus, inquit olitori: Mini-
mè omnium decens est, ô amice, me,
qui in tantis auditoriis disceptaverim,
nunc in horto solvere sophismata: puer
autem huic meo, qui consequentia mul-
torum callet, si proposueris, solutionem
consequeris quæsiti. Et olitor: Hic tur-
pis litteras novit? O infœlicitatem. Sed
narra, ô optime: si quæsiti declarationem
nosti. Et Æsopus: Mulier, inquit, cum
ad secundas nuptias iverit, liberis ex
priore viro susceptis, si virum quoque
invenerit filios ex priore uxore genuisse,
quos ipsa filios adduxit, horum mater
est: quos invenit penè virum, horum
est noverca: multam igitur in utrisque
ostendit differentiam: nam quos ex se ge-
nuit amanter, & accuratè nutrire perse-
verat, alienos verò partus odit: & invi-
dia

dia utens, illorum cibos diminuens, suis addit filiis. Illos enim natura quasi proprios amat: odio autem habet, qui viri sunt, quasi alienos. Eodem modo, & terra eorum, quæ ipsa ex se genuit, mater est: quæ autem tu plantas, horum est noverca: hujus rei gratia, quæ sua sunt, ut legitima magis nutrit, ac fovet: à te autem plantatis, ut spuriis non tantum alimenti tribuit. His delectatus olitoris credideris mihi, inquit, quod me gravi solicitudine hac garrulitate levaris. Abi, gratis ferens olera, & quoties tibi his opus est, tamquam in proprium horum vadens, accipe. Post dies aliquot rursus in balneum proficiscitur Xanthus. Quibusdam autem amicis ibi inventis, ad Æsopum loquitur, ut indomum currat, & lentem in ollam injectam coquat. Ille abiens, granum unum lenti in ollam jactum coquit. Xanthus ergo unà cum amicis lotus vocabit hos compransuros, præfatus tamen, & quod tenuis esset futura ecena, ut potè ex lente, quoque non oporteret varietate ferculorum amicos judicare, sed probare voluntatem. His verò profectis, & in domum ingressis. Xanthus inquit, da nobis à balneo bibere, Æsope. Illo verò ex

defluxu balnei accipiente, & tradente,
Xanthus fœtore repletus: hem quid
hoc, inquit, Æsope? Et ille: à balneo,
ut jussisti. Xanthus autem præsentia
amicorum iram compescente, & pel-
vum sibi apponi jubente, Æsopus pel-
vi apposita stabat. Tunc, & Xanthus:
non lavas? tum ille: justum est mihi
ea facere, quæ jusseris: tu nunc non
dixisti: Injice aquam in pelvum, & la-
va pedes meos, & pone soleas, & quæ-
cumque deinceps. Adhæc igitur amicis
Xanthus ait: num enim servum emi?
Nullo modo, sed magistrum. Discum-
bentibus itaque ipsis, & Xantho Æso-
pum rogante, an cocta sit lens; cochlea-
ri acceptum ille lentis granum tradidit.
Xanthus accipiens, ac ratus gratia fa-
ciendi periculum coctionis lentem acce-
pisse, digitis conterens ait: Benè cocta
est: affer. Illo solūm aquam vacuante in
scutelas, & apponente, Xanthus: ubi
est lens? inquit. Et is, accepisti ipsam.
Et Xanthus, unum granum coxisti? Tum
Æsopus, maximè: lentem enim singu-
lariter dixisti, non lentes, quod plurati-
vè dicitur: Xanthus ergò prorsus con-
sili inops, viri socii, ait, hic ad insaniam
me rediget. Deinde conversus ad Æso-
pum

pum ait: sed ne videar, improbe serve,
amicis injurias, abiens eme pedes por-
cinos quatuor, & perceleriter coctos ap-
pone. Festinus hoc peragit: ac dum pedes
coquerentur, Xanthus jure volens ver-
berare *Æsopum*, cùm esset in re aliqua
ad usum occupatus, unum ex pedibus ex
olla clanculum auferens, oculuit. Pau-
lò post autem , & *Æsopus* veniens , &
olla perscrutatus , ut tres solos pedes
vidit, cognovit insidias sibi aliquas fac-
tas: & accurrens in stabulum , saginati
porci unum ex quatuor cultrò ampu-
tans , & pilis nudans in ollam jecit , ac
coxit cum cæteris. Xanthus verò veri-
tus, ne *Æsopus* subreptum pedem non
inveniens, fugeret: rursùs in ollam ip-
sum injecit. *Æsopo* autem in patinam
pedes evacuante, ac quinque his appa-
rentibus , Xanthus : quid hoc inquit,
Æsope ? Quomodò quinque ? Et ille:
duo porci quot habent pedes? Et Xan-
thus : octo. Tum *Æsopus* : sunt ergo
hic quinque , & saginatus porcus infe-
riùs tripes pascitur. Xanthus admodùm
molestè ferens , amicis inquit : nonne
paulo antè dixi, quod celerrimè hic me
ad insaniam rediget? Et *Æsopus*: Here,
nosti id, quod ex additione, & subduc-

tione in quantitatem secundum rationalem summam colligitur, non esse errorrem. Xanthus igitur nullam causam honestam inveniens, verberandi Æsopum, quievit. Postridiè autem ex scholasticis quidam sumptuosam apparans cœnam, cum aliis discipulis, & Xanthum invitavit. Cœnantibus igitur, Xanthus partes ex appositis accepit electas, & Æsopo pone stanti dedit. Abi, inquit ei, benevolæque meæ hæc trade. Ille verò decedens secum cogitabat: nunc occasio est ulcisci meam dominam, propterea quòd me, cùm novitus veni, cavillata est videlicet igitur an hero meo benè velit. Profectus itaque in domum, sedit in vestibulo: & hera accita, sportulam partium coràm ipsa posuit, ac inquit: hera, hæc omnia herus misit, non tibi, sed benevolæ. Cùmque canem vocasset, atque dixisset veni Lycænà, comedere: tibi enim herus hæc jussit dâri: particulatim cani omnia projecit. At post hoc ad herum regressus, & rogatus, an benevolæ dederit omnia: omnia, inquit, & coràm me omnia comedit. Illo verò iterum rogante: et quidnam edens ait? Et is: mihi quidem nihil quidquam dixit, sed secum tibi gratias habebat. Uxor tandem

men Xanthi eam rem calamitosam esse arbitrata, tanquam secunda cani redarguta erga virum benevolentia, ac subdens sese non amplius in posterum cohabitaturam cum eo, ingressa cubiculum plorabat. Potu autem procedente, & quæstionibus alternis propositis, ac uno ex ipsis ambigente, quando futura esset ingens inter homines turbatio; Æsopus ponè stans, ait: cùm resurrexerint mortui, repetentes, quæ possiderint. Et scolastici ridentes dixerunt, ingeniosus est novitus hic. Alio verò rursùs propONENTE, quamobrem ovis ad cædem tracta, non exclamat, sus autem quam maximè vociferetur; Æsopus rursùs ait: quoniam ovis assueta mulgeri, aut etiam velleris onus deponere, tacitè sequitur, idèo etiam pedibus arrepta, & ferrum videns, nihil grave suspicatur, sed illa usitata, & solita videtur passura: sed sus, ut qui neque mulgetur, neque tondetur, neque novit ad horum aliquid trahi, sed carnes suas tantùm usui esse, meritò vociferatur. His sic dictis, discipuli rursùs laudaverunt ipsum versi in risum. Finito convivio, & Xantho in domum reverso, & uxorem pro more a gresso allocqui, illa ipsum aversata, inquit:

ne mihi propinquus fias, da mihi dotem
meam, & abibo, non enim manserim te-
cum posthac: tu autem abiens cani adu-
lare, cui misisti partes. **Et Xanthus**
stupefactus ait: omnino mali mihi alii
quid rursum attulit **Æsopus**. Et uxor
inquit: domina, num me poto, tu ebria
es? Cui partes misi? Nonne tibi? Non
per Jovem, mihi quidem minimè, in-
quit illa, sed cani. **Xanthus**, **Æsopo** ac-
cito, inquit: cui dedisti partes? Et ille:
benevolæ tuæ. Et uxori **Xanthus**: nihil
acepisti? Et illa: nihil. Et **Æsopus**: cui
enim jussisti, here, partes dari? Et ille,
benevolæ meæ. Et **Æsopus**, cane voca-
ta, hæc tibi, inquit, bene vult, nam mu-
lier, & si benè velle dicatur, tamen mi-
nima quaque recula offensa contradicit,
conviciatur, abit: canem tamen verbe-
rato, expellito, non tamen discedet, sed
oblita omnium, statim benigne blandi-
tur, & cum gratia, hero. Oportebat igi-
tur dicere, here: usori has partes fert,
& non benovolæ. Et **Xanthus**: vides,
domina, non meam esse culpam, sed
eius, qui tulit? Tolera itaque, nec dee-
rit mihi occasio, qua eum verberem. Illa
verò non credente, verum clam ad si os
parentes regressa, **Æsopus** inquit: non
rec-


recte dixi, ò here, canem tibi magis bene velle, quām meam heram? Diebus autem aliquot præteritis, & uxore irreconciliata manente, & Xantho affines quosdam ad ipsam, ut reverteretur domum, mittente: illa cūm cedere nolle: ac proinde Xanthus in mœrore esset; Æsopus audiens eum, inquit: ne te afflictas, here, ego enim eam cràs venire sponte, citissimè faciam ad te. Accepta pecunia, Æsopus in forum proficiscitur: ac, emptis anseribus, & gallinis, & caliis quibusdam ad convivium idoneis, ambulans; domos circuibat. Transibat igitur, & ante domum parentum heræ suæ, ignorare simulans illorum esse, & in ea heram manere. Cumque in quendam ex domo illa incidisset, rogabat, an aliquid ad nuptias utile domestici possent sibi vendere. Ille autem rogitat: cui est opus his? Xantho inquit, Philosopho: cràs enim uxori copulandus est. Eo verò ascidente, & uxori Xanthi, hæc ut audivit, renunciante, illa cursim, & properè ad Xanthum illicò, pergit, contra ipsum clamat, dicens inter alia, & hæc: non me vivente, ò Xanthe, alteri uxori conjungi poteris. Sicque mansit in domo per Æsopum, quem-

admodum propter illum discesserat.
Rursus post dies aliquot invitans Xan-
thus discipulos ad prandium, Æscopo in-
quit: I, eme optimum quodque, & præs-
tantissimum. Ille inter eum dum secum
dicebat: Ego docebo herum non stulta
mandare. Cum linguas igitur solùm suil-
las emisset, & apparasset: discubenti-
bus linguam assatam singulis cum salsa-
mento apposuit. Discipulis laudantibus,
ut Philosophicum primum ferculum,
propter linguæ ad locutionem ministe-
rium, rursus elixas Æsopus linguas ap-
posuit: atque iterum etiam ferculo alio-
atque alio petito, ille nihil aliud, quæ
linguas proponebat. Discipuli autem eo-
dem subinde cibo repetito indignati:
Quousque linguas? Inquiunt: quippè
nos per diem linguas edendo, nostras do-
luimus. Xanthus inquit iratus: nihil aliud
tibi est, Æsope? Et is: non certè. Tum
ille: nonne mandavi tibi, sordidissimè
homule, optimum quodque, & prestan-
tissimum obsonari? Et Æsopus: multas
habeo tibi gratias, quod me Philosophis
præsentibus increpaveris. Quid igitur
fuerit lingua melius, & præstantius in vi-
ta? omnis enim doctrina, & philosophia
per ipsam monstratur, ac traditur: per
ip-

ipsam dationes, acceptiones, fora, salutations, benedicentiæ, musa omnis : per ipsam celebrantur nuptiæ, Civitates eriguntur, homines servantur. Et, ut breviter dicam, per ipsam tota vita nostra consistit : nihil ergo lingua melius. Ob hæc discipuli Æsopum rectè loqui dicentes, aberrase verò magistrum, abiere singuli in domum. Postridiè rursùs accusantibus ipsis Xanthum , ille respondebat, non secundùm voluntatem suam hæc facta fuisse, sed inutilis servi nequitia: hodiè autem permutabit cœnam, & ipse, præsentibus vobis, cum eo colloquar. Ac , vocato eo, vilissimum quodque, & pessimum obsonari jubet, quod discipuli secum forent cœnaturi. Ille autem nihil mutatus, rursùs linguas emit, & apparatus discumbentibus apposuit. Hi inter se submurmurabant : porcinæ rursùs linguæ. Et mox iterùm linguas apposuit. Et valdè iterùm, atque iterum. Xanthus autem iniquo animo ferens quid hoc, inquit, Æsope? Num rursùs mandavi tibi optimum quodque , & præstantissimum obsonari, ac non potius vilissimum quodque, & pessimum? Ille autem, & quid unquam pejus lingua, ò here? Non urbes per ipsam cer-

runt? Non homines per ipsam interficiuntur? Non mendacia omnia, & maledicta, & perjuria per ipsam perficiuntur? Non nuptiæ, & principatus, & regna per ipsam evertuntur? Non, ut summatur dicam, vita omnis per ipsam infinitorum errorum referta est? Hæc Æsopo dicente, quidam ex discubentibus una Xantho inquit: hic, nisi validè te ipsum munieris, non dubia erit infamiae causa tibi: qualis enim forma, talis, & anima. Et Æsopus ad eum: Tu mihi videris, o homo, pravus quidem, & curiosus esse, herum irritans contrâ servum. Xanthus autem ad hæc, causam capiens verberandi hominem; fugitive, inquit, quoniam curiosum dixisti amicum, ostende mihi incuriosum hominem adductum. Egressus igitur postridie in plateam Æsopus, & eos, qui præteribant, circumspiciens, videt quemdam in loco quodam diù sedentem, quem judicans secum otiosum, & simplicem esse, accedens inquit: herus te invitat secum pransurum. Rusticus ille nihil sciscitatus, neque quis esset, à quo invitaretur, ingressus est in domum: & cum ipsis calceis, ut erant viles, discubuit. Rogante autem Xantho: quis hic?

Æso-



Æsopus ait: incuriosus homo. Et Xanthus uxori in aurem dicit, ut sibi obqueretur, & quod ipse jusserrit faceret, ut plagas Æsopo honesta ratione inferret. Deindè corām omnibus inquit: domina, aquam in pelvim injice, & pedes hospitis lava. Cogitabat enim secum omnino hospitem recusaturum : Æsopum verò, quod ille curiosus esset, verberibus cæsum iri. Illa igitur jacta aqua in pelvim, ibat , pedes hospitis lotura. At ille cognoscens hanc esse domus dominam , secum loquebatur: honorare me omnino vult, atque hujus rei gratia suis manibus pedes meos vult lavare , cùm ancillis queat hoc mandare. Extensis igitur pedibus: lava, inquit, hera: ac lotus discubuit. Xantho autem jubente vinum hospiti dari, quod biberet, rur-

sùs ille considerabat secum ipsos antè oportere bibere: sed quia sic ipsis visum est, non opus mihi hæc inquirere. Accipiens igitur bibt. Prandentibus verò, & ferculo quodam hospiti apposito, atque illo suaviter comedente, Xanthus coquum, quòd malè hoc condivisset, criminabatur, atque etiam nudum verberibus afficiebat. Rusticus autem secum dicebat: ferculum quidem optimè coctum est, & nihil ei deest, quominus rectè paratum sit: si autem absque causa vult suum servum flagellare pater familias, quid ad me? Xantho autem ægreferente, neque jucundè affecto, quoniā, nihil hospes curiosè inquirebat, tandem placentæ allatæ sunt. Hospes verò, tanquam nunquam placentam gustasset: convolvens, & accipiens, ipsas ut panes comedebat. Xanthus autem pistorem accusavit, dixitque ei: cur nam, ò execrande, absque melle, ac pipere placentas præparasti? Ille inquit: si cruda est, ò here, placenta, me verbera: si verò non, ut oportebat, præparata est, non me, sed heram accusa. Et Xanthus: si à mea hoc factum est uxore, vivam ipsam nunc comburam. Atque iterum uxori innuit, ut sibi obsequeretur proper

ter *Æsopum*. Cùm igitur jussisset sarmenta in medium afferri pyram succendit, & arreptam uxorem propè pyram egit, ita ut crederetur ipsam in ignem esse immissurus: differebat autem aliquo medo, & circunspiciebat rusticum, si quo modo assurgens, à tali audacia prohibere ipsum aggredēretur. Sed is secum rursus considerabat: Cùm nulla adsit causa, quidnam sic irascitur? Deinde inquit: ò pater familias, si hoc iudicas oportere fieri, expecta me parumper, dum digressus abducam, & ipse meam ex agro uxorem, ut ambas simul comburas: hæc á viro Xanthus audiens, & hujus sinceritatem, ac generositatem admiratus, *Æsopo* inquit: ecce verè homo incuriosus: habes accepta præmia victoriæ, ó *Æsope*: satis est tibi de cætero, deinde vero libertatem tuam assequeris. Postridiè autem Xanthus jussit *Æsopo* in balneas ire, & scrutari an multa adesset turba, velle enim lavari. Abeunti autem Prætor occurrens, & Xanti ipsum esse cognoscens, interrogavit, quoniam iret. Quod cùm se is negasset scire: existimans Prætor interrogationem suam floccipendi, in carcerem ipsum abduci jubet. Cùm igitur ab-

abdduceretur Æsopus clamavit: Vide
ò Prætor, quemadmodum rectè respon-
deam? Quæ enim non expectavi, &
occuri tibi, & in carcerem jam tra-
hor. Tum Prætor stupefactus responsi
promptitudine, sinit abire. Æsopus au-
tem profectus in balneas, multam tur-
bam in ipsis intuitus est: sed & lapidem
videt in medio ingressu positum, in
quem singuli ingredientes, & egredien-
tes offendebant: hunc autem unus quis-
piam ingrediens, ut laveretur, sublatum
transposuit: reversus igitur ad herum:
Si vis, inquit, here, lavari, unum ho-
minem in balneis vidi. Xanthus profec-
tus, ac multitudinem lavantium vi-
dens, dixit: Quid hoc, ó Æsope?
Nonnè unum hominem dixisti te vi-
disse? Æsopus: Certè, inquit: nam
lapidem illum (manu ostendens) ante
ingressum positum reperi, in quem in-
gredientes omnes, & exeuntes offendeban-
t: unus verò quidam antequām illi-
deret, elevatum transposuit. Illum igi-
tur unum hominem dixi vidiisse, plu-
ris faciens, quam alios. Tum Xanthus:
Nihil apud Æsopum tardum est ad res-
punctionem. Cùm aliquando Xanthus ex
latrina rediret, interrogavit Æsopum:
quid

quid ita homines post cacationem,
ventris excrementa aspiciunt? Ille ait:
Antiquis temporibus vir quidam deli-
catius vivens multo tempore præ deli-
ciis in latrina sedebat, ut & sua, illuc
immorans cacaverit præcordia: ex illo
tempore igitur timentes cæteri homines,
ventris inspiciunt sordes, ne quo modo
& ipsi hoc patientur. Sed tu, here, ne
time: non enim sunt tibi præcordia.
Die autem quodam, celebrato convi-
vio, Xanthus cum aliis philosophis dis-
cumbebat, & potu jam invalescente,
crebræ quæstiones inter hos versaban-
tur: atque Xantho incipiente turbari,
Æsopus adstans, ait: Here, Bacchus
tria possidet temperamenta, primum
voluptatis, secundum ebrietatis, ter-
tium contumeliae. Vos igitur poti jam,
& lætati, quæ reliqua sunt, omittite.
Tum Xanthus jam ebrius ait: Tace:
inferis consule. Et Æsopus: igitur & in
infernum distrahere. Et discipulis au-
tem quidam subebrium jam Xanthum
videns, &, ut universum dicam, temu-
lentum: O præceptor, inquit, potest-
ne homo aliquis ebibere mare: Et ille:
Admodum quidem: ego enim ipse hoc
ebibam: Discipulus: At si non poteris,
quam-

quamnam tibi mulctam irrogabo? Tum Xanthus: domum meam depono totam. Atque interim depositis anulis pacta firmaverunt, tum discesserunt. Postridiè diluculò, excitato Xantho, ac faciem lavante, anulum inter lavandum non vidit. Æsopum de eo interrogat. Ille nescio, inquit, quidnam factum fuerit: sed unum scio tantum, quod à domo decideris tua. Tum Xanthus: quamobrem? Æsopus: Quoniam heri ebrius pepigisti mare ebibere, atque in pactis deposuisti & anulum: Et is: tum quomodo majus fide opus potero? Verum te nunc rogo, si qua cognitio, si qua prudentia, si qua experientia, praestosis, ac opem porrige, ut vincam, aut pacta dissolvam. Æsopus autem: vincere quidem haud licet, sed ut solvas pacta, efficiam. Cùm hodiè rursus in unum conveneritis, nullo modo videris timere, verum quæ pactus es ebrius, eadem sobrius quoque dic. Jube itaque stramenta, & mensam in littore poni, & pueros paratos cum poculis porrigeret tibi marinam aquam. Cùm autem omnem videris turbam, concurrise ad spectaculum, ipse discubens jube ex mari impleri poeum:

Ium: atque, hoc accepto, omnibus au-
dientibus, dic pactis præfecto: quænam
apud nos fœdera inivimus? Atque is
respondebit tibi, quod pepigeris mare
ebibere. Conversus igitur tu ad omnes,
sic dicio: viri Samii, scitis & vos pe-
nitùs quamplurimos fluvios prorumpe-
re in mare: ego autem pepigi mare so-
lum ebibere, non etiam exeuntia in ip-
sum flumina. Hic itaque scholasticus
priùs coercent flumina omnia, deinde
statim mare solum ebibam. Xanthus
autem futuram ex hoc pacti solutionem
cognoscens, vehementer lætatus est.
Populus igitur ad littus confluit ad
spectaculum ejus, quod faciendum erat:
cumque Xanthus, quæ doctus fuerat
ab Æsopo, fecisset, ac dixisset: Samii
admirati, acclamaverunt, ac ipsum lau-
darunt: scholasticus, autem Xanthi pe-
dibus obvolutus, & victum se confi-
tebatur, & pacta rogabat dissolvi: quod
& fecit Xanthus, exorante populo. Pro-
fectis autem ipsis in domum, Æsopus
adiens Xanthum, inquit: per omnem vi-
tam tibi gratificatus sum, nonne dignus
sum, o here, consequi libertatem? At
Xanthus objurgando ipsum, repulit, di-
cens: an nolo ipse hoc facere? sed exi-

ante vestibulum, & speculare: & si vi-
deris duas cornices, renuntia mihi: bo-
num enim augurium hoc: quod si
unam videas, hoc malum. Accedens
igitur Æsopus, cùm duas fortè ita cor-
nices super quadam vidisset arbore se-
dentes, accedens, Xantho renuntiavit.
Exeunte autem Xantho, altera harum
avolavit: & Xanthus alteram solam vi-
dens, ait: nonne dixisti mihi, ex-
e crande, duas vidisse te? Et is: ita, sed
altera avolavit. Tum Xanthus: deerat
tibi fugitive, me ut deluderes? Jubet
igitur eum denudatum verberari. At
dum Æsopus verberabatur, præfectus
quidam invitavit ad cœnam Xanthum,
Æsopo inter verbera exclamante: hei
mihi misero: ego enim, qui duas vidi
cornices, verberor: tu verò, qui unum
tantum, in convivium abis: vanum ita-
que fuit augurium. Tum Xanthus so-
lertiam ejus admiratus, cessare jubet
verbera: non multis autem post diebus
philosophos, & Rethores cum invitasset
Xanthus, jussit Æsopo ante vestibulum
stare, & nullum indoctum ingredi, si-
nere, sed doctos solos. Hora autem
prandii, clauso vestibulo, Æsopus in-
tus sedebat: ex invitatis autem quodam

pro-

prefecto , & januam pulsante: Æsopus
intus ait: quid movet canis ? ille pu-
tans canis vocari , iratus discessit : sic
ergo unusquisque veniens revertebatur
iratus , putans injuria affici , Æsopo
eadem omnes interrogante. Cùm autem
unus ex ipsis ostium pulsasset, interro-
gatus quid moveret canis , respondit:
caudam, & aures. Æsopus ipsum rec-
tè judicans respondisse , aperta janua,
ad herum duxit, ac inquit: nullus phi-
losophus ad convivium tuum venit , o
here, præter hunc solum. Xanthus igi-
tur valde tristatus est , deceptum se
existimans ab invitatis. Postridiè cùm
venissent invitati ad litterarium ludum,
accusabant Xanthum, dicentes: Ut vi-
deris , o præceptor , cupiebas quidem
ipse contemnere nos : sed veritus, pu-
tridum in vestibulo constituisti Æso-
pum, ut nos injuria afficeret , & canes
vocaret. Et Xanthus: insomiumne, id
est, an vera res ? Tum illi: nisi sterti-
mus , vera res. Confestim accersitus
Æsopus, & rogatus cum ira cuius rei
gratia amicos ignominiosè amolitus es-
set , ait: non tu mihi , here , mandasti
nequem vulgarem, ac indoctum homi-
nem permitterem in tuum convenire

con-

convivium, sed solos doctos? Tum Xan-
thus: et quales hi , nonne docti? Et
Æsopus: nullo pacto: ipsis etenim pul-
santibus januam , & me intùs rogitante
quidnam moveret canis, nullus eorum
intellexit sermonem. Ego igitur , cum
indocti omnes viderentur, nullum ip-
sorum introduxi, nisi hunc , qui doctè
respondit mihi. Sic igitur cùm Æsopus
respondisset, rectè omnes dicere ipsum
confirmarunt. Ac post dies rursùs ali-
quot Xanthus sequente Æsopo , ad
monumenta accessit, & , quæ in arcis
erant , epigrammata , legens, seipsum
delectabat. At Æsopo in quadam ex
ipsis insuptas litteras has vidente $\alpha, \beta, \delta,$
 ϵ, θ, χ , ostendenteque Xanthos , atque
rogante, an hasce novisset : diligenter
ille scrutatus, non potis fuit harum in-
venire declarationem: ac fassus est du-
bitare omnino. Tùm Æsopus : si per
hanc columnulam , o here , thesaurum
estendam tibi , qua re me remunera-
bit? Et is : Confide , accipies enim li-
bertatem tuam , atque dimidium,
auri; tunc Æsopus distans á cippo pa-
sus quatuor , & fodiens , accepit the-
saurum , & tulit hero, dicens: da mihi
promissum , cuius gratia invenisti the-
sau-

saurum. Ex Xanthus: non, si & ego sapiam, nisi & sensum litterarum mihi dixeris: nam scire hoc multo re inventa mihi pretiosius. Litteræ istæ inquiunt: recedens passus quatuor, fodiens invenies thesaurum aureum. Xanthus autem: quia ita solers es, & astutus, non accipies uam libertatem. Et Æsopus: renuntiabo dandum aurum, o domine, regi Byzantinorum: illi enim reconditum est. Et Xanthus: unde hoc nosti? Et ille: ex litteris, quæ inquiunt: redde regi Dionysio, quem invenisti thesaurum aureum. Xanthus audiens regis esse aurum, Æsopo ait: Accepto dimidio lucri, taceto. Et ille: non tu mihi nunc hoc præbes, sed qui aurum hic infodit: ac quemadmodum, audi: hoc enim dicunt litteræ aliæ: acceptum euntes, dividite, quem invenistis, thesaurum aureum. At Xanthus: Venias, inquit, in domum, ut & thesaurum dividamus, & tu libertatem accipias. Profectis ergo, Xanthus timens Æsopi loquacitatem, in carcerem ipsum jussit injici. Cùm abduceretur Æsopus, inquit: hujusmodi sunt promissa philosophorum? non solum enim non accipio meam liberta-

tatem , sed & in carcerem jubes injici me. Xanthus igitur jussit ipsum solvi , & ait ei : Nimirum rectè inquis, ut parta libertate, vehementior sis contra me accusator. Tùm Æsopus dixit : quodcumque mihi potes facere, fac malum : omnino vel invitus liberabis me. Ea verò tempestate hujusmodi res Sami , obtigit. Cùm publicè festum celebraretur, repente aquila devolans , & publicum , rapiens anulum, in servi sinum demisit. Itaque Samii perterriti , cùm ob hoc prodigium incidissent in multum mœrorem , in unum coacti cœperunt rogare Xanthum , quòd primus civium esset & philosophus , ut sibi judicium prodigiī manifestaret. At ille omnino ambigens , tempus petiit. Profectus igitur domum, tristis erat admodum , & sollicitudinibus immersus, ut qui nihil judicare posset. Æsopus verò, mœrore Xanthi cognito , adiens , ait : Qua causa , ò here, sic perseveras tristari ? Mihi committe, vale dicto mœrori. Cràs in forum proiectus dic Samiis: ego neque prodigia solvere didici , neque augurari: sed puer mihi est multarum rerum peritus, ipse vobis quæsitum solvet. Et si ipse con-

consecutus fuero solutionem , here, tu
gloriam reportabis, tali utens servo: sin
minūs fuero consecutus , mihi soli erit
dedecus. Persuasus igitur Xanthus, pos-
tero die in theatrum profectus, & as-
tans in medio juxta monita Æsopi con-
cionatus est iis, qui convenerant. Illi ve-
rò statim rogabant Æsopum acciri. Qui,
cum venisset, staretque in medio. Sa-
mii , facie ipsius considerata, deriden-
tes clamabant : hæc facies prodigium
solvet ? ex deformi hoc quid unquam
boni audiemus ? Ita ridere cœperunt.
At Æsopus extenta manu silentio peti-
to, inquit: viri samii, quid faciem meam
cavillamini ? non faciem, sed animum
respicere oportet: sæpè enim in turpi
forma bonum animum natura imposuit.
An vos exteriorem testarum formam
consideratis, ac non potius interiorem
vini gustum ? Hæc ab Æsopo cum au-
dissent omnes, dixerunt: Æsope, si quid
potes , dic civitati. Ille igitur audacter
ait: viri Samii , quoniam fortuna , quæ
contentionis studiosa est, gloriæ certa-
men proposuit domino & servo: si ser-
vus inferior videatur domino, verberi-
bus cæsus abibit: sin autem præstantior,
nihilominus & sic verberibus lacerabi-
tur.

tur. Si vos per meam libertatem , lo-
quendi mihi fiduciam indulseritis, ego
nunc vobis intrepidè quæsitum nar-
bo. Tunc populus uno ore clamabat ad
Xanthum: libertate dona Æsopum, ob-
tempera Samiis, largire libertatem ejus
civitati. At Xantho non annuente, Præ-
tor ait Xantho: si tibi non placet auscul-
tare populo , ego hac hora Æsopum li-
bertate donabo, & tunc, tibi æquali fue-
rit. Tunc igitur Xanthus necessariò li-
bertatem reddidit , & præco clamavit,
Xanthus philosophus liberum Samiis lar-
gitur Æsopum, atque interim fidem ser-
mo Æsopi accepit dicentis Xantho: vel
invitus mè libertate donabis. Æsopus
itaque libertatem consecutus , stans in
medio, ait: viri Samii, aquila, ut scitis,
regina avium est. Quoniam autem im-
peratorium anulum hæc raptum demis-
sit in servi sinum, hoc significare vult,
quemdam ex iis, qui nunc sunt, regem,
vellè vestram libertatem in servitutem
redigere, atque sancitas leges irritas fa-
cere. His auditis, Samii mœrore reple-
ti sunt: sed non multo pōst tempore, &
litteræ à Cræso Lydorum rege vene-
runt ad Samios, jubentes eis, ut impos-
terum tributa sibi penderent: sin minus
ob-

obtemperassent, ut ad pugnam se pararent. Consultabant igitur universi. Timuerunt enim subditi fieri Crœso, conducibile tamen esse, & Æsopum consulere. Et ille consultus, ait: cùm principes vestri sententiam dixerint de tributo dando obtemperandum esse regi: consilium jam minimè, sed narrationem vobis afferam, & scietis quid conduceat. Fortuna duas vias ostendit in vita: alteram libertatis, cuius principium accessu difficile, sed finis planus: alteram servitutis, cuius principium facile, & accessibile, finis autem laboriosus. His auditis, Samii exclamaverunt: nos cùm simus liberi, servi esse gratis nolumus: & oratorem infecta pace remiserunt. His ergo cognitis, Crœsus decrevit bellum in Samios movere. Sed legatus retulit: non poteris Samios debellare, quādiū est apud eos Æsopus, & consilia sugerit. Potes autem magis, ait, ô rex, legatis missis petere ab ipsis Æsopum, pollicitus eis, & gratias alias relaturum, & remisionem jussorum tributurum. Et tunc fortè poteris eos superare: Crœsus his persuasus, legato misso, dedi sibi petebat Æsopum. Samii autem hunc tradere decreverunt. Quo cognito, Æsopus

pus in media concione stetit, ac inquit:
viri Samii, & ego permulti facio ad re-
gis pedes proficisci: volo autem vobis fa-
bulam dicere. Quo tempore animalia
inter se loquebantur, lupi bellum ovibus
intulerunt. Unà verò cum ovibus cani-
bus præliantibus, ac lupos arcentibus;
lupi, legato misso, dixerunt ovibus, si
voluerint vivere in pace, & nullum sus-
picari bellum, ut canes sibi traderent.
Ovibus ob stultitiam persuasis, & cani-
bus traditis, lupi, & canes dilacerarunt,
& oves facilimè occiderunt. Samii igitur
fabulæ sensu cognito, decreverunt apud
se detinere Æsopum. Ille verò non tulit:
sed cum legato unà solvit, & ad Crœ-
sum se contulit. Profectis autem ipsis
in Lydiam, Rex ante se stantem Æso-
pum videns, indignatus est, dicens: vi-
de qualis homuncio impedimento mihi
ad tantam insulam subigendam fuit.
Tum Æsopus: maxime rex, non vi, ne-
que necessitate coactus ad te veni, sed
spontè adsuin. Sustine autem me pa-
rumper audire. Vir quidam cùm locus-
tas caperet, occideretque, cepit, & cica-
dam. Cùm, & illam vellet occidere, in-
quit cicada: ò homo, ne me frustrè oc-
cidas: ego enim neque spicam lædo, ne-
que

que alia in re quapiam injuria te afficio:
motu verò , quæ in me sunt, membra-
nularum, suaviter canto, delectans via-
tores:præter igitur vocem in me amplius
nihil invenies. Ille his auditis, permisit
abire. Et ego itaque, ò rex, tuos pedes
attingo, ne me sine causa occidas, non
enim possum injuria quemquam affice-
re, sed in vili corpore generosum loquor
sermonem. Rex autem miratus simul, &
miseratus ipsum, ait: *Æsopè*, non ego
tibi largior vitam , sed fatum : ergo,
quod vis, pete, & accipies. Et ille: ro-
go te, ò rex, reconciliare Samiis. Cùm-
que rex dixisset, reconciliatus sum: pro-
cidens ille in terram, gratias ei agebat.
Et post hæc suas conscripsit fabulas,
quas in hunc usque diem extantes apud
regem reliquit. Acceptis autem ab ip-
so litteris ad Samios, quod *Æsopi* gratia
eis reconciliatus fuerit, atque muneri-
bus multis, navigavit in Samum. Samii
igitur hunc videntes, & coronas ei in-
tulerunt, & choreas ejus gratia consti-
tuerunt. Ille autem, & regis litteras le-
git, & ostendit, quod sibi donatam à po-
pulo libertatem, libertate rursùs remu-
neratus fuerit. Post hæc verò ab insula
decedens, circuibat Orbem, ubique cum

Philosophis disputando. Profectus , & in Babylonem, & suam ipsius doctrinam demonstrando, magnus apud regem Lycerum evasit. Illis enim temporibus Reges invicem pacem habentes, atque delectationis gratia quæstiones vicissim sophisticas scribendo mittebant: quas qui solverent, tributa pacta à mittentibus accipiebant: qui verò non, æqualia præbebant. Æsopus igitur, quæ mittebantur problemata Lycero, intelligens dissoluebat, & clarum reddebat regem, & ipse Lyceri nomine altera itidem regibus remittebat: quæ cùm remanerent insoluta, tributa rex quamplurima exigebat. Æsopus autem cùm non genuisset filios, nobilem quendam, Ennum nomine, adoptavit, atque ut legitimum filium Regi allatum, commendavit. Non multo autem post tempore Ennus cum adoptantis concubina rem habuit: hoc sciens Æsopus, expulsurus erat domo Ennum, qui in illum ita correptus, epistolamque fictam ab Æsopo scilicet ad eos , qui sophismatis cum Lycero certabant, quod ipsis paratus esset adhærere magis, quam Lycero, regi dedit, Æsopi signatam anulo. Rex, & sigillò credens, atque inexorabili ira percitus, statim Hermippo iubet,

bet, ut nulla examinatione facta, tanquam proditorem occideret *Æsopum*. At Hermippus, & amicus fuerat *Æsopo*, & tunc se amicum ostendit: in sepulchro enim quodam, nemine sciente, occultavit hominem, & secretò nutrit. Ennus autem regis jussu omnem *Æsopi* administrationem suscepit. Sed quodam post tempore Nectenabo rex *Ægyptiorum* audiens *Æsopum* mortuum esse, mittit Lycero statim epistolam, architectos sibi mittere jubentem, qui turrim ædificant, quæ neque cœlum, neque terram attingat, & aliquem, qui semper respondeat ad omnia quæcumque rogaverint: quod si fecisset, tributa exigeret: sin minus solveret. His lectis, Licerus mœrore affectus est, cum nullus ex amicis posset quæstionem de turri intelligere: rex vero, & columnam sui regni dicebat interisse *Æsopum*. Hermippus autem, dolore regis ob *Æsopum* cognito, adiit regem, & vivere illum renuntiavit, addiditque ipsius causa *Æsopum* non pereuisse, sciens, quod pœniteret aliquandò regem sententiæ. Rege autem vehementer his lætato, *Æsopus* solidens, ac squalens totus, ad ductus est. Cumque rex, ut eum vidit,

illacrymasset, atque ut lavaretur, aliaque cura afficeretur, jussisset: *Æsopus* post hoc, & de quibus accusatus fuerat, causas confutavit, ob quæ cum rex Ennum esset occissurus, *Æsopus* ei veniam petiit. Post hæc autem rex *Ægyptii* epistolam *Æsopo* dedit legendam. At ille, statim solutione cognita quæstionis, risit: ac rescribere jussit, cùm hyems præteriisset, missum iri, & qui turrim essent ædificaturi, & aliquem, qui responderet ad rogata. Rex igitur *Ægyptios* legatos remisit: *Æsopo* autem pristinam administrationem tradidit omnem, datum ei tradens & Ennum. At *Æsopus* acceptum Ennum nulla in re tristitia affecit, sed ut filium rursus receptum, inter cætera his admonuit verbis: filii ante omnia cole Deum: regem honora. Inimicis tuis terribilem te ipsum præbe, ne te contemnant: amicis faciem, & communicabilem, quò longè bevolentiores tibi sint. Item inimicos malè habere precare, & esse pauperes, ne te possint offendere: at amicos in omnibus benè valere velis. Semper uxori tuæ benè adhære, ne alterius viri periculum facere velit: leve enim mulierum est genus, ac delinitum adulacione, minus

nùs mala cogitat. VeloceM ad sermonem ne posside auditum: linguæ continens esto. Benè agentibus ne invide, sed congratulare: invidens enim, te ipsum magis offendent. Domesticorum tuorum satage, ut te non solùm, ut dominum timeant, sed etiam, ut benefactorem venerentur. Ne pudeat discere semper meliora. Mulieri non unquàm credas secreta: nam semper armatur, quomodò tibi dominetur. Quotidiè in diem crastinum reconde: melius enim mortuum inimicis relinquere, quam viventem, amicorum indigere. Salutato facile, qui tibi occurrunt, sciens; & catullo cauda panem comparare. Bonum esse ne pœniteat. Susurronem virum ejice domo tua, nam quæ à te dicuntur, ac fiunt, aliis communicabit. Fac, quæ te non mæstificant. Contingentibus ne tristare. Neque prava ineas unquam consilia, neque mores malorum imiteris. His ab Æsopo Ennus admonitus, tūm sermone, tūm sua conscientia, ut sagitta quadam, percussus animum, paucis post diebus è vita discesit. Æsopus autem aucupes omneis accersivit, atqui aquilarum pullos quatuor ut caperent, jubet. Sic itaque captos nutravit, ut dici-

tur, ac instruxit, (cui rei non magnam fidem adhibemus) ut pueros in sportis ipsiis appensis gestando in altum volarent, atque ita obedientes pueris essent, ut quocumque illi vellent, volarent, sive in altum, sive in terram deorsum. Præterito verò hyemali tempore, ac vere arridentे, cùm ad iter omnia parasset Æsopus, & pueros accepisset, & aquilas, decessit in Ægyptum, multa imaginatio- ne, & opinione ad stupefactionem illorum hominum usus. Sed Nectenabo auditō adesse Æsopum: insidiis circumventus sum, inquit amicis, quia intellexeram Æsopum mortuum esse. Postridiè autem jussit rex, ut omnes Magistratus candidis circumdarentur vestibus: ipse lanam induit, & corronam, ac gemmatam citarim. Cùmque, sedens in alto solio, Æsopum introduci jussisset: cui me assimilas (ingredienti inquit) Æsope, & eos, qui mecum sunt? Et ille: te quidem Soli verno, qui verò te circunstant, maturis aristis: & rex admiratus ipsum, & donis eum prosecutus est. Postero autem die rursus rex candidissimam togam indutus, amicis purpureas jussis accipere, ingredientein Æsopum iterū eadem roga- vit.

vit. Et Æsopus: te inquit, comparo Soli: hos autem, qui stant circum, radiis solaribus. Et Nectenabo : puto nihil esse Lycerum præ meo Regno. Et Æsopus subridens: ne facile de illo sic loquere, ò rex : nam genti vestræ vestrum Regnum collatum , instar Solis lucet: at si Lycero comparetur, nihil aberit , quia splendor hic, tenebræ appareant: et Nectenabo apposita verborum responsione stupefactus. Attulisti nobis, ait, qui turrim ædificant ? Et ille: parati sunt , si modò ostendas locum. Postea egressus extra urbem rex in planitem, ostendit dimensum locum. Adductis igitur Æsopus ad ostensos loci angulos quatuor aquilis unà cum pueris per sacculos appensis, ac puerorum manibus datis fabrorum instrumentis, jussit evolare. Illi verò sublimes: date nobis, clamabant, lapides, date calcem, date ligna, & alia quæ ad ædificationem apta sunt. Sed Nectenabo visis pueris ab aquilis in altum sublatis, ait:undè mihi volucres homines? Et Æsopus: sed Lycerus habet: tu autem homo cum sis, vis cum æquo Diis rege contendere? Et Nectenabo: Æsope, victus sum:percontabor autem te, tu responde, Et ait: sunt mihi fœ-

minæ hic equæ, quæ cum audiverint eos, qui in Babylone sunt, equos hinnientes, statim concipiunt. Si tibi ad hoc est doctrina, ostende. Et Æsopus: respondebo tibi cràs, ô rex. Profectus verò ubi hospitabatur, felem jubet pueris comprehendendi, & captum publicè circumduci verberando. Ægyptii autem illum animal colentes, cum sic ipsum malè tractari viderent, concurrerunt, & felem è manu verberantium eripuerunt, ac rem celeriter renuntiarunt regi. Qui vocato Æsopo: nesciebas inquit, Æsope, tanquam Deum à nobis coli felem? Quarè igitur hoc fecisti? At ille, Lycerum regem injuria affecit, ô rex: præterita nocte hic felis. Gallum enim ejus occidit pugnacem, & generosum, præterea & horas ei noctis nuntiantem. Cui rex: non pudet te mentiri, Æsope? Quoniam modo unà nocte felis ab Ægypto ivit in Babylonem? Tum ille subridendo, inquit: et quomodo, ô rex, Babylone equis hinnientibus, hic equæ fœminæ concipiunt? Rex autem his auditis: prudentiam Æsopi felicem esse dixit. Post hæc autem cùm accivisset ex Heliopoli viros quæstionum sophisticarum peritos, atque de Æsopo cum eis dis-

disputasset, invitavit unà cum Æsopo ad convivium. Discubentibus igitur ipsis, quidam Heliopolita inquit Æsopo: missus sum à Deo meo quæstionem quamdam rogaturus te, ut ipsam solveres. Cui Æsopus: mentiris: Deo enim ab homine nihil opus est dis- cere: tu autem non solùm te ipsum ac- cusas, sed & Deum tuum. Alius rur- sùs ait: Est templum ingens, & in eo columna duodecim urbes continens, quarum singulæ triginta trabibus ful- ciuntur, quas circumcurrunt duæ mu- lieres. Tùm Æsopus ait: Hanc quæstio- nem apud nos solvent, & pueri. Tem- plum enim est hic mundus, columna annus, urbes menses, & trabes horum dies, dies autem, & nox duæ mulieres, quæ vicissim sibi succedunt. Postridiè, convocatis amicis omnibus, Nectenabo inquit: propter Æsopum hunc debebi- mus tributa regi Lycero. At ex his unus ait: jubebimus ei quæstiones dice- re nobis ex iis, quæ neque scimus, ne- que audivimus. Et ille: cràs hac de re vobis respondebo. Decedens igitur, & composito scripto, in quo continebatur: Nectenabo confitens mille talenta Lyce- ro debere, manè reversus Regi scriptum

reddidit. Regis autem amici , priusquam apperiretur scriptum, omnes dixerunt: et scimus haec , & audivimus, & verè scimus. Et Æsopus. Habeo vobis gratiam restitutionis causa: at Nectenabo confessione debiti lecta , ait: me nihil Lycero debente omnes vos testificamini? Illi mutati dixerunt: neque scimus, neque audivimus. Et Æsopus: si haec ita se habent, solutum est quæsitum. Ad haec Nectenabo: fœlix est Lycerus, talem in regno suo doctrinam habens. Ergò pacta tributa tradidit Æsopo, atque in pace remisit. At Æsopus in Babylonem profectus, narravit Lycero acta in Ægypto omnia, & tributa reddidit, Lycerus autem jussit statuam auream Æsopo erigi. Non multò autem post tempore Æsopus Græciam decrevit navigare, compositioneque cum rege facta , discessit: juratus ei priùs proculdubio rediturum se in Babylonem , atque illic reliquum vitæ victurum: peragratis autem Græcis urbibus, & sua doctrina patefacta , pervenit & Delphos : verū Delphi disserentem quidem audierunt libenter, sed honore, & observantia eum affecerunt nulla. Is autem ad eos suspiciens ait: viri Delphi , sucurrit mihi

ligno vos comparare, quod in mari fertur: illud etenim procul videntes dum fluctibus agitatur, magni pretii esse existimamus, postquam autem proxime advenit, vilissimum apparet. Et ego itaque cum procul essem ab urbe vestra, ut eos, qui existimatione digni sunt, vos admirabar: nunc autem ad vos profectus, omnibus (ut ita dixerim) inventi inutiliores, & sic deceptus sum. Hæc cum audivissent Delphi, & timerent ne aliquo modo Aësopus ad alias urbes accede malè de se diceret, decreverunt aulo hominem occidere. Auream phialam ex eo quod apud se erat, sacello Apolinis accipientes, clam in Aësopi absconderunt stragulis. Cum Aësopus vero ignoraret, quæ ab ipsis do-lo facta fuerant, egressus ibat in Phocidem. At Delphi agressi, & detinentes ipsum percontabantur, ut sacrilegum. Illo autem negante aliquid fecisse ejusmodi, illi vi stragulis evolutis, autem invenerunt phialam, quam etiam accep-tam omnibus civibus ostenderunt non cum parvo tumultu. Igitur Aësopus cognitis illorum insidiis, rogabat eos, ut solveretur. Hi autem non solùm non solverunt; sed ut sacrilegum in carce-

rem

rem quoque injecerunt, morte ejus suffragiis decreta. Æsopus autem cùm nulla astutia à mala fortuna liberari posset, seipsum in carcere lugebat, sedens. Ex familiaribus autem ipsius quidam, Damas nomine, ad ipsum ingressus, & videns eum sic lamentari, causam rei rogavit. Ille ait: mulier quædam cùm recenter suum virum sepelivisset, quotidiè profecta ad tumulum, plorabat. Arans autem quidam non procul à sepulcro, amore captus est mulieris, & derelictis bobus, ivit & ipse ad tumulum, ac sedens unà cum muliere plorabat. Cùm illa rogaret, cur nam & ipse sic lugeret? Quoniam & ego, inquit, decentem mulierem sepelivi, & postea quām ploravero, mœstitia levor. Illa autem, mihi id ipsum similiter accidit. Et ille: si igitur in eadem incidimus mala, cur nam invicem non conjungimur? ego etenim amabo te, ut illam: & tu me rursùs, ut tuum virum. His persuasit mulieri, & convenerunt: interim autem fur profectus, & bobes solvens, abegit. Ille autem reversus, non inventis bobus, & plangere, & lugere vehementer insituit. Profecta est & mulier: & lamentantem inveniens, inquit: iterum plo-
ras?

ras? Cui ille: nunc, ait, verè ploro. Et ego itaque multis evitatis periculis, nunc verè fleo, solutionem mali necundè inveniens. Post hæc assuerunt &




Delphi, & extractum ipsum è carcere trahebant in precipitum. Ille autem eis dicebat: Quando colloquebantur animalia bruta, m̄us ranæ amicus factus ad cœnam eum invitavit, & abducta in penarium divitis , ubi multa edulia erant: comedere, inquit, amica rana. Post epulationem & rana murem in suam invitavit cœnationem. Sed ne defatigare, inquit , natando , filo tenui tuum pedem meo alligabo. Atque hoc facto saltavit in paludem. Ea autem urinata in profundum, mus suffocabatur, & moriens ait: ego quidem per te morior, sed me vin-

vindicabit major. Supernatante igitur mortuo mure in palude, de volans aquila hunc arripuit, & unà cum eo etiam: appensam ranam: sicque ambos devoravit. Et ego igitur, qui vi per vos morior, habebo ultorem. Babylon enim & Græcia omnis meam à vobis exigent morteni: Delphi tamen ne sic quidem pеперerunt Æsopo: ille autem in Apollinis confugit sacellum: sed ii & illinc extraxerunt irati, & in præcipitium rursus traxerunt. Æsopus cùm abduceretur dicebat: audite me Delphi: lepus, aquila insectante, in lustrum scarabei confugit, rogans, ut ab eo servaretur. Scarabeus autem rogabat aquilam, ne occideret supplicem, obtestans ipsam per maximum Jovem, saltem ne despiceret parvitatem suam. Illa verò irata, ala percutiens scarabeum, leporem raptum depasta est. Scarabeus autem cùm aquila volavit, ut nidum ejus disceret, ac jam profectus ova ejus devoluta disrupt. Illa cùm grave existimaret, si quis hoc ausus fuisset, & in altiore loco secundo nidificasset; & illic rursus scarabeus iisdem hanc affecit: aquila autem inops consilii penitus, ascendit ad Jovem (in ejus enim tutela esse dicitur)

&

& in ipsius genibus tertiam fœturam
ovorum posuit. Deo ipsa commendans,
& supplicans, ut custodiret. At scar-
abeus, è stercore pilula facta, ascendit,
& in sinum Jovis eam dimisit. Jupiter
assurgens, ut simum excuteret, & ova
abjecit, oblitus, quæ & contrivit dejec-
ta. Sed cùm didicisset à scarabeo, quòd
hæc fecisset, ut aquilam ulcisceretur
(non enim scarabeum tantum illa affecit
injuria, sed & in Jovem ipsum impia
fuit) aquilæ reversæ ait, scarabeum es-
se, qui affecit mœrore, & certè jure af-
fecisse. Nolens igitur aquilarum genus
deficere, consuluit scarabeo, ut aquilæ
reconciliaretur. Cùm hic non paruisset,
ille in aliud tempus transposuit aquila-
rum partum, cùm non appareant scara-
bei. Et vos igitur, ò viri Delphi, ne des-
picite hunc Deum, ad quem perfugi:
& si parvum sortitus est delubrum, ne-
que enim impios negliget. Delphi verò
hæc parum curantes, recta ad mortem
itidem ducebant. Æsopus nulla re à
se dicta videns eos flecti, rursùs ait: vi-
ri crudeles, & interfectores, audite:
agricola quidam in agrò consenuit: cum
nunquam ingressus esset in urbem, pre-
cabatur domesticos, ut cam videret. At

illi junctis asellis , atque in currum eo imposito, solum jusserunt agere. Eunti autem procella & turbine aerem occupantibus , & tenebris factis , aseli à via aberrantes, in quoddam præcipitum deduxerunt senem. At ille jam præcipitandus, ò Jupiter, ait, qua in re te injuria affeci, quòd sic iniquè occidor, præsertim cùm neque ab equis generosis, neque à mulis bonis , sed ab asellis villissimis? Et ego itaque eodem modo nunc tristor, quoniam non ab honoratis viris, & elegantibus, verum ab inutilibus, & pessimis interficio. Jamquè præcipitandus, ejusmodi dixit rursus fabulam : vir quidam suam deamans filiam,



rus misit uxorem , solam autem filiam
receptam violavit. Illa autem: pater, ait,
sce-

scelestā facis : optarem tamen à multis
potius viris dedecore hoc affici, quām à
te, qui genuisti. Hoc nunc & in vos, o
iniqui Delphi, dico, quod eligerem in
Scyllam, & Carybdim potius incidere,
ac in Africæ Syrteis, quām per vos in-
justè, atque indignè mori: execrōr igi-
tur vestram patriam, & Deos testor me
præter omnem justitiam interire, qui me
ulciscentur exauditum. Præcipitem igi-
tur ipsum dederunt de rupe, & mortuus
est. Non multò post autem pestilentia
laborantes , oraculum acceperunt ex-
piandam esse Æsopi mortem. Cui quòd
& consciī sibi essent, injustè eum inter-
fecisse, etiam cippum erexerunt. Sed
primates Græciæ, ac doctissimi quique,
cùm & ipsi, quæ in Æsopum facta fuis-
sent, intellexissent , Delphos profecti
sunt, & cum illis habita inquisitione, ul-
tores, & ipsi Æsopi mortis fuerunt.

*Æsopi vita à Maximo Flanude
conscripta.*

FINIS.

e

EX-

EX APHTONII SORHISTÆ EXERCITAMENTIS.

Fabula profecta quidem est à Poetis, sed & Rhetoribus communis facta est admonendi gratia. Est autem fabula sermo fictus, imagine quadam repræsentans veritatem. Atque alia Cilix, alia Cypria dicitur, accepto ab inventoribus nomine: verùm quoniam Æsopus egregiè præter cæteros conscripsit fabulas, evicit ut potius Æsopia diceretur. Ea verò est triplex, Rationalis, Moralis, Mixta. Rationalis, in qua aliquid ab homine geri configitur: Moralis, quæ eorum imitatur mores, quæ sunt rationis expertia. Mixta verò, quæ Rationale, irrationaleque complectitur. Eam autem admonitionem, cuius causa fabulam constituis, Antefabulationem præpositam: postpositam verò, Adfabulationem dices.

F A B U L A

*Quā formicarum, & cicadarum exemplo
hortantur juvenes ad laborem.*

Cicadæ olim æstate, asiduis cantibus indulgebant: Formicæ verò hymnis memores, laboribus, fructibusque colligendis operam dabant. Verùm cùm hyems advenisset, Formicæ iis, quæ collegerant, pascebantur. Cicadas autem delectatio illa, & canendi voluptas, eò indigentia, miseriæque perduxit, ut esurirent omnes, & fame conficeretur. Sic juventus laborem fugitans, malè se habet in senectute.

Ex Philostrati imaginibus fabulæ.

FAbulæ se ad Æsopum sua in eum benevolentia conferunt, quòd sata-gat sui. Fabula quippè, & Homero, & Hesiodo, necnon & Archilocho in Ly-camben curæ fuit. Sed ab Æsopo hu-mana omnia ad fabellas redacta sunt, sermone brutis non temerè impertito: nam & cupiditatem tollit, & libidinem insectatur, & fraudem. Atque hæc ei leo, quispiam agit, & vulpes, & per Jovem equus, nec testudo mûta: Ex quibus pueri discunt, quæ in vita gerantur. Habentur igitur in pretio fabulæ prop-

propter Æsopum. Accedunt ad januam docti hujus, vittis eum devincturæ coronaque oleagina coronaturæ: hic ut puto, fabulam aliquam texit: risus enim faciei, & oculi in terram defixi id præseferunt. Pictorem, fabularum curas remissiore animo indigere, non latuit. Philosophantur autem picturæ, & fabularum corpora. Bruta enim cum hominibus conferens, cœtum circa Æsopum statuit ex illis scena confictum. Chori dux vulpes depicta est. Utitur enim ea Æsopus ministra argumentorum plurium, ceu Davo Comœdia.

EX HERMOGENIS EXERCITAMENTIS PRISCIANO INTERPRETE.

Fabula, est oratio ficta, verisimili dispositione imaginem exhibens veritatis. Ideò autem hanc primam tradere pueris solent oratores, quia animos eorum adhuc melles ad meliores facile vias ritè instituunt. Usi sunt ea tamen vetustissimi quoque auctores, ut Hesiodus, Archilochus, Horatius. Hesiodus quidem lusciniæ, Archilochus autem vul-

Vulpis, Horatius muris. Nominantur autem, ab inventoribus fabularum, aliæ Æsopiæ, aliæ Cypriæ, aliæ Libicæ, aliæ Sibariticæ, omnes autem communiter Æsopiæ dicuntur, quoniam in convenientibus frequenter solebat. Æsopus fabulus uti. Mendacem quidem esse volunt fabulam, sed ad vitam utilem, necnon & verisimilem. Est autem verisimilis, si res, quæ subjectis accidunt personis, aptè reddantur: ut puta de pulcritudine aliquis certat, pavo supponatur hîc. Oportet alicui astutiam tribuere, vulturcula est subjicienda. Imitatores aliquos hominum volumus ostendere, hîc Simiis est locus. Oportet igitur modò breviùs, modò latius eas disserere. Quomodò autem hoc fiet? Si nunc narratione simplici proferantur, nunc etiam sermo iunctis fingatur personis. Exempli causa: simiæ convenerunt, & consilium haberunt de urbe condenda: & quia placuit illis, paratæ erant incipere ædificationem: sed vetus Simia prohibuit ab incepto, eas docens, quod facile capientur, si intrâ muros concludantur: sic breviter dices: si velis producere sic: simiæ convenerunt, & consultabant de urbe condenda, quarum una in medium veniens

niens concionata est, quia oportet ipsas
quoque civitatem habere. Videlis enim,
ajebat, quod civitatem habendo fœlices
homines sint, domos etiam singuli, &
in concionem universi, & in theatrum
ascendentes, delectant animos specta-
tionibus, & auditionibus variis. Et sic
proferes orationem in orando, dicens,
quod & plebiscitum scriptum est, &
inges etiam orationem veteris Simiae.
Expositio autem fabularum vult circui-
tionibus carere, & jucundior esse. Sed
oratio, qua utilitas fabulæ tegitur, quam
Επινόθην vocant, quod nos Adfabula-
tionem possumus dicere, à quibusdam
prima, à plerisque rationabilius postre-
ma ponitur. Sciendum verò, quod etiam
oratores inter exempla solent fabulis
uti.

LAURENTIUS
 VALLENSIS
 INSIGNI VIRO
 ARNOLDO FOVELLEDÆ
 saluteim.


Promiseram nuper me tibi coturnices, quas ipse venatus essem, missurum. Eas capere (ut homo venandi insuetus) cùm non possem, ad venationem meam, id est ad litteras me converti. Ut fortè ad manus venit libellus Græcus ex præda navalí tres & triginta Æsopi fabulas continens, has omnes bidui labore venatus sum. Mitto igitur ad te, sive fabellas, sive mavis cortunicēs, quibus oblectare te possis, ac ludere. Etenim si Octavianum, Marcumque Antonium, orbis terrarum Principes, ludo coturnicum delectatos accepimus: profectò tu, vir litterarum amantissimus, litterato hoc genere ludendi delectaveris. Et si quis Octavianō, aut Antonio pugnacem aliquam harum avium dono dedisset, jucundam

D il-

illis rem, gratamque fecisset: ego quoque
tibi jucundus, gratusque ero, qui plu-
res triginta ejus generis aves dono mitto,
pugnaces, victrices, & (si fortè magis
hoc te juvat) etiam pingues. Obligant
enim hæ fabellæ, & alunt, nec minus
fructus habent quam floris. Sed ne do-
num suum laudare insolentis sit, finem
faciam. Tu si coturnices veras, quam
has fabellas, malis, rescribe. Mittam
namque non modò coturnices, sed etiam
perdices: Ex urbe Cajeta Kalendis Maii
1438.

* * * * *

DE VULPE, ET CAPRO.



Vulpes, & Caper sitibundi in puteum quendam descenderunt , in quo cùm perbibissent , circumspicienti Ca- pro redditum Vulpes ait : bono animo esto , Caper : excogitavi namque quo pacto uterque reduces simus. Siquidem tu eriges te rectum primoribus pedi- bus ad parietem admotis, cornuaque ad- ducto ad pectus mento , recjinabis : & ego per terga cornuaque tua transiliens, & extrà puteum evadens, te istinc pos-

D 2

teà

teà educam. Cujus consilio fidem habente Capro, atque, ut illa dicebat, obtemperante, ipsa è puto resilit : ac deinde præ gaudio in margine putei gestiebat, exultabatque, nihil de Hirco curæ habens. Carterùm, cùm ab Hirco ut fœdifraga incusaretur, respondit: enim verò Hirce, si tantum tibi esset sensus in mente, quantum est setarum in mento, non priùs in puteum descendisses, quām de reditu exploratum habuisses.

Ad fabulatio.

Hæc fabula innuit, virum prudentem debere finem explorare, antequām ad rem agendam veniat.

De Vulpes, et Pardo. 2.

Vulpes, et Pardus de pulchritudine altercabantur: et Pardos suam pelliem versicolorem extollenti, Vulpes suam cùm non posset præponere, inquit: At quanto ego speciosior, quæ non corpus, sed animum versicolorem sortita sum.

Ad fabulatio.

Hæc fabula innuit, pulchritudinem animali antecelere pulchritudinem corporis.

De Lata, et Venere. 3.

CAta quædam delitium erat cuiusdam formosi adolescentis. Hanc il-

ille, ut in foemina mutaret, Venerem precatus est. Dea miserta cupiditatis adolescentuli, convertit bestiam in speciosam puellam. Cujus formam inardescens adolescentulus, adducit illam secum domum. Quibus considentibus in cubiculo, Venus volens periculum facere, nunquid illa cum corpore mutasset & mores, murem in medio dimisit. At illa, eorum, qui aderant, & cubiculi nuptialis immemor, à cubili consurgens murum insequebatur, illum comedere cupiens: tum Dea indignata, eam iterum in suam restituit naturam.

Ad fabulatio.

Hæc fabula innuit, scelestos homines, etiam si conditionem, statumque mutant tamen mores nequaquam mutare.

De Agricola, et filiis ejus. 4.

Agricola filios suos videris quotidiè digladiantes, neque in gratiam reducere potis esset, jussit fasciculum virgarum sibi afferri (aderant autem filii illuc sedentes) quæ cum allatae essent, colligavit omnes in unum fasciculum: jussitque singulos eorum fasciculum capere, atque confringere. Illis verò confringere non valentibus, solvens posteà fasciculum, tradidit singulas virgas eis

frangendas, atque illis statim frangentibus, intulit: ita quidem & vos, ò filioli mei, si unanimes invicem perstiteritis, inexpugnabiles vos hostibus, invictosque præbebitis: sin minus vestra ipsa æmulatio atque seditio, opportunam vos prædam inimicis faciet.

Ad fabulatio.

Hæc fabula innuit, æquè res humanaς capere, vel à concordia incremen-tum, vel à discordia jacturam.

De Muliere, et Gallina. 5.




Mulier quædam vidua habebat gal-linam quotidiè singula ova ponen-tem. Sperans autem mulier pro singulis bina ova posituram, si plus escarum tribuisset, opiparè educabat. Gallina

ve-

verò pinguior effecta, ne unum quidem ovum amplius facere poterat.

Ad fabulatio.

Hæc fabula innuit, quod homines per fluxum rerum, & copiam marcescentes, ab instituta industria retardantur.

De duobus Adolescentibus. 6.

Duo Adolescentes obsonium à cœ-
quo communiter mercati sunt. Ce-
terūm cùm coquus quibusdam negoti s
domesticis intenderet, vacaretque, al-
ter adolescentum partem obsonii in alte-
rius manus immisit. Convertente autem
se coquo, & partem carnis, quæ aberat,
requirente: qui carnem subtulerat, ju-
rat se non habere: qui verò habebat, se
non sustulisse. Quibus coquus (intelec-

ta adolescentum argutia) inquit: etsi me latet fur, tamen eum , quem juratis, non latebit.

Ad fabulatio.

Hæc fabula innuit, quod, si quid homines celamus , Deum tamen nequam celare poterimus, qui solus omnia prospicit , & omnia videt.

De duobus Amicis, et Urso. 7.

DUOBUS Amicis unà iter facientibus fit Ursus obviam , quorum unus perterritus, in arborem scandens, latuit: alter, verò, cùm se imparem Urso fore, & si pugnaret, superatum iri, intelligeret, procidens simulabat se mortuum esse. Ursus verò adveniens, & aures, & occiput ejus olfaciebat: illo, qui stratus jacebat usquequaque continente respirationem. Ita mortuum esse credens Ursus , abiit (ajunt enim non sævire in cadavera). Mox alter, qui inter frondes arboris latuerat, descendens, interrogat amicum, quidnam ad aurem Ursus es- set secum locutus. Cui amicus inquit: admonuit me ne posthac cum hujusmodi amicis interfaciām.

Ad fabulatio.

Fabula hæc innuit , devitandos esse ami-

amicos, qui periculoso in tempore auxilio præstando revocant pedem.

De Arundine, & Olea. 8.

Disceptabant aliquandò arundo , & olea de constantia, & fortitudine, & de firmitate. Et olea quidem arundini probra ingerebat, ut fragili, & ad omnem ventum vacillanti. Arundo autem obticebat, non longum tempus spectans. Nam cùm ventus vehemens ingruisset, arundo reflectebatur, agitabaturque. Olea verò cùm violentiæ ventorum reluctari vellet, confracta est.

Ad fabulatio.

Hæc fabula innuit eos , qui fortioribus ad tempus cedunt, potiores esse iis, qui non cedunt.

De tubicine. 9.

Erat Tubicen quidam , qui in militia signum caneret : is interceptus ab hostibus, ad eos, qui circumsistebant, proclamabat; nolite me , viri, innocenter, innocutum, insontemque perimere, nullum enim unquam occidi: qui pè nihil aliud, quam hanc buccinam habeo. Ad quem illi vicissim cum clamore responderunt: tu verò hoc ipso magis

trucidaveris, quòd, cùm ipse dimicare
nequeas, cæteros ad pugnam excitas.

Ad fabulatio.

Fabula hæc innuit, quòd præter cæ-
teros peccant, qui malos, & importu-
nos principes persuadent ad iniquè
agendum.

De Cane, & Lanio. 10.

CAnis quidam insiliit in macellum,
lanio in aliqua re occupato, & ar-
repto pecoris corde fugiebat : ad quem
lanius conversus, fugientemque aspi-
ciens, inquit: ô canis, abi ubicumque
fueris, te observabo : non enim mihi
cor sustulisti, sed cor dedisti.

Ad fabulatio.

Hæc fabula innuit, jacturam frequen-
ter esse hominibus doctrinam.

De Egroto, & Medico. 11.

Egrotus quidam à Medico interro-
gatus, quoniammodò se habuis-
set: præter modum, respondit, in su-
dorem se fuisse resolutum. Cui Medi-
cus: istud (inquit) bonum est. Altero
autem die interrogatus quomodò se ha-
beret, respondit: algoribus correptus,
diù vexatus sum. Et istud (inquit Me-
di-

dicus) bonum est. Tertiò cùm ab eodem interrogaretur, respondit: profluvio corporis debilitatus sum. Istud (inquit) etiam bonum est. Postea autem à familiari interrogatus: quomodo habes, ò amice? Respondit: ego etiam atque etiam benè habeo, sed morior.

Ad fabulatio.

Hæc fabula innuit, coarguendos assentatores.

De Asino, & Lupo. 12.



A Sinus calcato ligni aculeo claudīcabat, conspectoque lupo, ait: ò lupo, en præ cruciatu morior: futurus esca, aut tua, aut vulturum, aut corvorum. Unum modò munus abs te flagito: educ priùs ex pede aculeum, ut moriar saltem sine cruciatu. Tunc lupus

D 6

sum-

summis dentibus aculeum mordicūs deprehendens, eduxit. Asinus verò doloris oblitus, ferratos calces in faciem lupi impegit: fractisque illius fronte, naribus, & dentibus, aufugit; Lupo seipsum accusante, ac meritò sibi id evenisse dicente: quòd, qui didicerat esse lanius jumentorum, nunc eorum volebat esse chirurgus.

Ad fabulatio.

Hæc fabula innuit, quòd, qui sua artificia deserunt, transferentes se ad aliena ipsis non apta, & in derisum veniunt, & in discrimen.

De Pastore, & Mari. 13.

PASTOR in loco maritimo gregem passabat: qui cùm videret mare tranquillum, incessit ē cupido navigationem faciendi: itaque venundatis ovibus, emptisque palmarum fructibus, navigabat. Orta autem vehementi tempestate, & navi mergi periclitante, omne pondus navis in mare ejecit, vixque evasit exonerata navi. Paucis post diebus, veniente quodam, & tranquilitatem maris admirante (erat enim id sanè tranquillum) respondens, inquit: palmas iterūm vult, quantum intelligo: ideoque immotum sese ostendit.

Ad-

Hæc fabula innuit, eruditiores fieri homines damno, atque periculo.

De Vulpes, & Leone. 14.

Vulpes nullum anteà Leonem conspicata, cùm illi aliquandò obviasset, ita conspectum ejus expavit, ut parùm abfuerit, quin extingueretur. Quod cùm posteà iterùm accidisset: ad conspectum quidem Leonis exterrita est, sed non ita, ut priùs. Tertió cùm Leonem eundem vidisset in civitate, non modò, non exterrita, sed confidenter adiens, secum collocuta est, & confabulata.

Ad fabulatio.

Hæc fabula innuit, quòd consuetudo & conversatio facit, ut quæ maximè horribilia & formidolosa sunt, neque horrida neque formidolosa videantur.

De Gallis, & Perdice. 15.

GAllos quidam domi suæ cùm habebat, mercatus est Perdicem: eamque in societatem gallorum dedit unà cum illis saginandam. Eam verò statim galli, pro se quisque, mordebat, abigebatque. Perdix autem apud se afflictabatur, existimans, ideo talia sibi à gal· lis inferri, quòd suum ab illorum gene-

re-

re alienum esset. Ubi verò non multò post aspexit & illos inter se pugnantes, mutuoque percutientes, recreata à mœrore, & tristitia, inquit: equidem verò posthac ego non afflictabor amplius, vi-dens eos etiam inter se dimicantes.

Ad fabulatio.

Hæc fabula innuit, virum prudentem debere æquo animo ferre contumelias ab alienigenis illatas, quos videt ne à domesticorum quidem injuriis abstinere.

De Vulpes, & capite quodam. 16.

Vulpes aliquandó in domum citharœdi ingressa: dum omnia instrumenta musica, omnem supellectilem scrutarietur, reperit è marmore, caput lupinum, sicut inter fabrique factum. Quod cum in manus sumpsisset, inquit: o caput cum magno sensu factum ! nullum sensum obtines.

Ad fabulatio.

Hæc fabula ad eos spectat, qui corporis dignitatem habent, animi industriam non habent.

De

De Carbonario, & Fullone. 17

Carbonarius conducta in domo habitan^tis invitavit Fullonem, qui eò loci proximè venisset, ut eisdem in ædibus unà habitarent. Ad quem Fullo: ò homo, non est mihi istud factu conducibile: vereor enim, ne quicquid i^t se candelafacerem, id omne tu carbonaria aspergine fuscares.

Ad fabulatio.

Fabula hæc innuit, nullum cum flagitious habendum esse commercium.

De



VIR quidam aliquandò peregrinatus, cùm iterùm domum redisset: cùm multa ardua in diversis regionibus à se viriliter gesta jactabundus prædicabat, tum verò illud maximè, quod Rhodi omnes certamine saliendi superasset: ejusque rei Rhodios, qui affuerunt, testes esse. Ad quem unus asistentium respondens, inquit: O homo, si verum est quod loqueris, quid tibi opus est testibus? Ecce Rhodus, ecce hic certamen saliendi.

Ad fabulatio.

Hæc fabula innuit, quod ubi rerum testimonia adsunt, nihil opus est verbis.

De Homine , & Apolline. 19.

Quidam facinorosus delphos se contulit, Apollinem tentarurus , habens-

bensque passerculum sub pallio, quem pugno tenebat. Accedensque ad tripodas, interrogabat Deum, dicens: quod habeo in dextera, vivitne, an mortuum est? Prolatus passerculum vivum, si mortuum respondisset: rursus prolatrus mortuum, si vivum respondisset. Occidisset enim statim sub pallio, priusquam proferret. At Deus subdolam calliditatem hominis intelligens, dixit: o consultor, utrum mavis facere (penes te namque arbitrium est) facito; & sive vivum, sive mortuum, quod in manu habes, proferto.

Ad fabulatio.

Fabula hæc innuit, mentem diuinam nihil neque latere, neque fallere.

De Piscatore, & Cinaride. 20.

Piscator quidam, demissis in mare rebus, detulit Cinaridem pussilli corporis, quæ Piscatorem sic obsecrabat: noli me in præsentiarum capere pusillum & minutam, sine abire & crescere: ut posteà jam adulta commodo cum majore potiaris. Cui Piscator: ego verò amens sim, si lucrum, quod inter manus habeo (licet exiguum) prætermitam, spe futuri boni quantumlibet magni.

Ad-

Hæc fabula innuit, stolidum esse qui propter spem majoris, rem & præsentem & certam (licet parvam) non amplectitur.

De Asino, et Equo. 21.



VIR quidam habebat Equum, & Asinum. In itinere faciendo, inquit Asinus Equo: si me salvum vis,leva me parte oneris mei. Equo illius verbis non obsequente, Asinus sub onere cadens, moritur. Tunc dominus jumentorum omnes quas portabat Asinus, sarcinas, simulque corium, quod à mortuo exuerat, Equo imponit. Quo onere depresso Equus cum clamore inquit: væ mihi jumentorum infelicissimo, quid mihi misero evenit? Nam recusans partem

tem nunc totum onus porto, & illius corium.
Ad fabulatio.

Hæc fabula innuit, majores debere in laboribus participes esse minoribus, ut utrique incolumes sint.

De Homine, & Satyro. 22.




VIR quidam cum Satyro amicitiam inierat. Qui cùm edendi gratia sederent, exorta cœli tempestate, vir manus ad os admovens, anhelitu refocillabat. Quod intuens Satyrus, interrogat, quamobrem id faceret: ille inquit, calore oris algentes manus refocillo. Pau-loque post, calidiore edulio allato, cùm Vir, iterùm manus ad os admovens, calorem cibi tenui inspiratione refrigeraret, interrogat Satyrus, quamobrein & illud faciat. Respondente autem viro, ut re-

refrigeraret edulium. Atqui ego, inquit Satyrus, tecum posthac amicitiam non exercebo, qui ex uno ore & calidum promis & frigidum. Vale.

Ad fabulatio.

Fabula innuit, devitandam ejus amicitiam esse, cuius anceps vita est, & non simplex sermo.

De Agricola, & Canibus. 23.



A Gricola quidam hiberno sydere in agro deprehensus, deficientibus cibariis, primùm interfectis singulis ovi-bus, illarum carnibus vescebatur, mox & caprarum: postremò operariis bobus interemptis alebatur: quod canes dum animadvertisserint, inter se collocuti sunt, dicentes: at nos hinc faciamus fugam. Si enim operariis bobus dominus non pe-

pepercit , nec nobis quidem parcet.

Ad fabulatio.

Hæc fabula innuit, fugiendos caven-
dosque , qui à familiaribus manus non
abstinent.

De quodam admorso á Cane. 24.

Admorsus quidam à cane, circuibat
singulos , corrogans curationem:
nactusque quemdam est, qui cognita ma-
li qualitate, inquit: si tu quidem, ô ho-
mo convalescere vis, crustam panis ma-
defactam in sanguine vulneris , porrige
cani, qui te momordit , comedendum:
cui ille deridenter, inquit: ego meher-
cle, si illud fecero, dignus sum, qui ab
omnibus hujus urbis canibus præmor-
dear.

Ad fabulatio.

Hæc fabula innuit, improbos homines,
cùm maximè beneficia acceperint, tùm
maximè ad maleficia animari.

De Thynno , & Delphino. 25.

Thynnus, cùm Delphinum inseguen-
tem præcipiti cursu fugeret, & jam
capiendus esset, in anfractum quendam
se intorsit: Delphinus quoque ad alterum
similem impetu ipso allisus est. Ad quem
Thynnus respiciens , eumque expiran-
tem videns, inquit: jam mihi mors non
erit molesta : videnti eum , qui mihi
cau-

causa mortis est , mecum morientem.

Ad fabulatio.

Hæc fabula innuit, æquo animo ferre homines calamitates, cùm eos, per quos in calamitate sunt, calamitosos aspiciunt.

De Aucupe. 26.

AUceps quidam , sumptis aucupatoriiis retibus, ad venandum processit, visoque palumbo in cacumine arboris sedente, compositas artificiosè arundines cùm retibus ad avem clanculum admovebat, sperans illam se venari posse. Quod cùm agit, in altum intuens, jacentem viperam pedibus pressit: quæ exasperata dolore hominem momordit. At ille jam deficiens, me miserum, inquit, qui, cùm alterum venari volo, ipse ab altero captus pereo.

Ad fabulatio.

Hæc fabula innuit , quòd nonnulli alios arte sua nitentes decipere, sæpe in laqueos quos tendunt, incidunt.

De Castore. 27.

CASTOR præter cæteros quadrupedes in aqua durare fertur, suaque genitalia ad artem medicam sanè utilia esse. Hic ubi videt se ab indagantibus hominibus captum iri (novit enim quamobrem indagetur) ipse sibi genitalia præcidit

dit atque in sequentes projiciens , hoc modo in columnis evadit.

Ad fabulatio.

Hæc fabula innuit , hujus exemplo prudentes debere pro adipiscenda salute nullam rationem habere fortunarum.


De Vaticinatore. 28.

VATICINATOR quidam in foro sedens sermocinabatur, cum sibi quidam denuntiat fores domus ejus effractas esse, omniaque direpta, quæ in domo fuisent. Ad quem nuntium vaticinator gemens, properansque cursu se domum recipiebat. Quem currentem intuens quidam : O tu, inquit , qui aliena negotia te divinaturum promittis , certe tua ipse non divinasti.

Ad fabulatio.

Fabula hæc ad eos spectat , qui res suas non rectè administrantes , alienis, quæ nihil ad eos pertinent, providere ac consulere conantur.

De



AUcepse tetende^{rat} volucribus retia. Quod eminūs intuens Merula, percontabatur hominem, quid negotii agebit. Ille respondit se condere urbem: Abiitque longius, & sese abdidit. Merula verò verbis illius fidem habens, accedens ad scam juxta retia positam, captata est. Accurrenteque aucupe, inquit: O homo, si tu quidem talem condis urbem, haud multos invenies incolas.

Ad fabulatio.

Hæc fabula innuit, eo maximè modo rem privatam, & publicam destrui, cùm præsides sævitiam exercent.

De Viatore, & Jove. 30.



VIATOR longum ingressurus iter, si quid invenisset, ejus dimidium Jovi se oblatūrum promissit. Invento autem in ipso itinere vase palmarum, & amygdalarum pleno, comedit omnes palmulas, amydalasque: sed harum nucleos, illarum putamini ad aram quamdam obtulit, inquiens: Jupiter, habes quod tibi voveram: quod enim inveni, ejus & interiora, & et exteriora tibi offero.

Ad fabulatio.

Fabula hæc innuit, avarum hominem cupiditate pecuniæ etiam Diis moliri fallacias.

De Filio, & Matre. 31.

Puer quidam in schola condiscipuli furatus tabellam alphabeticam attulit

E

lit

lit matri suæ: à qua non castigatus, quotidiè magis furabatur. Procedente autem tempore, majora cœpit furari. Tandem à magistratu deprehensus ducebatur ad supplicium. Matre verò sequente, ac vociferante rogavit satellites, ut paullisper cum ea ad aurem loqui permitterent. Quibus annuentibus, & Matre festinabunda aurem ad os filii admovente: ille auriculam maternam dentibus amor-sam evulsit. Et cùm Mater, cæterique increparent, non modò, ut furem, sed etiam ut in parentem suam impium, inquit: hæc mihi, ut perderet, extitit causa: si enim me ob tabellam alphabetariam castigasset, nequaquam ad ulteriora progressus, et ad supplicium nunc ducerer.

Aafabulatio.

Fabula hæc innuit, quòd qui inter initia peccandi non coercuntur, ad graviora flagitia evadunt.

De Filio, & Patre. 32.

Filium quidam senior habebat generosi animi, & venaticorum canum amatorem. Hunc per quietem viderat à leone trucidari. Territus igitur, ne forte somnium hoc aliquando sequeretur eventus, extruxit domum quamdam politissimam laquearibus, ac fenestrī amœ-

amœnissimam, illucque inducens filium, illi custos inhærebat. Depinxerat etiam in ea domo ad oblectationem filii omne genus animalium, in quibus & leonem. Adolescens hæc inspiciens, eo amplius molestiæ contabescebat. Quadam autem vice leoni propius stans, inquit: O truculentissima fera, te propter, & propter inane somnium patris in hac domo asservor, velut in carcere. Quid igitur faciam? Et hæc dicens, manum parieti incussit, oculum leoni eruere volens, & clavo, qui illic latebat, offendit: qua ex percussione manus emarcuit, subsecuta est brevi adolescens est mortuus. Ita leonem occidit, nihil adjuvante patris sophismate.

Ad fabulatio.

Hæc fabula innuit, quæ ventura sunt, devitare posse neminem.


De Calvo quodam. 33.

Calvus quidam mentitos crines gerens, dum equo vehebatur, ecce turbinis ventis illos de capite sustulit. Risus statim magni præsentibus excitantur. Et ille mutuo risu ad eos inquit: Quid mirum, si crines qui non erant mei, à me recesserunt? illi quoque re-

cesserunt, qui mecum fuerant nati.

Ad fabulatio.

Hæc fabula innuit, non debere nos mœrere ob amissas opes. Quod enim nascentes à natura non accepimus, non potest nobiscum perpetuò permanere.



ALIÆ ITEM –
ALIQUOT ÆSOPI
FABULÆ,
EX GRÆCO IN LATINUM
versæ, Incerto Interprete.


Impossibilia promittens. I.

VIR pauper ægrotans , & malè affe-
tus, cùm à medicis desperatus es-
set, Deos rogabat, pollicens, si sanitatem
sibi rursùs restituissent, centum boves
ipsis oblaturum esse in sacrificium.
Uxor autem ejus audiens: Et ubi tibi
hæc, si convalueris? Ille ait: putas enim
surgere, me hinc, ut Dei hæc à me re-
petant?

Ad fabulatio.

Fabula significat, multos facile polli-
ceri, qnæ re comprobare non sperent.

Ra-



RAnæ duæ in palude pascebantur. Æstate autem siccata palude, illa derelicta, quærebant aliam: cæterum profundum invenerunt puteum: Quo vi-
so, altera alteri inquit: descendamus heus tu in hunc puteum. Illa respondens ait:
si igitur & hic aqua eruerit, quomodò
ascendemus? *Ad fabulatio.*

Fabula declarat, non oportere incon-
consideratè res aggredi.

Canis, & Galus. 3.

Canis, & Galus inita societate, iter faciebant. Vespera autem superveniente, Gallus consensa arbore dormiebat: at Canis ad radicem arboris excava-tæ. Cùm Gallus, ut assolet, noctu can-tasset, Vulpes ut audivit, accurrit: & stans inferiùs, ut ad se descenderet, ro-

gabat, quod cuperet commendabile adeo cantu animal complecti. Cum autem is dixisset, ut janitorem prius excitaret ad radicem dormientem, ut, cum ille aperuisset, descenderet: & illa quarente, ut ipsum vocaret, Canis statim prosiliens eam dilaceravit.

Ad fabulatio.

Fabula significat, prudentes homines inimicos insultantes ad fortiores astu mittere.

Leo, & Ursus. 4.

LEO, & Ursus simul magnum nacti hinnulum de eo pugnabant, Graviter igitur a seipsis affecti, ut ex multa pugna etiam vertigine corriperentur, defatigati jacebant. Vulpes autem circumcirca eundo, ubi postratos eos vidit, & hinnulum in medio jacentem, hunc, per utrosque percurrendo, rapuit, fugiensque abivit: at illi videbant quidem ipsam, sed quia non poterant surgere: Nos miseros, dicebant, quia vulpi laboravimus!

Ad fabulatio.

Fabula significat, aliis laborantibus, alios lucrari.

Vespertilio, & Rubus & Mergus. 5.

Vespertilio, & Rubus, & Mergus, inita societate mercatoriam decre-

ve-

verunt vitam agere. Itaque Vespertilio argentum mutuata, project in medium: Rubus vestem secum accepit: Mergus tertius æs: & navigaverunt. Tempestate autem vehementi oborta, & navi eversa omnibus perditis, ipsi in terram evaserunt. Ex illo igitur tempore Mergus littoribus semper assidet, num quodpiam æs ejiciat mare. Vespertilio verò creditores timens, interdiu non apparet, noctu ad pabulum exit. Rubus prætereuntium vesti inhæret, sicubi suam cognoscat, quærendo. *Ad fabulatio.*

Fabula significat, in ea quibus incumbimus, in posterum incidere.

Pavo, & Monedula. 6.



AVIBUS creaturis regem, Pavo orabat
ut se ob pulchritudinem eligerent.

E 4

Eli-

Eligentibus autem eum omnibus, Monedula suscepto sermone ait: Sed si, te regnante, aquila nos persequi aggressa fuerit, quomodo nobis opem feres?

Ad fabulatio.


Fabula significat, principes non modo propter pulchritudinem, sed & fortitudinem, & prudentiam eligi oportere.

Singularis & Vulpes. 7.

Singularis agrestis super quadam arbo-re dentes acuebat. Vulpes rogante causam quare, nulla præposita necessitate, dentes, acueret, ait: non abs re hoc facio: nam si me periculum invaserit, nequam me tunc acuendis dentibus occupatum esse oportebit, sed potius paratis uti.

Ad fabulatio.

Fabula significat, ad versus periculum præparatum esse oportere.



Cassita laqueo capta, plorans dicebat: Chei mihi miseræ, & infœlici volucrit! Non aurum surripui cujusquam, non argentum, non aliud quidquam prætiosum: granum autem tritici parvum mortis mihi causa fuit. *Ad fabulatio.*

Fabula in eos, qui ob inutile lucrum magnum subeunt periculum.

Hinnulus. 9.

Hinnulus aliquandò cervo ait: pater, tu & major, & celerior canibus, & cornua præterea ingentia gestas ad vindictam: cur igitur sic eos times? Et ille ridens ait: vera quidem hæc inquis, filius unum verò scio, quod cum canis latratum audivero, statim ad fugam, nescio quomodo, efforor.

Adfabulatio.

Fabula significat, natura timidos nulla admonitione fortificari.

Avarus. 10.

AVarus quidam cum omnia sua bona vendidisset, & auream glebam fecisset, in loco quodam infudit, una de fosso illic & animo suo, & mente: atque quotidie eundo, ipsam videbat. Id autem ex operariis quidam observando cognovit, & refossam glebam abstulit. Post haec & ille profectus, & vacuum locum videns, lugere coepit, & capillos evellere. Hunc cum quidam vidisset sic, plorantem & causam audivisset: Ne sic, ait, o tu, tristare: neque enim habens aurum, habebas. Lapidem igitur pro auro acceptum reconde, & puta ibi aurum esse: eumdem enim tibi usum praestabit: nam, ut video, neque cum aurum erat, utebare. *Adfabulatio.*

Fabula significat, nihil esse possessionem, nisi usus adfuerit.

Anseres, & Grues. 11.

Anseres & Grues in eodem prato pascebantur. Venatoribus autem visis, Grues, quod essent leves, statim evolaverunt, Anseres vero ob onus corporum cum mansissent, capti fuerunt.

Ad-

Adfabulatio.

Fabula significat, & in expugnatione urbis inopes facile fugere, divites autem servire captos.

Testudo, & Aquila. 12.

TEstudo orabat Aquilam, ut se volare doceret. Ea autem admonente procùl hoc à natura ipsius esse, illa magis precibus instabat. Accepit igitur ipsam unguibus, & in altum sustulit: indè demisit: hæc autem in petras cecidit, & contrita est. *Adfabulatio.*

Fabula significat, multos, quia in contentionibus prudentiores non audirent, seipsos læsisse.

Cerva. 13.

CErva altero obcæcata oculo, in litora pascebatur, sanum oculum ad terram propter venatores habens, alterum verò ad mare, undè nihil suspicabatur. Præternavigantes autem quidam, & hoc conjectantes, ipsam sagittarunt. Hæc autem seipsam lugebat, quòd undè timuerat, nihil passa foret quod non putabat malum allaturum, ab eo proditam.

Adfabulatio.

Fabula significat, sepè quæ nobis noxia videntur, utilia fieri: quæ verò utilia, noxia.



CErva venatores fugiens, in speluncam ingressa est. In Leonem autem ibi cum incidisset, ab eo comprehensa est. Moriens autem dicebat: hei mihi! homines fugiens, in feram immitissimam incidi. *Ad fabulatio.*

Fabula significat, multos homines dum parva fugiunt pericula, in magna incurrere.

Cervi et Vitis. 15.

CErva venatores fugiens sub Vite delituit. Cum præteriissent autem paramper illi, Cervi prorsus jam latere arbitrata, Vitis folia pasci incepit. Illis vero agitatis venatores conversi, & quod erat verum, arbitrati, animal aliquod ibi foliis occultari, sagitis confecerunt Cer-

Cervam. Hæc autem moriens talia dicebat: justa passa sum: non enim offendere oportebat, quæ me servarat.

Ad fabulatio.

Fabula significat, qui injuria benefactores afficiunt, à Deo puniri.

Asinus, & Leo. 16.

CUM Asino galus aliquandò pascebatur. Leone autem aggresso Asinum, gallus exclamavit, & Leo (ajunt enim hunc galli vocem timere) fugit. At Asinus ratus propter se fugere, aggressus est statim Leonem. Ut verò procùl hunc persecutus est, quò non amplius galli perveniebat vox, conversus Leo devoravit. Hic verò moriens clamabat: me miserum & dementem! ex pugnacibus enim non natus parentibus, cuius gratia in aciem irrui? *Ad fabulatio.*

Fabula significat, plerosque homines inimicos, qui se de industria humiliant, aggredi, atque ita ab illis occidi.

Ollor, & Canis. 17.

OLITORIS canis in puteum decidit. Ollitor autem ipsum illinc extracturus descendit & ipse in puteum: ratus autem Canis accessisse, ut se inferiùs magis obrueret, conversus Olitorem momordit. Hic autem cum dolore reversus, justa,

in-

inquit, patior : nam cur unquam sui interfectorem, servare studui?

Ad fabulatio.

Fabula in injustos, & ingratos.
Sus, & Canis.



SUs, & Canis mutuo conviciabantur. Et Sus jurabat per Venerem procul dubio dentibus discissurum Canem. Canis verò ad hæc dissimulanter dixit: Benè per Venerem nobis juras: significas enim ab ipsa vehementer te amari, quæ impuras tuas carnes degustantem nullo pacto in sacellum admittit. Et Sus: propter hoc igitur magis presefert Dea amare me: nam occidentem, aut alio quovis modo lædentem omnino aversatur; tamen malè oles, & viva & mortua.

Ad fabulatio.

Fabula significat, prudentes oratores quæ

quæ ab inimicis objiciuntur , artfiosè
in laudem convertere.

Sus , & Canis. 19.

SUs, & Canis de fœcunditate certabant. Dixit autem Canis fœcundam esse maximè pedestrium omnium. Et Sus occurrens, ad hæc inquit: sed cum hæc dicis, scito & cæcos tuos te catulos parere. *Ad fabulatio.*

Fabula significat , non celeritate res,
sed perfectione judicari.

Serpens, & Cancer. 20.

Serpens unà cum Cancro vibebat, inita cum eo societate. Itaque Cancer simplex moribus, ut & ille astutiam mutaret admonebat: hic autem minimè obediens. Cùm observasset igitur Cancer ipsum dormientem, & pro viribus compressisset , occidit. At Serpente post mortem extenso: ille ait: Sic oportebat antehac rectam & simplicem esse : neque enim hanc pœnam dedisses.

Ad fabulatio.

Fabula significat, qui cum dolo amicos
adeunt, ipsos offendit potius.

Pastor, & Lupus, 21.

Pastor nuper natum Lupi catulum reperit , ac sustulit, unaque cum canis

nibus nutritivit. At cùm adolevisset , si quando Lupus ovem rapuisset, cum canibus, & ipse persequebatur. Cu m canes verò aliquando non possent assequi Lupum , atque ideò reverterentur, ille se quebatur, ut cùm ipsum assecutus esset, particeps foret venationis, ut Lupus: inde redibat. Sin autem Lupus extra non rapuisset ovem, ipse clam ocidens, una cum canibus comedebat: donec Pastor, cùm conjectasset & intellexisset rem, de arbore ipsum suspendit, & occidit.

Ad fabulatio..

Fabula significat,naturam pravam bo nos mores non nutrire.

Leo, & Lopus. 22.



Leo cùm consenisset, ægrotabat ja cens in antro, Accesserant autem

visitatura regem præter Vulpem cætera animalia. Lopus igitur, capta occasione accusabat apud Leonem Vulpem, quasi nihil facientem suum omnium dominum, & propterea neque ad visitationem profectam. Interim affuit & Vulpes, & ultima audivit Lupi verba. Leo igitur contra eam infremuit. Sed, defensionis tempore petito: et quis, inquit, eorum, qui convenerunt, tantum profuit, quantum ego, quæ omnem partem circumivi, & medicamentum pro te à medico quæsivi, & didici? Cùm autem Leo statim, ut medicamentum diceret, imperasset: illa inquit: si Lupo vivente excoriato, ipsius calidam pellem indueris. Et Lupo jacente, Vulpes ridens ait: Sic non oportet dominum ad malevolentiam moveare, sed ad benevolentiam.

Ad fabulatio.

Fabula significat, eum qui quotidiè machinatur, in seipsum laqueum vertere.

Mulier, & Vir ebrius. 23.

Mulier quædam virum ebrium habebat: ipsum autem à morbo liberatura, tale quid commenta est. Aggravatum enim ipsum ab ebrietate cum observasset, & mortui instar insensatum in humeros elevatum, in sepulcretum allatum

tum depositum, & abivit. Cùm verò ipsum
jam sobrium esse conjecta est: profec-
ta januam pulsavit sepulchreti. Ille au-
tem cùm diceret: quis est, qui pulsat ja-
nuam? Uxor respondit: mortuis cibaria
ferens ego adsum. Et ille, non mihi co-
messe, sed bibere optimè potius affer-
tristem enim me reddis, cùm cibi, non
potus meministi. Hæc autem pectus plan-
gendo: hei mihi miseræ! inquit: nam
neque astu profui: tu enim vir non so-
lùm non emendatus, sed pejor quoque
te ipso evasisti: in habitum tibi deduc-
tus est morbus.

Ad fabulatio.

Fabula significat, non oportere in ma-
lis actibus immorari: nam & nolenteim
quandoquè hominem consuetudo inva-
dit.

Cycnus. 24.

VIRdives Anserem simul, & Cycnum
nutriebat: non ad eadem tamen, sed
alterum cantus, alterum mensæ gratia.
Cùm autem oporteret Anserem pati ea,
quorum causa nutriebatur (nox erat, ac
discenere tempus non permisit utrum-
que) Cycnus autem pro Ansere adductus,
cantat cantum quemdam mortis exor-
dium: & cantu exprimit naturam; mor-
tem vero effugit suavitate canendi.

Ad-

Adfabulatio.

Fabula significat, sæpè musicam differre mortem.

Aetiops. 25.

ATIOPEM quidam emit, talem ei colorem inesse ratus negligentia ejus, qui prius habuit; ac assumpto in domum, omnes ei adhibuit abstersiones; omnibus lavacris tentavit mundare: & colorem quidem transmutare non potuit, sed morbum dolor paravit.

Adfabulatio.

Fabula significat, manere ~~naturas~~, ut à principio provenerunt.

Hirundo, & Cornix. 26.

HIRUNDO, & CORNIX de pulchritudine contendebant. Respondens autem Cornix ei, dixit: sed tua pulchritudo verno tempore floret, meum verò corpus etiam hyeme durat.

Adfabulatio.

Fabula significat, durationem corporis ecore meliorem esse.

Butalis. 27.

BUTALIS à fenestra quadam pendebat. Vespertilio autem profectam rogat causam, quare die sileret, nocte ca-

ne-

neret. Cùm autem id ea non incassum
hoc facere dixisset (nam die canendo
olim capta fuerat , & propterea ex illo
prudens evasit) Vespertilio ait: Sed non
nunc tē canere oportet, cùm nulla utili-
tas; sed antequām capereris.

Ad fabulatio.

Fabula significat, in infortuniis inuti-
lem esse pœnitentiam.

Cochleæ. 28.

Rustici filius assabat Cochleas. Cùm
autem audiret eas stridentes , ait:
O pessimæ animantes domibus vestris in-
censis, vos cānitis?

Ad fabulatio.

Fabula significat, omne intempestivè
factum vituperabile.

Mulier, & Ancillæ. 29.

Mulier vidua operosa ancillas habens,
has solebat noctu excitare ad ope-
ra ad gallorum cantus. His verò assiduè
defatigatis labore , visum est oportere
domesticum occidere gallum, tanquām
illum, qui noctu excitaret heram. Eve-
nit autem ipsis hoc facto, ut in gravio-
ra inciderent mala : nam hera ignorans
gallorum horam , temporiūs eas exci-
tabat.

Ad-

Fabula significat, plerisque hominibus
consilia esse malorum causas.

Mulier venefica. 30.

Mulier venefica divinarum irarum
propulsiones promittens, multa
facere perseverabat, & lucrum inde fa-
cere. Quidam igitur accusaverunt eam
impietatis, & convicerunt, & damnatam
ducebant ad mortem. Videns autem qui-
dam eam duci, ait: tu quæ Deorum iras
avertere promittebas, quomodo neque
hominum consilium mutare potuisti?

Adfabulatio.

Fabula significat, multos magna pro-
mittentes ne parva quidem facere posse.

Agricola. 31.

Agricola quidam fodiendo aurum re-
perit: quotidiè igitur terram, ut
ab ea beneficio affectus, coronabat. Huic
autem Fortuna adstans, inquit: heus tu,
cur terræ mea munera attribuis, quæ
ego tibi dedi, ditatura te? Nam si tempus
mutetur, & in alias manus hoc tuum
aurum eat scio te tunc me Fortunam
accusaturum.

Adfabulatio.

Fabula significat, oportere benefacto-
rem cognoscere, atque huic gratiam re-
ferre.

Via-



Duo quidam unà iter faciebant: & cùm alter securim reperisset, alter diceret inveni, sed invenimus. Paulo post autem cùm aggredierentur ipsos, qui securim perdiderant, qui eam habebat, persequentibus illis, ei, qui unà iter faciebat, dixit: perimus: hic autem ait: perii dic, non perimus: etenim & tunc, cùm securim inveni, invenisti dixisti, non invenimus.

Ad fabulatio.

Fabula significat, qui non fuerunt particeps felicitatum, neque in calamitatibus firmos esse amicos.

Ranæ duæ. 33.

DUÆ Ranæ vicinæ sibi erant: pascebantur autem altera in profundo stagno, & procùl à via: altera in via parum aquæ habens. Verùm , cùm quæ in stagno alteram admoneret, ut ad se migraret, ut tutiore cibo frueretur, illa non paruit, dicens, firmissima teneri hujuse loci consuetudine: quousque obtigit currum prætereuntem ipsam confringere.

Ad fabulatio.

Fabula significat, homines quoque prava aggredientes citius mori, quam mutantur in melius.

Apiarius. 34.

IN mellarium ingressus quidam, domino absente, favum abstulit. Hic autem reversus , ut alveolos vedit inanes, stans, quod in his erat perscrutabatur. Apes autem è pastu redeentes , ut deprehenderunt ipsum, aculeis percuciebant, pessimeque tractabant. Hic autem ad eas: O pessimæ animantes , furatum vestros favos illæsum dimisistis, me vero satagentem vestri , percutitis?

Ad fabulatio.

Fabula signifibat, sic homines quosdam ob ignorantiam inimicos non caveare , amicos autem, ut insidiatores, repellere.

Al-

Alcedo. 35.

Alcedo avis est solitaria , semper in mari vitam degens. Hanc dicitur hominum venationes carentem, in scopolis maritimis nidificare. Cæterum aliquando paritura , pullos fecit. Egressa autem ea ad pabulum , accidit mare à vehementi concitatum vento , elevari supra nidum: atque hoc submerso , pullos perdere: hæc verò reversa, re cognita, ait: me miseram, quæ terram, ut insidiatrixem , cavens , ad hoc confugi, quod mihi longè est infidius,

Ad fabulatio.

Fabula significat homines etiam quosdam , ab inimicis cavendo, ignaros in multò graviores inimicis amicos incidere.

Piscator. 36.


Piscator in fluvio quodam piscabatur. Extensis autem retibus , & fluxu comprehenso utrinque, funi alligato lapide, aquam verberabat, ut pisces fugientes incautè in retia inciderent. Cùm quidam verò ex iis, qui circà locum habitabant, id facere videret, increpabat, quòd fluvium turbaret, & claram aquam non sineret bibere. Et is respondit: sed ni-

nisi sic fluvius perturbetur, me oportebit esurientem mori.

Ad fabulatio.

Fabula significat, civitatum etiam rectores tunc maxime operari, cum patrias in seditionem induxerint.

Simius, & Delphis. 37.



Moris cum esset nauticibus Melitenses Catulos & Simios adducere in solamen navigationis: quidam habebat secum & Simium. Cum autem pervenissent ad Sunium Atticæ promontorium, tempestatem vehementem fieri contigit: navi autem eversa, & omnibus natantibus, natabat & Simius. Delphus quispiam ipsum conspicatus, & hominem esse ratus, disgressus levabat, ad terram perferens. Ut vero in Piræo fuit

Atheniensium navali, rogavit Simium, an genere esset Atheniensis. Cùm autem is diceret & claris híc esse pareritibus; rogavit, an & Piræum sciret. Ratus autem Simius de homine eum dicere, ait: et valdè amicum esse ei, & familiarem. At Delphis tanto mendacio indignatus, submergens ipsum occidit.

Ad fabulatio.

Fabula in viros, qui veritatem ignorantes, existimant se decipere.

Muscae. 38.

IN cella quadam melle effuso, Muscæ advolantes comedebant. Implicitis autem earum pedibus evolare non poterant: cùm verò suffocarentur, dicebant: miseræ nos! quia ob modicum cibum perimus.

Ad fabulatio.

Fabula significat, multis gulam multorum malorum esse causam.

Mercurius, & Statuarius. 39.

Mercurius scire volens, quanti apud homines esset; ivit in statuarii domum transformatus in hominem, & visa statua Jovis, rogabat quanti quis ipsam emere posset. Hic autem cùm dixisset: drachma: risit. Ex quanti Junonis? ait.

Cùm-

Cum dixisset pluris: visa & sua ipsius statua, ac opinatus, cum nuntius sit Deorum, & lucrosus, maximam de se apud homines haberi rationem, rogavit de se. Statuarius vero ait: si hasce emeris, & hanc in additamentum do.

Ad fabulatio.

Fabula in virum glriosum, qui nullius apud alios est pretii.

Mercurius, & Tiresias. 40.

Mercurius volens Tiresiae vaticinum an verum esset, cognoscere, furatus ipsius boves, ex rure venit ad ipsum in urbem, similis factus homini, & ad ipsum divertit. Boum autem amissione renuntiata Tiresiae, ille assumpto Mercurio exivit, augurium aliquod de fure consideraturus. Et huic jubet dicere sibi quamnam avem videbit. Mercurius autem primum vidisse Aquilam à sinistris ad dexteram volantem, dixit. Hic non ad se id attinere cum dixisset: secundò cornicem super arbore quadam sedentem vidit: & modò superius aspicientem, modò ad terram declinatam, vati refert. Et is re cognita ait: sed haec cornix jurat & cœlum & terram, si tu velis meas me recepturum boves.

Ad fabulatio.

Hoc sermone uti quispiam poterit ad-
versus virum furacem.

Canes. 41.

Habens quidam duos Canes, alterum venari docuit, alterum domum servare. Cæterū si quandò venaticus caperet aliquid, qui domum custodiebat, particeps unā cum eo erat cœnæ. Ægre ferente autem venatico, & illi objiciente, quòd ipse quotidiè laboraret, ille nihil faciens suis nutriretur laboribus, respondens, ipse ait: non me, sed herum reprehende, qui non laborare me docuit, sed labores alienos comesse.

Ad fabulatio.

Fabula significat adolescentes, qui nihil sciunt, haud esse reprehendendos, cum eos parentes sic educaverint.

Maritus, & Uxor. 42.

Habens quidam uxorem, quæ domesticis omnibus inimica erat, voluit scire, an etiam erga paternos domesticos ita afficeretur. Quapropter cum rationabili p:ætextu ad suum patrem ipsam misit. Paucis verò post diebus reversa, rogavit quomodò adversus illos habuisset.

set. Hæc verò cùm dixisset : bubulci,
& pastores me suspectabant: ad eam ait:
sed, o uxor, si eos odisti, qui manè gre-
ges agunt, serò autem redeunt, quid spe-
rare oportet in iis, quibus cum tota con-
versaris die?

Ad fabulatio.

Fabula significat, sic sæpè ex parvis
magna , & ex manifestis incerta cog-
nosci.

Hœdus, & Lopus. 43.

Hœdus derelictus à grege, persequen-
te Lupo, conversus ad eum dixit:
O Lupe , quoniam credo me tuum ci-
bum futurum, ne injucundè moriar, ca-
ne tibia primùm , ut saltem. Lupo au-
tem canente tibia, atque hœdo saltante:
canes cùm audivissent Lupum , perse-
cuti sunt. Hic conversus, hœdo inquit:
meritò hæc mihi fiunt: oportebat enim
me , cocus cùm sim , tibicinem non
agere.

Ad fabulatio.

Fabula significat , qui ea quibus na-
tura apti sunt, negligunt, quæ verò alio-
rum sunt, exercere conantur, in infor-
tunia incidere.

Cancer, & Vulpes. 44.

Cancer è mari cùm ascendisset , in
loco quodam pascebatur. Vulpes

esuriens ut vidit, accessit, ac eum rapuit. Ille devorandus ait: sed ego condigna patior, qui marinus cùm sim, terrestris esse volui.

Ad fabulatio.

Fabula significat, homines etiam qui propriis de relictis exercitiis, ea quæ nihil convenient, aggrediuntur, meritò infortunatos esse.


Citharœdus. 45.

CItharœdus rudis in domo calce incrustata familiariter, ut solebat, canens, & contrà resonante in se voce, existimabat valde canorum esse. Verum elatus super hoc, cogitavit & in theatro sese commitere oportere. Profectum verò ad se ostendendum, cùm malè admordùm caneret, lapidibus ipsum explosum abegerunt.

Ad fabulatio.

Fabula significat, sic ex rethoribus quosdam qui in scholis putant esse aliquid, cùm ad res publicas se conferunt, nullius pretii esse.

Fures. 46.



Fures in domum quamdam ingressi, nihil invenerunt nisi Gallum, atque hoc capto abierunt. Hic ab eis occidendus rogabat, ut se dimitterent, dicens utilem esse hominibus, noctu eos ad operam excitando. Hi verò dixerunt, sed propter hoc tantò magis occidimus: illos enim excitando, furari nos non sinis.

Ad fabulatio.

Fabula significat, ea maximè pravis esse adversa, quæ bonis sunt beneficio.

Cornix, & Corvus. 47.

Cornix Corvo invidens, quod is per auguria hominibus vaticinaretur,

ob idque crederetur, uti futura prædicens; conspicata viatores quosdam prætereuntes, ivit super arborem quamdam stansque valde crocitavit. Illis verò ad vocem conversis, & admiratis, re cognita: quidam inquit: abeamus heus nos, Cornix enim est, quæ crocitavit, & augurium non habet.

Ad fabulatio.

Fabula significat, eodem modo, & homines præstantioribus certantes, præterquamquod non ad æqua perveniunt, risum quoque movere.

Cornix, & Canis. 48.

Cornix Minervæ sacrificans, Canem invitavit ad epulas. Ille verò ad eam dixit: quid frustrè sacrificia absu-mis? Dea enim adeò te odit, ut ex peculiariibus quoque tibi auguriis fidem sustulerit. **C**ui Cornix: ob id magis ei sacrifico, ut seconcilietur mihi.

Ad fabulatio.

Fabula significat, plerosque ob lucrum non vereri inimicos beneficiis prosequi.

Corvus, & Serpens. 49.



COrvus cibi indigens, ut Serpentem in aprico quodam loco dormientem vidit, hunc devolando rapuit. Hic cum se vertisset, atque momordisset ipsum, corvus moritus dixit: me miserum! qui tale reperi lucrum, quo etiam pereo.

Ad fabulatio.

Fabula in virum, qui ob thesaurorum inventionem de salute pericitatur.

Monedula, & Columbae. 50.

MOnedula, in Columbario quodam Columbis visis benè nutritis, delabavit sese, ivitque, ut & ipsa eodem cibo impertiretur. Hæ verò donec tacebat

bat, ratæ eam esse columbam, admiserunt: sed cùm aliquandò oblita vocem emisisset, tunc ejus cognita natura, expulerunt percutiendo: eaque privata eo cibo, rediit ad monedula s rursùm: & illæ ob colorem, cùm i^sam non noscent, à suo cibo abegerunt, ut ~~aliorum~~ appetens, neutro potiretur.

Ad fabulatio.

Fabula significat, oportere & nos nostris contentos esse, considerantes avaritiam præterquamquod nihil juvat, auferre sæpè, & quæ adsunt, bona.

Monedula. 51.

MOnedulam cùm quis cœpisset, & pedem alligasset filo suo tradidit filio. Hæc non ferendo vinctum inter homines, ubi parumper libertatem nacta est, fugit, in suumque nidum se contulit. Circumvoluto verò ramis vinculo, evolare haud valens, cùm moritura esset, secum loquebatur: me miseram! quæ apud homines non ferendo servitutem, incautè mea me vita privavi.

Ad fabulatio.

Fabula significat, nonnumquām quosdam, dum se à mediocribus student periculis liberare, in majora incidere.

Mer-

Mercurius. 52.

JUpiter Mercurio jussit, ut artificibus omnibus mendacii medicamentum misceret. Hic, eo trito, & ad mensuram facto, ex æquo singulis miscet. Cùm verò, solo relicto sutore, multum superesset medicamenti, totum acceptum mortarium ei miscuit: atque hinc contingit artifices omnes mentiri; maximè verò omnium sutores.

*Ad fabulatio.***F**abula in mendaces artifices.*Jupiter.* 53.

JUpiter formatis hominibus omneis illicis affectus indidit, solum indere pudorem oblitus est. Quapropter non habens undenam ipsum introduceret, per turbam ingredi eum jussit. Hic verò primum indignè ferens contradicebat. Vehementius verò eo instantे, ait: sed ego sane his ingredior pactis, si Amor non ingrediatur: sin ingrediatur, ipse exibo quāmprimū. Ex hoc sanè evenit omnia seorta invercunda esse.

Ad fabulatio.

Fabula significat, captos amore inve-
recundos esse.

Jupiter. 54.

JUpiter nuptias celebrans, omnia animalia accipiebat: sola verò Testudine tardè profecta, admirans causam tarditatis, rogavit eam, quamobrem ipsa ad cœnām non accesserat. Cùm hæc dixisset: domus chara, domus optima: iratus ipse, damnavi, ut domum baju-lans circumferret.

Ad fabulatio.

Fabula significat, plerosque homines eligere parce potius apud se vivere. quam apud alios lautè.

Lupus, & Ovis. 55.

LUpus à Caribus morsus, & male affectus, adjectus jacebat. Cibi verò indigens, visa Ove, rogabat, ut potum ex præterfliente flumine sibi afferret: si enim tu mihi, inquit, dederis potum, ego cibum mihi ipsi inveniam. Illa re cognita ait: sed si ego potum do tibi, tu & cibo me uteris.

Ad fabulatio.

Fabula in virum maleficum per simulationem insidiantem.

Lepores. 56.

Lepores olim belligerantes cum Aquilis, invocarunt in auxilium Vulpes. Hæ autem dixerunt: vobis au-

xiliaremur, nisi sciremus qui vos estis,
& cum quibus præliamini.

Ad fabulatio.

Fabula significat, eos qui cum præstantioribus certant, suam salutem contemnere.

Formica. 57.

QUÆ nunc Formica, homo olim fuit. Hic agriculturæ assiduè incumbens, non erat propriis laboribus contentus, sed, & vicinorum fructus surripiebat. Jupiter autem indignatus hujus avaritia, transmutavit eum in hoc animal, quæ formica appellatur: Verum cùm mutasset formam, non & affectum mutavit: nam usque nunc arva circumiendo, aliorum labores surripit, & sibi recondit.

Ad fabulatio.

Fabula significat natura pravos, etsi maximè speciem transmutaverint, mores non mutare.

Vespertilio, & Mustela. 58.

Vespertilio in terram cùm cecidisset, à mustela captus est: & cùm occidens foret, pro salute rogabat. Hac verò dicente non posse ipsum dimittere, quod natura volucribus omnibus inimica foret, ait non avem, sed murem es.

esse: & sic dimissus est. Postremò autem cum iterum cecidisset, & ab alia captus mustela, ne voraretur, orabat. Hac autem dicente, cunctis inimicam esse muribus: hic non mus, sed Vespertilio sum, dicebat: & rursus dimissus est: atque ita evenit bis mutato nomine, salutem consecutum fuisse.

Ad fabulatio.

Fabula significat, neque nos in eisdem semper esse oportere, considerantes eos qui ad tempus mutantur, plerumquè pericula effugere.

Viatores. 59..

VIatores secundùm littus quoddam iter facientes, iverunt in speculam quamdam; & illuc conspicati sarmenta procùl natantia, navim esse magnam existimarunt: quamobrem expectarunt, tanquam appulsura eò esset. Cùm verò à vento lata sarmenta propriùs forent, non navim ampliùs, sed scapham vide-re videbantur. Advectis autem illis, cùm sarmenta esse vidissent, inter se dixerunt: ut nos igitur frustrà, quod nihil est, expectabamus?

Ad fabulatio.

Fabula significat nonnullos homines, qui ex improvisò terribiles esse videntur

tur, cùm periculum feceris, nullius esse
pretii inveniri.

Asinus sylvestris. 60.

A Sinus silvestris Asino viso domes-
tico in loco quodam aprico , pro-
fectus ad ipsum, beatum dicebat & cor-
poris habitudine , & cibi perce_tione.
Deinde verò cùm vidisset et in feren-
tem onera,& agasonem ietro sequentem,
& baculis ipsum percutientem , ait: ast
ego non amplius beatum te existimabo:
video enim non sine magnis malis habe-
re te felicitatem.

Ad fabulatio.

Fabula significat non esse æmulanda
lucra , in quibus insunt pericula & mi-
seriae.

Asini. 61.

A Sini olim , propterea quòd assiduè
onera ferrent, & fatigarentur, le-
gatos miserunt ad Jovem , solutionem
laborum petentes. Hic autem ostendere
ipsis volens id non posse fieri, ait: tunc
eos liberatum iri laboribus , cùm min-
gendo fluvium fecerint. Ac illi eum ve-
rum dicere existimantes, ex illo, & nunc
usque ubi aliorum urinam viderint Asi-
norum , illic & ipsi circumstante min-
gunt.

Ad

Fabula significat, unicuique quod fatale est, incurabile esse.

Asinus & Vulpes. 62.



A Sinus indutus pelle Leonis vagabatur, reliqua bruta perterrendo. Cæterum visa Vulpe tentavit & hanc perterrefacere. Hæc autem (casu enim ipsius voce audiverat) ad ipsum ait: compertum habeto, quod & ego te timuissem, nisi rudentem audivissem.

Adfabulatio.

Fabula significat nonnullos indoctos, qui iis, qui extrà sunt, aliquid esse videntur, ex sua linguacitate redargui.

Asinus, & Ranæ. 63.

A Sinus ligna ferens, pertransibat paludem quamdam. Lapsus autem, ut de-

decidit, nec surgere posset, lamentabatur, ac suspirabat. Ranæ autem, quæ erant in palude, auditis suspiriis, heus tu dixerunt, & quid faceres, si tanto hīc tempore, quanto nos fuisses, cùm, quia paululum cecidisti, sic lamentaris?

Ad fabulatio.

Hoc sermone uti quispiam poterit in virum segnem, qui ob minimos quosque labores tristatur, cùm ipse majoribus facile resistat.

Asinus, & Corvus. 64.



ASinus, ulcerato dorso, in prato quodam pascebatur. Corvo autem insidente sibi, & ulcus percutiente, Asinus rudebat, ac saltabat. Sed agasone procul stante, ac ridente, Lupus præteriens, ipsum vidit, & dixit: miseri nos! quos

quos si tantum viderit, persequitur, huic autem, & arridet.

Ad fabulatio.

Fabula significat, maleficos homines si tantum appareant, dignosci.

Asinus, & Vulpes. 65.

ASinus, & Vulpes, inita inter se societate, exiverunt ad venationem. Leo verò cum occurrisset ipsis, Vulpes imminentis periculum videns, profecta ad Leonem, tradituram ei Asinum pollicita est, si sibi impunitatem promiserit. Qui cum dimissurum eam dixisset, illa, adducto Asino in casses quosdam, ut incideret, fecit: sed Leo videns illum fugere minimè posse, primum Vulpem comprehendit: deinde sic ad Asinum versus est.

Ad fabulatio.

Fabula significat, eos, qui sociis insidiantur, sæpè & seipsos nescios perdere.

Gallina, & Hirundo. 66.

GAllina, Serpentis ovis inventis, diligenter calefacta, excludit. Hirundo autem cum eam vidisset, ait: ò demens, quid hæc nutris? quæ cum excreverint, à te prima injuriam auspicabuntur?

Ad fabulatio.

Fabula significat, implacabilem esse pravitatam, licet afficiatur maximis beneficiis.

Ca-

Camelus. 67.

CUm primūm visus est Camelus, homines perterriti, & magnitudinem admirati, fugiebant. Ubi vero procedente tempore cognoverunt ipsius mansuetudinem, confisi sunt eousque, ut ad eum accederent. At intellecto paulopost belluæ non inesse bilem, eō contemptus iere, ut fræna ei imponerent, & pueris agendam traderent.

Ad fabulatio.

Fabula significat terribiles res consuetudine contemptibiles fieri.

Serpens. 68.

Serpens à multis hominibus pessundatus, Jovem postulavit. Jupiter autem ad eum dixit: si, qui prior conculcavit, pupugisses, nequaquam id facere secundus aggressus fuisset.

Ad fabulatio.

Fabula significat eos, qui priùs invadentibus resistunt, aliis formidolosos fieri.

Co-



Columba siti correpta, ut vedit quodam in loco poculum aquæ depictum, verum rata, atque multo elata impetu, inscia in tabulam offendit, usque adeò, ut & pennis ipsius perfractis in terram deciderit, atque à quodam occurrentium capitur.

Ad fabulatio.

Fabula significat, nonnullos homines, ob vehementes alacritates inconsultò res aggredientes, injicere sese in perniciem.

Columba, & Cornix. 70.

Columba in columbario quodam nutrita, fœcunditate superbiebat. Cornix verò ea audita ait: heus tu, desine hac re gloriari, nam quò plures paris, eò plus mœroris accumulas.

Ad-

Ad fabulatio.

Fabula significat, ex famulis quoque eos esse infelicissimos, qui in servitute mulitos filios faciunt.

Dives. 71.

Dives duas habens filias, altera mortua, præficas conduxit. Cùm verò altera filia dixisset: ut nos miseræ! ipsæ, ad quas pertinet luctus, lamentari nescimus: hæ verò non necessariæ, sic vehementer plangunt: mater ait: ne mirare filia, si hæ ita lamentantur, nam nummorum gratia id agunt.

Ad fabulatio.

Fabula significat, nonnullos homines ob avaritiam non vereri alienis calamitatibus quæstum facere.

Pastor. 72.

Pastor, actis in quercetum quoddam ovibus, strata sub quercu veste, ascendit, & fructum decutiebat. Oves verò inter edendum glandes, nesciæ, & vestes unà devorarunt. At cùm Pastor descendisset, ut quod erat actum, vidit: o pessima, ait, animalia, vos cæteris velleræ ac vestes præbetis, à me verò qui vos nutrio, & vestem surripitis.

Ad fabulatio.

Fabula significat, plerosque homines ob

ob dementiam eos , qui nihil attinent,
beneficio afficere , in domesticos mala
operari.

Fubulcus. 72.



B

ubulcus armentum rauco um pas-
cens , amisit vitulum, lustrando
omnem solitudinem, indagando moram
traxit. Ubi invenire nihil potuit, pre-
catus est Jovem, si furem, qui vitulum
cœpit ostenderit, hœdum in sacrificium
obiaturum. Cæterum proficiscens in
querchetum quoddam, invenit a Leone
devorari vitulum. Trepidus igitur, &
perterrefactus, elevatis manibus suis in
cœlum, ait: ó domine Ju iter, promise-
ram tibi hœdum me daturum esse, si fu-
rem invenirem: nunc tru um tibi reci-
pio sacrificaturum, si hujus manus effu-
gero.

Ad-

Ad fabulatio.

Fabula in homines infortunatos, qui dum quidpiam amiserint, precantur, ut inveniant, cum invenerint, quærunt effugere.

Aquila. 74.

Super petram Aquila sedebat, Leporem captura. Hanc autem quidam percussit sagitta, quæ intrâ ipsam ingressa est, sed crena cum pennis ante oculos stabat. Quam cum vidisset: et hoc mihi altera mœstitia, quod propriis pennis inteream.

Ad fabulatio.

Fabula significat, durum esse cum quis à suis pericula patiatur.

Vermis, & Vulpes. 75.

Qui sub cœno cælabatur Vermis, super terram egressus, dicebat omnibus animalibus: Medicus sum medicaminum doctus, qualis est Pæon Deorum medicus. Et quomodo, ait Vulpes, alics curans, te ipsum claudum non curas?

Ad fabulatio.

Fabula significat, nisi præstò experientia fuerit, omne verbum inane esse.

Gal-

Gallina auripara. 76.

Gallinam quis habens ova aurea parentem, ratus intra ipsam auri massam inesse, occissam, aliis Gallinis similem reperit. Hic multum sperans invenire divitiarum, & exiguis illis privatus est.

Ad fabulatio.

Fabula significat, oportere contentum esse præsentibus, & fugere inexplebitatem.

Lupus, & Vetula. 77.

Lupus esuriens circuibat quærendo cibum. Profectus autem ad locum quemdam, audivit lugentem puerulum, eique dicentem anum: desine plorare, sin minus, hac hora tradam te Lupo. Ratus igitur Lupus seriò loqui aniculam, ex-

expectabat ad multam horam. Sed cùm advenisset vespera, audit rursùs anum blandientem puerulo, ac dicentem: si ve-nerit Lupus hūc, interficiemus eum, fi-li. His auditis Lupus eundo dicebat: in hoc tugurio aliud dicunt, aliud faciunt.

Ad fabulatio.

Fabula in homines, quorum facta verbis non respondent.

De Culice, & Leone. 78.

Culex ad Leonem accedens, ait: ne-que timeo te, neque fortior me est: minus mihi adesse virium ideo existi-mas, quod laceres unguibus, & dentibus mordeas? hoc & fœmina cum viro pug-nans facit. Ego verò longè sum te fortior. Si verò vis, veniamus ad pugnam. Et cùm tuba cecinisset: Culex inhæsit mor-dens circa nares ipsius leonis genas. Leo autem propriis unguibus dilaniavit se ipsum, donec indignatus est. Culex au-tem victo Leone, cùm sonuisset tuba, & epinicium cecinisset, evolavit: araneæ verò vinculo implicitus, cùm devorare-tur, lamentabatur, quod cum maximis pugnans à vili animali aranea occidere-tur.

Ad fabulatio.

Fabula in eos, qui prosternunt mag-nos, & à parvis prosternuntur.

GULIELMUS CANONICUS,

*D. Aurelii Agustini Florentino suo, Illus-
tri Baroni Iselsteino S. D.*

FAbulas Æsopi cùm ex oratione liga-
ta in solutam vertissem, tibi floren-
tissime Florenti dicare placuit : quàm
enim sis amans litterarum ex meo An-
tonio viro litteratissimo facilè intelligo.
Nam cum tu quidein, quòd eruditum
scires, accivisti, & is tui amantissimus
est, cùm ob alia quædam, tùm ob amo-
rem tuum erga litteratos. Neque illud
præterire debeo, me quoque à te vehe-
menter amari, & te commendante, ma-
gistro Antonio succensum desiderio nos-
tri. Apprimè sanè dicere solet, qui ge-
nere sit illustris, eum esse amicum, & fa-
miliarem litterarum, quæ, ut cætera com-
moda earum sileam, vel solæ adeò fa-
ciunt immortalem. Erit autem harum fa-
bularum lectio tibi, ut opinor, utilis:
quippe ubi multa ad benè vivendum
apposita invenies, grata certè earum lec-
tio, & jucunda non esse non potest. Hac-
te-

tenus autem eas illis, qui alias complures scripserint, fuisse neglectui, satis miror: nec equidem tamen scripturus fuisse, ni, & Titus Livius harum in historia meminisset, & Flaccum nostrum in epistola usum viderem, & Quintilianum Institutionum libris utendum suadere cernerem. Sed satis jam exordii. Illud te admonitum velim, ne sis inscius, animantes, quæ jam mutæ sunt, olim fuisse loquaces. Vale, & me, ut facis, ama.

De Gallo Gallinaceo. I.



Gallus Gallinaceus dum vertit sterco-
rarium, offendit gemmam. Quid
inquiens, rem sic nitidam reperio? Si
gemmaarius reperisset, nihil esset eo le-
tius, ut qui pretium sciret. Mihi quidem
nulli est usui, nec magni æstimo : imò
equi-

equidem omnibus gemmis granum hordei malim.

Adfabulatio.

Per gemmam , artem sapientiamque intellige: per Gallum, hominem stolidum & voluptarium. Nec stolidi artes liberales amant, cum usum earum nesciant; nec voluptuarius, quippe cui una placeat voluptas.

De Lupo, & Agno. 2.

LUpus ad caput fontis bibens, videt Agnum procùl infrà bibentem: accurrit, Agnum increpitat, quod turbavit fontem. Trepidare Agnus , supplicare, ut parcat innocentis: se quandò longè infrà biberit, potum Lupi ne potuisse quidem turbare , nedum voluisse : Lupus contrà intonat: nihil agis sacrilege, semper obes: pater, mater, omne tuum invisum genus sedulò mihi adversatur. Tu mihi dabis hodiè pœnas.

Adfabulatio.


Vetus dictum est: ut Canem cædas, facile inveniri baculum. Potens, si libet nocere, facile capit nocendi causam: sat peccavit, qui resistere non potuit.

De Mure, & Rana. 3.

BEllum gerebat Mus cum Rana: de paludis certabatur imperio. Pugna erat vehemens, & anceps: Mus callidus sub herbis latitans, ex insidiis Ranam adoritur. Rana viribus melior, pectore, & insultu valens, aperto marte hostem lassessit. Hasta utrique erat juncea. Quo certamine procùl viso, Milvus adproperat: cumque præ studio pugnæ neuter sibi cavet, utrumque bellatorem Milvus rapit, ac laniat.

Ad fabulatio.

Itidem evenire solet factiosis civibus, qui ascensi libidine dominandi, dum inter se certant fieri magistratus, opes suas, plerumquè etiam vitam, in periculo ponunt.



Canis transnans fluvium, ritu vehebat carnem. Splendente Sole, ita ut sit, umbra carnis lucebat in aquis: quam ille visam avidè captans, quod in fauibus erat, perdidit. Itaque tūm rei, tūm spei jactura perculsus, primūm stupuit: deindè animum recipiens, sic elatravit: miser! deerat cupiditati tuæ modus? satis, superque erat, ni desipuisses. Jam per tuam stultitiam minùs nihilo tibi est.

Ad fabulatio.

Monemur hac fabella modestiæ, monemur prudentiæ: ut & cupiditati sit modus, ne certa pro incertis amittamus. Astutè Terentianus Sannio ait: ego spem pretio non emo.

De

De Leone, & quibusdam aliis. 5.

CUM Ove, ac quibusdam aliis pepigerat Leo venationem fore communem. Itur venatum: capit Cervus: partiuntur. Singulas singulis partes tollere, ut convenerat, incipientibus. Leo rugit: unà, inquiens, pars mea est, quia sum dignissimus: altera itidem mea est, quia viribus præstantissimus: porrò quia in capiendo Cervo plus sudaverim, vindico tertiam. Quartam denique partem ni concesseritis, actum est de amicitia. Socii, hoc audito, descendunt vacui & taciti, non ausi mutire contra Leonem.

Ad fabulatio.

Rara semper fuit fides: apud hoc sæculum rarer est: apud potentes & est, & fuit semper rarissima. Quocircà satius est, ut vivas cum pari. Qui enim cum potentiore vivit, necesse habet sæpè de suo jure concedere: cum æquali æquale tibi jus erit.

De Lupo, & Grue. 6.

Lupo voranti Ovem, fortè ossa hæse-re in gula. Ambit, orat opem, opitulatur nemo. Omnes dictitant tulisse eum pretium voracitatis. Tandem blan-ditiis multis, pluribusque promissis Gruem inducit, ut collo longissimo in gu-

Iam inserto, os infixum eximeret. Petenti autem præmium, illusit: inepta, inquit, abi: non sat habes, quòd vivis? vitam debes mihi: si libuisset, licuit præmorde-re collum tuum. *Ad fabulatio.*

Tritum est: perire, quod facis ingratu.

De Rustico, & Colubro. 7.

Rusticus repertum in nive Colubrum frigore propè enectum, domum tulit, abjecit ad focum. Coluber ab igne vim utrinque recipiens, deinde flam-mam non ferens: omne tugurium sibi-lando infecit. Accurrit Rusticus, correpta sude, verbis, verberibusque cum eo injuriam expostulat. Num hanc referar gratiam? num vitam erepturus sit illi, qui vitam ipsi dederit? *Ad fabulatio.*

Fit interdum, ut obsint tibi quibus tu profueris: & malè de te mereantur ii, de quibus tu benè sis meritus.

De Apro, & Asino. 8.

DUM iners Asinus irriteret Aprum, ille indignans, frendebat. Malum quidem ignavissime fueras meritus; sed etiam si tu pœna fueras dignus, tamen ego indignus, qui à te pœnas sumam. Irride tutus, impunè tibi licet: tutus enim es ob inertiam. *Ad fabulatio.*

Demus operam, cum indigna nobis

au-

audimus, aut patimur, ne indigna nobis dicamus, aut faciamus. Mali enim, & perditæ plerumquæ gaudent, si quispiam bonorum eis resistat, magni pendunt haberi se dignos ultione. Imitemur equos, & magnas bestias, qui ob latrantes caniculos cum contemptu prætereunt.

De Mure Urbano, & Mure Rustico. 9.



Ibitum est urbano Muri deambulare rus. Vedit hunc Mus rusticus, invitatur, apparatur, itur cœnatum. Depromit Rusticus quidquid posuerat in hyemem, & exhaustus omne penu, ut tanti hospitis expleat lautitiam. Urbanus tamen frontem corrugans, ruris damnat inopiam, urbis subindè laudat copiam: Remans dicit secum in Urbem Rusticum, ut quæ verbis jactitarat, re comprobaret.

Ineunt convivium, quod Urbanus splendide compararat. Inter epulandum auditur in sera murmur clavis: trepidare illi, & fugitare fugitando. Rusticus & insuetus, & loci ignarus ægrè se tueri. Discedente famulo, redit Urbanus ad mensam, vocat Rusticum: ille vix tandem metu deposito prorepit. Ibit autem ad pocula; Urbanum perconctatur, num hoc periculum crebrum sit? Respondit ille: quotidianum esse, oportere contemni. Tum Rusticus: quotidianum, inquit? Mehercle istæ dapes plus fellis, quam mellis sapiunt. Evidem malo cum securitate meā inopiam, quam cum tali anxietate istam copiam.

Ad fabulatio.

Divitiæ præseferunt quidem voluptatem, sed si introspicias, habent pericula, & amaritudinem. Eutrapelus cùm inimicis suis quammaxime nocere vellet, divites eos faciebat: dictitans ita se eos ulcisci, quippe accepturos cum divitiis ingentem sarcinam curarum.


De Aquila, & Cornicula. 10.

Aquila nacta cochleam, non vi, aut arte quivit eruere piscem. Accedens Cornicula dat consilium. Suadet subvolare, & è sublimi cochleam in saxa præcipitare, sic enim fore, ut concha fran-

frangatur. Humi manet Cornicula, u
præstoletur casum : præcipitat Aquila,
frangitur testa, subripitur piscis à Corni-
cula; dolet elusa Aquila. *Ad fabulatio-*

Noli quibusvis habere fidem: & con-
silium, quod ab aliis acceperis, fac inspi-
cias. Multi enim consulti, non suis con-
sultoribus, sed sibi consulunt.

De Corvo, & Vulpecula. II.



Prædam nactus strepitat in ramis Cor-
vus. Videt Vulpecula gestientem, ac-
currit: Corvum, inquit, plurima salute
impertit Vulpes. Sæpe numerò audieram
famam esse mendacem, jam re ipsa expe-
rior. Nam ut hæc fortè jam prætereo, sus-
piciens te in arbore, ad volo culpans fa-
mam. Fama enim est, te nigriorem pice
esse, et video candidiorem nive. Meo sa-
nè judicio cygnos vincis, & hedera for-

mosior alba es. Quòd si ut plumis, ita & voce excellis, omnium avium equidem te dixerim reginam. Hac assentatiuncula illectus Corvus, ad canendum apparat, apparanti verò è rostro excidit caseus: quo correpto, Vulpecula cachinum tollit, tūm demùm miserum Corvum pudet, pigetque sui: & jactura rei mista pudore dolet.

Ad fabulatio.

Nonnulli sic avidi laudis sunt, ut cum suo probro & damno ament assentatorē. Ejusmodi homunciones prædæ sunt parasitis. Quòd si vitaveris jactantiam, facile assentatorum pestiferum genus vitaveris. Si tu voles esse Thraso, nusquam deerit Gnatho.

De Leone senectute confecto. 12.



LEO, qui in juventute complures sua ferocitate fecerat inimicos, in senec-
tu-

tute exsolvit pœnas. Reddunt talionem bestiæ. Dente aper, cornu petit taurus. In primis Asellus, vetus ignaviæ nomen cupiens abolere, verbis & calcibus strenue insultat. Tum gemebundus Leo: hi, quibus olim nocui, jam vicissim nocent, & meritò. Sed hi quibus aliquandò profui, jam vicissim non prosunt; imò etiam immeritò obsunt. Stultus fui, qui multos fecerim inimicos: stultior, qui falsis amicis confisus fuerim.

Ad fabulatio.

In secundis rebus non efferaris: non sis ferox. Nam si vultum mutarit fortuna ulciscentur, quos læsisti. Et inter amicos fac habeas discriminem. Sunt enim, quidam amici non tui, sed mensæ tuæ; & fortunæ tuæ. Quæ quidem fortuna simul ac mutata erit, & illi mutabuntur. Et benè tecum actum erit, si non inimici fuerint. Meritò queritur Ovidius.

En ego non paucis quodam munitus amicis

Dum flavit velis aura secunda meis.

Ut verò nimbose tumuerunt æquora vento,

In mediis, lacera puppe, relinquor aquis.

De Cane, & Asina. 13.

Dum blandiretur Canis hero & familiæ: hærus, & familia Canem de-

demulcent: Asellus id videns, altius gemit, cœpit eum pigere suæ fortis, iniquè putat comparatum: canem gratum esse cunctis, pascique de mensa herili, idque otio, ludoque consequiti: sese contrâ portare clitellas, cædi flagello, nunquam otiosum esse, & cunctis tamen odiosum. Si hæc fiant blanditiis, eam artem, quæ tam utilis sit, statuit sectari. Igitur quodam tempore redeunti domum hero, rem tentaturus, procurrit obviam, subsiliit, pulsat ungulis: exclamante hero, accurrere servi: & ineptus Asellus, qui se urbanum credidit, fuste vapulat.

Ad fabulatio.

Non omnia possumus omnes, (ut ait Virgilius in Bucolicis:) nec omnes omnia decent: id quisque velit, id tentet, quod possit. Non simus Asinus lyrarum, vel lyræ. Sic autem Boetius: Asinus ad lyram positus, repugnante natura, irritus est labor. Tu nihil, invita, facies, dicesve, Minerva, teste Horatio.

De Leone, & Mure. 14.

Leo æstu, cursuque defessus, sub umbris fronde super viridi quiescebat: murium autem grege tergum ejus percurrente, expperrectus, unum è multis comprehendit. Supplicat captivus,

in-

indignum se esse, cui Leo irascatur, clamitat: reputans ille in nece tantillæ bestiolæ nihil esse laudis, captivum dimitit. Nec verò ita multopòst, Leo fortè dum per saltum currit, incidit in plagas, rugire licet, exire non licet. Rugientem miserabiliter Leonem Mus audit, vocem agnoscit, repit in cuniculos, laqueorum quærerit nodos, quæsitòs invenit, inventos corredit, Leo è plagis evadit.

Ad fabulatio.

Hæc fabella suadet potentibus clementiam. Etenim, ut sunt res humanae instabiles: egent interdùm ipsi potentes ope humillimorum. Quare vir prudens, & si potest, timebit vel ulli hominum nocere. Qui autem non timet nocere alteri, valde desipit. Quid ita? Quia etsi jam potentia fretus neminem metuis, forsàn olim erit, ut metuas. Constat enim evenisse claris, magnisque regibus, ut vilium homuncionum vel gratia indiguerint, vel iram metuerint.

De Milvo ægroto. 15.

LECHO decumbebat Milvus. Jam fémè moriens matrem orat precatum ire Deos. Mater respondet, nil opis illi sperandam à Diis, quorum sacra, & aras suis rapinis toties violasset.

Ad-

Decet venerari Superos. Illi enim pios juvant, impios aversantur in fœlicitate neglecti, in miseria non exaudient. Quare in secundis rebus sis eorum memor, ut in adversis rebus præsentes sint, vocati.

De Hirundine, & aliis Aviculis. 16.


CUmprimum cœptum est seri linum, Hirundo suadet aviculis impeditre sementem, dictitans sibi fieri insidias. Irrident illæ, stultam vatem Hirundinem vocant. Surgente jam lino, & virescente, rursùs monet evellere sata. Iterum irrident. Maturescit linum, hortatur populari segentem. Cùm ne tunc quidem consulenter audirent, Hirundo, avium cœtu relicto, hominis sibi conciliat amicitiam. Init cum eo fœdus, cohabitat, cantu demulcet: cæteris avibus è lino fiunt retia, & laquei.

Adfabulatio.

Multi nec ipsi consulere sibi norunt, nec rectè consulenter audiunt. Sed cùm in periculis sunt, & damnis, tum demum sapere incipiunt, & suam dannare socordiam. Tum sat, superquæ consilii est. Hoc, inquiunt: & illud factum opor-

Opportuit. Sed præstat esse Prometheus, quām Epimetheus. Fuere hi fratres, nomina sunt Græca: alteri consilium ante rem fuit: alteri post rem quod declarat interpretatio nominum.

De Ranis, & earum Rege. 17.



Gens Ranarum cūm esset libera, Jovi supplicabat dari regem. Ridet Jupiter vota Ranarum: illæ tamen iterum atque iterum instare, donec ipsum perpellerent. Dejicit ille trabem, ea molles ingenti fragore quassat fluyum: territæ silent Ranæ, regem venerantur. Accedunt pedetentim proprius, tandem abjecto metu insultant, & desultant: iners rex lusui est, & contemptui. Lacesunt rursum Jovem, orant regem dari, qui stre-

strenuus sit. Dat Jupiter ciconiam. Ea perstrenuè perambulans paludem, quicquid Ranarum obvium fit, vorat. De hujus igitur sævitie Ranæ fristrà questæ sunt. Jupiter non audit, nam & hodiè adhuc queruntur. Vesperi enim ciconia cubitum eunte, & antris egressæ, rauco ululatu murmurant, sed surdo canunt. Vult enim Jupiter, ut quæ regem clementem sint deprecatae, jam ferant inclementem.

Ad fabulatio.

Perinde atque Ranis evenire solet plebi, quæ, si regem paulo mansuetiorem habet, ignavum, inertem esse causatur, optat aliquandò contigere sibi virum. Contrà, si quandò nacta est Regem strenuum, hujus sævitiam damnat, prioris laudat clementiam, sive quòd semper præsentium nos pœnitet, sive verum est verbum: nova veteribus non quòd esse potiora,

De Columbis, & earum Rege Accipitre. 18.

Columbæ olim bellum gessere cum Milvo, quem ut expugnarent, delegerunt regem Accipitrem. Ille rex factus, hostem agit non regem. Non segniùs ac Milvus rapit, ac laniat. Pœnitet Columbas incepti, satiùs fuisse putan-

tantes, pati bella Milvi, quām tyrannidem Accipitris.

Ad fabulatio.

Neminem suæ sortis nimium pigeat.
Nihil est (teste Flacco) ab omni parte
beatum. Evidem meam sortem, mo-
dò tolerabilis sit , mutari non optem.
Multi nova sorte quæsita, veterem rur-
sùs optarunt. Ita plerique ingenio sumus
omnes, ut nosmet nostri pœniteat.

De Fure, & Cane. 19.

Furi aliquandò panem (ut sileat) por-
rigenti , respondit Canis : insidias
tuas novi, panem das, quod desinam la-
trare: sed ego tuum munus odi, quippè,
si ego tulero panem, tu ex his tectis cunc-
ta portabis.

Ad fabulatio.

Cave, ne parvi commodi causa amittas magnum: cave, cuivis homini fidem habeas. Sunt enim , qui dolo non tantum benignè dicunt, sed & benigne fa- ciunt.

De

De Lupo, & Sucula. 20.

PArturiebat Sucula, pollicetur Lupus
se custodem fore fœtus. Respondit
puerpera Lupi obsequio se non egere:
si velit pius haberi, si cupiat gratum fa-
cere, longius abeat. Lupi enim officium
constare non presentia, sed absentia.

Ad fabulatio.

Non sunt cuncta credenda cunctis.
Multi suam operam pollicentur non tui
amore, sed sui, suum quærentes com-
modum, non tuum.

De Partu Montium. 21.

Olim rumor erat parturire Montes.
Homines accurrint, circumsis-
tunt, monstri quippiam non sine pavore
expectantes: pariunt tandem Montes,
exit mus. Tum omnes risu emori.

Ad fabulatio.

Hanc fabellam tangit Horatius: Par-
turiunt montes, inquit, nascetur ridi-
culus mus. Notat autem jactantiam: Jac-
tabundi enim cum magna profitentur,
& ostentant, vix parva faciunt. Qua-
propter Trasones illi jure sunt materia
joci, & scommatum. Vetat item haec
fabella magnos timores. Plerumque enim
gravior periculo est, periculi metus;
imò ridiculum est, quod metuimus.

De

De Cane Vetus, qui ab Herò contemnitur. 22.



CAnem venaticum, qui jam senuerat, instigat herus, frustrà hortatur, tardi sunt pedes, non properat. Prehenderat feram, fera edentulo elabitur. Increpitat herus verbere, & verbo. Canis respondet, debere sibi jure ignosci, jam senuisse ; at juvenem fuisse strenuum. Sed, ut video, inquit, nil placet sine fructu. Juvenem amasti ; senem odisti. Amasti prædabundum ; odisti tardum edentulum. Sed si gratus essemus quem olim juvenem frugis causa dilexisti, senem fructuosæ juventutis gratia diligeres.

Ad fabulatio.

Rectè Canis: nam teste Nasone.

Nil,

*Nil, nisi quod prodest, charum est: en de-
trahe menti*

Spem fructus avidæ, nemo petendus erit.

Præterifi commodi nulla est memo-
ria: futuri autem gratia non magna: præ-
sentis commodi summa.

*Turpe quidem dictu, sed si modò vera fa-
temur,*

Vulgus amicitias utilitate probat.

De Leporibus inaniter timentibus. 23.

SYlva insolito mugiente turbine, tre-
pidi Lepores rapidè occipiunt fu-
gere. Fugientes, cùm obsisteret palus,
stetere anxii, utrinque comprehensi pe-
riculis. Quòque majoris esset incitamen-
tum timoris, vident in palude mergi ra-
nas. Tùm ex leporibus unus prudentior
cæteris, ac disertior: quid inquit, ina-
niter timemus? Animo opus est. Cor-
porum quidem agilitas nobis est, sed
animus deest. Hoc periculum turbinis
non fugiendum, sed est contemnendum.

Ad fabulatio.

Omni in re opus est animo. Jacet vir-
tus sine confidentia. Confidentia enim
dux, & regina virtutis est.

De

De Hœdo, & Lupo. 24.

CApra cùm esset pastum itura, Hœdus dum domi concludit, monens aperire nemini, dum redeat ipsa. Lupus, qui id procùl audierat, post matris discessum pulsat fores, voce caprissat, iubens recludi. Hœdus dolos præsentiens: non aperio, inquit, nam etsi vox caprissat tamen equidem per rimulas Lupum video.

Adfabulatio.

Obedire parenti filios, ipsis est utile,
& juvenem seni decet auscultare.

De Cervo, & Ove. 25.

Cervus coràm Lupo Ovem ream facit, modium tritici debere clamitans.

tans. Ovis debiti quidem erat inscia, tamen ob Lupi præsentiam spondet se daturam: indicitur solutioni dies. Dies adest, monet Cervus Ovem. Illa it inficias. Quod enim promiserit, excusat factum in metu, & præsentia Lupi: Votum extortum non esse servandum.

Ad fabulatio.

Sententia juris est: vim vi repellere licet. Ex hac fabella nova quædam nascitur: fraudem fraude refellere licet.

De Rustico, & Angue. 26.

RUSTICUS quidam nutrierat Anguem. Iratus aliquandò bestiam petit securi. Evadit illa non sine vulnere. Postea Rusticus deveniens ad paupertatem, ratus est id infortunii propter Anguis injuriam sibi accidere. Igitur supplicat Angui, ut redeat. Ille ait ignoscere se, sed redire nolle. Neque enim fore secum cum Rustico, cui tanta sit domi securis. Livorem vulneris desiisse, superesse tamen memoriam.

Ad fabulatio.

Ille, qui semel fidem solvit, iterum habere fidem vix est tutum: injuriam quidem donare, id sanè misericordiae est, cavere autem sibi, & decet, & prudenter est.

De

De Vulpecula, & Ciconia. 27.



VUlpecula vocarat Ciconiam ad cœnam. Obsonium in mensam effundit: quod, cum liquidum esset, Ciconia frustra rostro tentante, Vulpecula lingit. Abiit elusa avis, pigetque, pudetque injuriæ. Post plusculum dierum reddit: invitat Vulpeculam. Vitreum vas situm erat plenum belli obsonii. Quod quidem vas cum esset arcti gutturis, Vulpecula obsonium licuit videre, & esurire, gustare non licuit: ciconia rostro facile exhausit. *Ad fabulatio.*

Risus risum, jocus jocum, dolus dolum, fraus mœretur fraudem.

L De Lupo, & Capite Picto. 28.

Upus in officina sculptoris caput

H.

hu-

humanum repertum versat: miratur, sentiens id, quod erat, nihil habere sensus. O pulchrum, inquit, caput! est in te artis multum, sed sensus nihil.

Ad fabulatio.

Externa pulchritudo si adsit, grata est: sin alterutra carendum est, præstat externa, quam interna careas: illa enim sine hac interdùm incurrit odium, ut stolidus eò sit odiosior, quò formosior.

De Graculo. 29.

Graculus ornavit se plumis Pavonis: deinde pulchellus sibi visus fastidito genere suo, contulit se ad Pavonum genus. Illi tandem intellecta fraude, stolidam avem coloribus, nudarunt, & plagis affecerunt.

Horatius hanc fabellam primo epistolarum libro narrat de Cornicula. Ait eam olim adornatam, collectis quæ avibus exciderant, plumis, post, ubi unaquæque avium suam plumam decerpsit, ridiculam fuisse.

*Ne, si forte suas repetitum venerit olim
Grex avium plumas, moveat Cornicula
risum,*

Furtivis nudata coloribus.

Ad fabulatio.

Notat hæc figura eos, qui se gerunt æquo

æquo sublimius, qui cum his vivunt,
qui & ditiores sunt, & magis nobiles:
quare sæpè inopes fiunt, & sunt ludi-
brio. Probè Juvenalis monet. E cœlo des-
cendit: nosce te ipsum.

De musca, & Formica. 30.

Musca altercabatur cum Formica se
nobilem; illam ignobilem: se vo-
litare; illam repere: se versari in sectis
regnum, illam cavernis latere, segetem
rodere, aquam bibere: se splendidè epu-
lari jactitabat, & hæc tamen otio nan-
cisci. E regione Formica se non ignobi-
lem esse, sed suis natalibus contentam:
muscam vagam esse; se stabilem: sape-
re Formicæ grana & fluenta: quòd mus-
cæ pastilli, & rivi: atque hæc se non seg-
ni otio, at strenua opera nancisci. Por-
rò Formicam lætam esse & tutam, cha-
ram omnibus, exemplar denique labo-
ris: muscam anxiā cum periculo es-
se, cunctis infestam, cunctis invisam,
exemplar denique segnitiei. Formicam
hyemis memorem, alimenta reponere:
muscam in diem vivere; hyeme, aut esu-
rituram, aut certe morituram.

Ad fabulatio.

Qui pergit, quæ vult, dicere: quæ
non vult, audiet. Musca si benè dixis-
ser,

set, benè audiisset. Assentior autem Formicæ: videtur enim optabilior vita obscura cum securitate, quam cum periculo splendida.

De Rana, & Bove. 31.

RAna cupida æquandi Bovem, se distendebat. Filius hortabatur matrem cœpto desistere. Nihil enim esse Ranam ad Bovem. Illa secundò intumuit: clamitat natus: crepes licet, mater, Bovem nunquam vinces, Tertiò autem cum intumuisset, crepuit.

Ad fabulatio.

Cuique sua dos est. Hic forma, ille viribus, hic opibus, ille pollet amicis. Unumquemque suo docet esse contentum. Valet ille corpore, tu ingenio. Quocircà quisque seinet consulat, ne invideat superiori, quod miserum est: nec, quod stultitia est, certare optet.

De Equo, & Lcore. 32.

Venit ad Equum comedendum Leo, carens autem præ senecta viribus, meditari cœpit artem. Medicum se profitetur; verborum ambage Equum moratur. Hic dolo dolum, artem opponit arti. Fingit se nuper in loco spinoso puguisse pedem, orat, ut inspiciens sentem medicus educat. Paret Leo. At


Equus

Equus quanta potuit vi, calcem Leoni impingit, & se continuo conjicit in pedes. Leo vix tandem ad se rediens (ictu enim propè exanimatus fuerat.) Pretium, inquit, fero eis stultitiam, & is jure effugit: dolum enim dolo ultius est.

Ad fabulatio.

Odio digna est simulatio, & simulatione capienda: non est timendus hostis, qui hostem præsefert, sed qui, cum hostis sit, benevolentiam simulat; is demum timendus, & odio dignissimus.

De Equo, & Asino. 33.



Equis phaleris, sellaque exornatus cum ingenti hinnitu per viam currebat. Currenti autem onustus Asellus fortè obstabat: Equus ira fremebundus, & fræna ferox spumantia mandens.

Quid, inquit, tarde, ignaveque obsistis
Equo? Cede, inquam, aut proculco te
pedibus; Asellus contra rudere non au-
sus, cedit tacitus. Equo autem provo-
lanti, & cursum intendenti crepat in-
guem. Tum cursui, & ostentui inutilis,
ornamentis spoliatur, dein carrario ven-
ditur. Videt posteà cum carro venien-
tem Asellus, & affatur: heus bone vir,
quid istuc ornati est? Ubi aurata sella?
Bullata cingula? Ubi nitidum frænum?
Sicamice necesse fuit evenire super-
bienti.

Ad fabulatio.

Plerique in secundis rebus elati sunt,
nec sui memores, nec modestiæ. Sed
quia prosperitate insolescunt, adversi-
tatem incurunt. Eos qui fœlices viden-
tur, monuerim esse cautos. Etenim si
rota fortunæ circumacta fuerit, sentient
miserrimum genus infortunii esse, fuis-
se fœlicem. Accedet ad cumulum in-
fœlicitatis id quoque mali: contemnen-
tur ab iis, quos ipsi contempsero, & il-
ludent eis ii, quos ipsi risere.



AVIBUS pugna erat cum quadrupedi-
bus. Utrinquè spes, utrinquè me-
tus, utrinquè erat periculum: Vesperti-
lio autem relictis sociis defecit ad hos-
tes. Vincunt aves, duce & auspice Aquila.
Transfugam vesp̄ r̄ ilionem dam-
nant, uti ne ad aves unquam illi sit re-
ditio, uti ne luce unquam sit volatus.
Hæc causa Vespertilionis est, ut non ni-
si noctu, volet.

Ad fabulatio.

Qui cum sociis adversitatis & peri-
culi particeps esse renuit, prosperitatis
& salutis expers erit.

De Lupo, & Vulpes. 35.

LUPUS, cùm prædæ satis esset, in
otio degebat. Accedit Vulpesula,

sciscitatur otii causam. Sensit Lupus insidias fieri suis epulis, simulat morbum esse causam, orat Vulpeculam deprecatum ire Deos. Illa dolens dolam non succedere, adit pastorem, monet petere latebras Lupi: hostem enim securum posse inopinatò opprimi. Adoritur pastor Lupum, mactat. Illa potitur antro, & præda. Sed fuit illi breve sceleris sui gaudium. Nam non ita multo pòst idem pastor & ipsam capit.

Ad fabulatio.

Fœda res invidia est, & ipsi interdùm authori quoque perniciosa, Flaccus epistolarum primò:

*Invidus alterius rebus macrescit opimis,
Invidia Siculi non invenere tyrani
Majus tormentum.*

De Cervo. 36.

Cervus in perspicuo fonte se conspiciens, probat proceras frontis, & ramosa cornua: sed tibiarum exilitatem damnat. Fortè dum contemplatur, dum judicat, intervenit venator. Fugit Cervus ocyor pilis, & agente nimbo ocyor Euro. Insectantur fugientem canes. Sed cùm intrasset condensam sylvam, implicita sunt ramis cornua. Tùm demùm tibias laudabat, & cornua damnabat, quæ


quæ fecere, ut præda esset canibus.

Ad fabulatio.

Fugienda petimus; petenda fugimus.
Placent quæ officiunt, quæ conferunt
displacent. Beatitudinem cupimus, prius-
quam, ubi sit, intelligamus. Opum ex-
cellentiam, & honorum celsitudinem
quærimus: in his beatitudinem sitam
opinamur, in quibus tamen multum la-
boris est, & doloris.

Pulchrè id significat Lyricus ille noster,
Sæpius ventis agitatur ingens
Pinus, & celsæ graviore casu
Decidunt turres, feriuntque summos
Fulgura montes.

De Vipera, & Lima. 37.



IN fabrica offendens Limam Vipera
cœpit rodere. Subrisit Lima: quid,
H 5 inq.

inquiens, inepta, quid agis? Tu tibi ante contriveris dentes, quam me atteras, quo duritatem æris præmordere soleo.

Ad fabulatio.

Etiam atque etiam vide, qui cum tibi res sit. Si in fortiorem dentes acuis: non illi, sed tibi nocueris.

De Lupis, & Ovibus. 38.



L Upis, & agnis, quibus discordia est, fœdus aliquandò fuit, datis utrinque obsidibus. Lapi suos catulos, Oves canum cohortem dedere. Quietis Ovibus, ac pascentibus, Lupuli matrum desiderio ululatus edunt. Tùm Lupi irruentes, fidem, fœdusque solutum clamitant, Ovesque Canum præsidio destitutas laniant.

Ad-

Adfabulatio.

Inscitia est, si in fœdere tua præsidia hosti tradas: nam qui hostis fuit, hostis forsè nondùm esse desiit. Fortassis & causam cœperit, cur te nudatum præsidis adoriatur.

De Sylva, & Rustico. 39.

Quo tempore etiam arboribus suus sermo erat, venit Rusticus in Sylvam, rogat, ut ad securim suam tollere liceat capulum. Annuit sylva: Rusticus aptata securi, cœpit arbores succidere. Tùm & quidem serò, pœnituit Sylvam suæ facilitatis. Doluit se ipsam esse causam sui exitii.

Adfabulatio.

De quo benè merearis vide. Multi fure, qui accepto beneficio in authoris abusi sunt perniciem.

De Membris, & Ventre. 40.

PEs, & Manus ventrem olim incusant, quòd ab otioso eo lucra ipsorum vorarentur. Jubent aut laboret, aut ali ne petat. Supplicat ille semel, atque iterum, negant tamen manus alimento: exhausto inedia ventre, ubi cœpere omnes artus deficere, tūm manus voluit tandem officiosa esse, verū id sero. Nam venter desuetudine debilis,

cibum repulit. Ita cuncti artus, dum ventri invident, cum ventre pereunte pereunt *Ad fabulatio.*

Perinquit atque in membrorum societate est, ita habet se societas humana. Membrum eget membro, amicus eget amico: quare mutuis operis, & mutuis officiis utendum est. Neque divitiæ, neque dignitatum apices hominem satis tuentur. Unicum & summum præsidium complurium amicitia est.

De Simia, & Vulpecula. 41.

Simia Vulpeculam orat, ut partem caudæ sibi donet ad tegendas nates: illi enim esset oneri, quod sibi foret usui, & honori. Respondet illa nihil nimis esse, & se malle humum cauda sua verri, quam Simiae natis tegi. *Ad fabulatio.*

Sunt, qui egeant, sunt, quibus superstest. Nulli tamen divitum id moris est, ut re superflua beat egenos.

De Cervo, & Bovis. 42.

Cervus venatorem fugiens, conjectit se in stabulum. Boves orat, ut in præsepe latitare liceat. Boves tutum esse negant: mox enim & dominum & famulum affuturos. Ille securum se esse, ait, modo ne ipsi prodant. Intrat famulus, occultum fœno non videt: exit. Gestire Cer-

Cervus, & nihil jam timere. Tum unus
è Bobus & ævo & consilio gravis: facile,
inquit, erat hunc, qui talpa est, fallere:
sed, ut herum, qui Argus est, lateas, hoc
opus, hic labor est. Mox deinde intro-
greditur herus. Qui, ut servi negligen-
tiā corrigat, cuncta lustrans oculis, &
præsepe manu tentans, Cervi deprehen-
dit sub fœno cornua. Inclamat famulos,
accurrunt, feram concludunt, capiunt.

Ad fabulatio.

In adversis rebus, & periculis latebræ
difficiles sunt inventu: aut quia miseros,
ut cœpit, fortuna exagitat: aut quia ipsi
metu impediti, & inopes consilii semet
imprudentia produnt.

De Leone, & Vulpecula. 43.



LEO ægrotabat, visebant animalia,
una officium differente Vulpecula.

Ad

Ad hanc legatum mittit Leo cum epistola, quæ venire admoneat: gratissimam rem ægroto fore ejus unius præsentiam: nec quicquam periculi fore, cur Vulpecula metuat: Leonem enim primum quidem amicissimum esse Vulpeculæ, ideoque percupere ejus coloquium: deindè ægrotum esse, & decumbere, & etiam si (idquod non erat) velit nocere, tamen non posse. Rescribit Vulpecula, optare se, ut Leo convalescat, idque oraturam Superos. Cæterum minimè visuram, terreri enim se vestigiis: quæ quidem vestigia, cum omnia sint antro Leonis adversa, & nulla aversa, eam rem indicium esse multum quidem animalium introisse, sed exisse nullum. Horat. lib. I. epist.

Olim quòd Vulpes ægroto cauta Leoni.

Respondit, referam: quia me vestigia terrent.

Omnia te adversum spectantia, nulla retrorsum. *Adfabulatio.*

Cave fidem habeas verbis: ni caveris, sæpe tibi dabuntur verba. Capienda est conjectura cum ex verbis, tūm ex factis, & ex his illa sunt judicanda.

De Vulpecula, & Mustella. 44.

VUlpecula longa inedia tenuis, fortè per angustiorem rimam incumetam fru-

frumenti repsit. In qua cùm probè pasta fuit: dein rursùs tentantem egredi, dissentus impediit venter. Mustella luctantem procùl contemplata, tandem monet, si exire cupiat, ad cavum macra redeat, quò macra intrarat.

Ad fabulatio.

Videas complures in mediocritate lætos esse, atque alacres, vacuos curis, expertes animi molestiis. Sin hi divites facti fuerint, videbis eos mœstos incedere, nunquàm frontem porrigere: plenos curis, animi molestiis obrutos.

Hanc fabellam sic Horatius canit. lib.

I. epist.

*Fortè per angustum tenuis Vulpecula
rimam.*

*Repserat in cumetam frumenti, pastaque
rursùs,*

*Ire foras pleno tendebat corpore frustra.
Cui mustolla procùl: si vis, ait, effugere
istinc,*

*Macra cavum repetas arctum, quem ma-
cra subisti.*

De Equo, & Cervo. 45.

*E*quis gerebat bellum cum Cervo. Pulsus tandem è pascuis, implorabat opem humanam. Redit cum homine, descendit in campum: victus anteà, jam fit

fit victor. Sed tamen hoste victo, & sub jugum misso, ipse victor necesse est, serviat homini. Equitem fert dorso & frænum ore.

Ad fabulatio.

Dimicant multi contra paupertatem. Qua per fortunam, & industriam victa, sæpè victoris interit libertas. Domini quidem, & victores paupertatis servire incipiunt divitiis, anguntur avaritiæ flagris, parsimoniæ cohibentur frænis, nec quærendi tenent modum, nec justo quidem avaritiæ suppicio partis rebus audent uti. Horatius de hac fabella lib. I. epist.

Cervus Equum pugna melior communibus herbis.

*Pellebat donec minor in certamine longo
Imploravit opes hominis, frænumque recipit.*

*Sed postquam victor victor discessit ab hoste
Non equitem dorso, non frænum reppulit ore.*

*Sic qui pauperiem veritus, potiore metallo,
Libertate caret, dominum vellet improbus, atque,*

Servies æternum, qui parvo ne sciatur uti.

ÆSO.

ÆSOPI FABULÆ
TRIGINTA SEX.

ADRIANO BARLANDO
Interprete.

De duobus Adolescentibus. I.



A Dolescentes duo obsonium apud coquum sese empturos simulant: coquo alias res agente, carnem alter ò canistro surripit, dat socio, ut sub veste occulat. Coquus surreptam sibi carnis partem ut vidit, furti utrumque cœpit insimulare. Qui abstulerat, per Jovem nihil habere, is verò, qui habuit, nihil abs-
tu-

tulisse identidem, dejerat. Ad quos: me
quidem, inquit coquus, fur nunc latet,
sed is scit, quem jurastis.

Ad fabulatio.

Si quid peccavimus, id non statim
sciunt homines: at Deus omnia videt, qui
sedet super cœlos, & intuetur abyssos.
Quod si cogitent homines, suppressius,
prudentiusque peccabunt.

De Cane, & Lanio. 2.

CAnis in macello cùm Lanio carnem
abstulisset, in pedes sese continuo,
quantum potuit, conjecit. Lanius jactu-
ra rei perculsus, primùm tacuit, deindè
animum recipiens, sic procùl acclamita-
vit: ò furacissime, curre tutus, impunè
tibi licet: tutus enim es nunc ob celerita-
tem. Posthac autem cautiùs mihi obser-
vaveris.

Ad fabulatio.

Hæc fabula significat plerosque omnes
tùm demùm fieri cautores, ubi dam-
num acceperint.

De Cane, & Ove. 3.

CAnis ovem in jus vocat, panem ex
mutuo debere clamitans. Illa it in-
ficias: milvus, lupus, vultur accersuntur,
rem affirmant. Damnatur Ovis, damna-
tam Canis rapit, ac deglubit.

Ad-

Ad fabulatio.

Falsis testimentiis opprimi quām plurimos, cūm nemo nescit, tūm hæc quām optimè dicet fabellula.

De Agno, & Lupo. 4.

Agnus comitanti caprum, Lupus fit obviam; rogitat cur relictæ matre ovidum petiùs sequatur hircum, suadetque, ut ad distenta lacte matris ubera redeat, sperans ita fore abductum ut laniet. Ille verò Mater me, o Lupe, inquit, huic commisit, huic summa cura servandi data est: parenti potius, quām tibi obsequendum, qui me seducere istis dictis postulas, seductum mox percepere.

Ad fabulatio.

Noli omnibus fidem habere, multi enim dum aliis videntur velle prodesse, sibi interim consulunt.

De Adolescente, & Cato. 5.

CUM adolescens quidam in deliciis, amoribusque usurpasset Catum: Venerem precibus flatigavit, ut Catum in fœminam transfiguraret. Commiserescit, & audit orantem Venus: fit metamorphosis, quæ adolescenti miserè amanti perplacuit, nempé tota succi plenula, tota candidula, tota elegantula. Itur deinde in cubiculum, ridetur, luditur. Nec verò

rò ita multo pòst percipiens experiri
Dea, nunquid catus cum corpore mutas-
set & mores, per impluvium immittit
musculum: ibi risu prorsùs, atque ludo
res digna accidit. Conspectam illicò bes-
tiola insequitur muliercula. Venus indig-
nans, fœminæ vultus iterùm in Catum,
*Cum pedibusque manus, cum parvis bra-
chia mutat*

*Cruribus, & cauda est mutatis addita,
Membris.*

Ad fabulatio.

Cœlum, non animum mutant, qui
trans mare currunt: nimisque difficile est
assueta relinquere. Naturam expellas fur-
ca licet, ipsa recurret, inquit Horatius.

De Agricola, & Filiis. 6.

Complures habebat Agricola filios
adolescentulos, iique inter se dis-
cordes fuere: quos pater elaborans trahe-
re ad mutuum amorem, apposito fasci-
culo, jubet singulos brevi circumdatum
funiculo effringere: imbecilla nequic-
quam conatur ætatula. Solvit parens,
redditque singulis virgulam, quam cum
pro suis quisque viriculis facilè frange-
ret: o, inquit filioli: sic concordes vos
vincere poterit nemo: sed si mutuis vo-
lueris sœvire vulneribus, atque intesti-
num

num agitare bellum, eritis tandem præda hostibus.

Ad fabulatio.

Docet hic apodus, concordia parvas res crescere, discordia magnas dilabi.

De Asino, & Equo. 7.



Rusticus Equum vacuum, Asinumque sarcinulis egregiè onustum producit ad viam. Defessus Asellus, Equum, sibi onere ut adjuvet, orat, si salvum velet. Negat facturum Equus. Asellus tandem sarcinæ pondere gravatus procumbit, & moritur. Herus omne onus, mortui quoque Aselli coriun, in Equi dorsum reclinat: quibus cùm ille deprimeretur: me miserum, inquit, merito meo sic nunc exerceor, qui dudùm laboranti Asino opitulari nolui,

Ad-

Monemur hac fabula, ut oppressis
subveniamus amicis: ortus nostri (inquit
Plato) partem sibi patria vendicat, par-
tem amici.

De Carbonario, & Fullone. 8.

Fullonem invitabat Carbonarius, ut
secum in unis ædibus habitaret: Ful-
lo, non est, inquit, mi homo, istuc mihi
vel cordi, vel utile: vereor enim mag-
noperè, ne, quæ ego eluam, tu reddas
tam atra, quam carbo est.

Adfabulatio.

Monemur hoc apolo^{go} cum inculpa-
tis ambulare: monemur sceleratorum ho-
minum consortia, veluti pestem quam-
dam devitare. Trahunt, inquit Campan-
nus, hominem sodalitia, commercia
etiam in mores penetrant, & perindè quis-
que evadit, ut quibuscum versatur.

De Aucepe. 9.

IT venatum Auceps, videt nidulantem
procùl in altissima arbore palumbum,
adpropinquat, denique insidias molitur;
premit forte calcibus anguem. Hic mor-
dere. Ille improviso examinatus malo.
Me miserum! inquit, dum alteri insidior,
ipsi pereo. *Adfabulatio.*

Significat hæc fabula, nonnunquam
eos

eos suis artibus circumveniri , qui res novas moliuntur.

De Bucinatore , seu Tubicine . 10.

Bucinator quidam ab hostibus capitur, abducitur. Trepidare ille, supplicare, ut parcant innoxio , se , quando nihil unquam armorum præter unam Buccinam gestaverit; hominem ne potuisse quidem occidere, nedum voluisse. Illi contrà murmure tūm sævo, tūm verbibus intonant. Nihil agis, scelestè, maximè noces, atque nunc hīc trucidabere, quod cum ipse (ut fateris) sis rei militaris imperitus , cornu isthoc tuo aliorum excitas, evibrasque animos.

Ad fabulatio.

Gravissimè peccant nonnulli, qui ad meta alio qui satis pronis principibus, ut iniquè agant, consulunt, atque hujusmodi quædam a illorum aures occidunt. Quid etiam dubitas? an te Principem esse oblitus es? an non tibi, quod lubeat, licet? tu legibus major , in te legiruptæ nomen cadere haud potest , qui ipsis etiam dominaris legibus: tui nihil possident, quod tuum non sit: tu potes & servare, & perdere: tibi fas est opibus, dignitateque augere, quem visum sit: fas est, ubi libuerit, adimere. Alios alia vel

da-

damnant, vel commendant; tibi nihil
non honestissimum futurum.

De Lupo, & Cane. II.



Lupus Cani ante lucem in sylva fortè
fortuna fit obviam, salutat, adven-
tum gratulatur: denique rogat, quo pac-
to tam sit nitidus. Cui ille, Herilis cura
hoc efficit: herus me blandientem sibi
demulcet: de mensa pascor herili niti-
dissima, nunquam sub dio dormio, tūm
universæ familiæ (non dici potest) quam
sim gratus. Næ tu (inquit Lupus) mul-
to es fœlicissimus, o Canis, cui tam be-
nignus & comis contingit herus, quocum,
o utinam commorari & mihi liceat, nul-
lum me animantium esset uspiam fortu-
nius. Canis novi status cupidissimum
videns Lupum, effecturum se pollicetur,
ut

ut hæreat in parte aliqua apud herum,
modò de pristina ferocia aliquid remit-
tere , & servitutem servire, velit. Stat
sententia:Lupo libitum est deambulare
ad villam. Sermones edunt in itinere
prorsùs jucundissimos : posteà verò
quám illuxit, contritum **Canis** collum vi-
dens **Lupus**: quid sibi vult, inquit, o **Ca-**
nis, tua isthæc prorsùs depilata cervix?
Solebam, inquit ille, feroulos notis pari-
ter, & ignotis allatrare , obmordere que
nonnunquam. Id ægrè ferens herus, cre-
bris me tundebat verberibus, prohibens
etiam ne finem præter furem, **Lupum**-
que adorirer. Ego sic vapulando victus
sum, & mitior factus, hocque genialis
sævitiæ servavit signum. **Lupus**, hoc au-
dito: ego, inquit, heri tui amicitiam tan-
ti non emo. Valé igitur, o **Canis**, cum tua
istac servitute: mihi mea potior est liber-
tas.

Ad fabulatio.

Optabilitas est in humili casa dominum
esse, & panem atrum vorare , quam in
amplissima regia oppiparis mensis frui,
& obnoxium, trepidumque agere. Nam
libertas sublimi exultat aula , ubi acci-
pienda venit, & mussitanda injuria est.

A *De Agricola, & Canibus.* 12.
Agricola cum ruri plusculos hyemas-

set dies, cœpit tandem necessariarum rerum penuria laborare. Interficit oves, mox & capellas, postremò boves quoque mactat, ut habeat, quo inedia penè exhaustum corpusculum sustentet. Id videntes Canes salutem fuga quærere constituunt: sese enim non victuros diutius, quando ne bobus quidem, quorum in opere rustico faciendo utebatur opera, pepercit herus. *Ad fabulatio.*

In quam domum mercedis gratia tradas, vide. Nonnulli inhumanissimi sunt heri. Multi enim hodiè eò dementiæ prolabuntur, ut vel servos infortunio malo & damno libenter mactent.

De Vulpes, & Leone. 13.

Vulpecula, quæ Leonis immanitatem insuetam habebat, semèl atque iteram id fortè animalis contemplata, trepidare & fugitare. Cùm jam tertio obtulisset sese obviam Leo, tantum abfuit, ut metueret quicquam Vulpes, ut confidenter illum adierit, salutaveritque.

Ad fabulatio.

Omnès nos consuetudo audaciores facit vel apud eos, quos anteà aspicere vix ausi fuimus.

Vulpeculæ proles foras excurserat,

De Vulpes, & Aquila. 14.

rat, ab Aquila comprehensa matris fidem implorat. Accurrit illa: ut captivam prolem dimittat, Aquilam rogat: Aquila nacta prædam ad pullos subvolat: Vulpes correpta face quasi illius munitiones incendio absumptura esset, insequitur. Cùm jam arborem concendisset & ipsa. Nunc te, inquit, tuosque, si potes, tuere. Trepidans Aquila incendium dum metuit: Parce, inquit, mihi, parvisque libe-
ris: tuum, quicquid habeo, reddidero.

Ad fabulatio.

Per Aquilam potentis, atque audacis animi homines intellige: per Vulpem pauperculos, quos calumnias premere, contumeliisque afficere, divitibus æquè studium eset. Verùm, quando est sua, & formicis ira, impontentes ii acceptam interdùm probè ulciscuntur injuriam:

De Agricola, & Ciconia. 15.

Gruibus, anseribusque sata depascen-
tibus laqueum prætendit rusticus:
capiuntur grues, capiuntur anseres, ca-
pitur & ciconia. Supplicat illa, innocen-
tem sese clamitans, & nec gruem, nec
anserem esse, sed avium omnium, opti-
mam quippè quæ parenti sedulò semper
inservire, eumdemque senio confectum
alere, consueverit. Agricola, horum in-

quit nihil me fugit: verūm cūm nocētibus postquām te cōpimus , cūm his quoque morieris. *Ad fabulatio.*

Qui flagitiūn commitit,& is, qui impuris se adjungit socium, pari pœna plectuntur. *De Gallo, & Cato.* 16.

VEnit ad Gallum comedendum Catus:

non satis autem habens ad nocēdum causæ , Gallum criminari occipit, obstreperam esse avem dictitans, ut potè quæ voce tam acuta noctu dormientes homines exergefaciat. Ille se innocenter ait, cūm sic excitet in opera mortales. Catus contrā intonat: nihil agis, scelestē: cum matre rem habes, nec sorore abstines. Id Gallus quoque expurgare cūm niteretur: nec hoc, inquit, perseverantius sæviens Catus quicquam facis, tu mihi hodiē discerperis.

Ad fabulatio.

Vetus dictum esse ait Guilielmus Gaudanus: ut Canem cædas facilē inveniri baculum. Malus, si libitum fuerit, quo jure, quaque injuria, te præcipitem dabit.

De Opilione , & Agricolis. 17.

PUer editiore pratulo oves pascebatur, atque per jocum terque quaterque lupum adesse clamitans, Agricolas undique exciebat. Illi sæpius elusi, seriò au-

xilium imploranti dum non subveniunt,
sunt oves præda lupo.

Si mentiri insueverit quispiam, huic,
si quando verum narrare occœpit, haud
facilè habebitur fides. Superiori apolo-
finitimus est ille apud Horatium de Plano
scurra jocus:

*Nec semel irrisus triviis attollere curat
Fracto crure Planum, licet illi plurima
manet*

*Lacrymam, per sanctum juratus dicat
Osirim,*
Credite, non ludo, crudeles, tollite claudum.
*Quarè peregrinum, vicinia rauca re-
clamat.*

De Aquila, & Corvo. 18.

Rupe editissima in agni tergum de-
volat Aquila. Videns id Corvus,
imitari, velut simius, gestit Aquilam. In
arietis vellus se demittit; demissus impe-
ditur, impeditus comprehenditur, com-
prehensus projicitur pueris.

Ad fabulatio.

Non aliorum, sed sua se quisque virtu-
te æstimet. Tuo te pede metire, inquit
Horatius. Id velis, id tenta, quod possis.

De Cane invido, & Bobe. 19.

Præsepio fœni pleno decumbebat Ca-
nis. Venit bos, ut comedat: ille sese

suirigens prohibere. Bos , Dii te cum tua isthac invidentia perdant,inquit, qui nec fœno vesceris,nec eo me vesci sinis.

Ad fabulatio.

Eo sunt ingenio plerique, ut aliis invideant;quod ipsi mentis inopia assequi nequeunt. *De Cornice , & Ove.* 20.

STREPITAT in oviculæ dorso Cornicula. Ovis inquit, si sic Cani obstreperes, ferres infortunium. At Cornix:scio, inquit, quibus insultem, placidis molesta, sævis amica. *Ad fabulatio.*

Imponenti : & syncero perpetua est cum malis parata certatio. Illiditur solo innocentissimus quisque; nocentis verò præferocis hominis aures ad strepit nemo.

De Pavone , & Luscinia. 21.



PAvo apud summi Jovis sororem, & conjugem Junonem queritur Lusciniam

niam suave cantillare, se ob raucam rau-
vim ab omnibus irrideri. Cui Juno: dos
sua à Diis cuique. Luscinia cantu , tu
plumis longè superas: unumque inque
sua sorte decet esse contentum.

Ad fabulatio.

Quæ Divi largiantur, grato summa-
mus animo, nequè majora quæramus:
superi temerè agunt nihil.

De Mustella, & Muribus. 22.

MUstella præ senio viribus carens,
Mures jam ita , ut solet, insequi
non valebat. Meditari cœpit dolum, in
farinulæ se colliculum illatebrat, sic spe-
rans fore, ut citra laborem venetur. Ac-
currunt Mures, & farinam esitare dum
cipiunt ad unum omnes à Mustella
vorantur.

Ad fabulatio.

Ubi viribus quispiam destitutus fue-
rit , ingenio opus est. Lysander dicebat
solebat:quò non perveniret leonina pel-
lis, vulpinam assuendam esset; quod sic
lucidiùs dixeris : ubi virtus non satis
potest, adhibenda est astutia.



Rusticus quidam ex malo quam in proximo habebat agello, sapidissima quotannis legebat poma , hero lecta donabat urbano, qui illectus incredibili pomorum dulcedine, malum tandem ad se transtulit : ea veterima repente exaruit, atque ibi poma pariter & malus periere. Quod cum patrifamilias nuntiatetur. Heu, difficile est, inquit, annosam transplantare arborem. Satis , superque fuerat, si frænum meæ novissem imponeere cupiditati, & fructus è ramo decerpere. Hanc fabulam sic Mantuanus: *Rusticus ex malo dulcissima poma legebat,*
Unde dare Urbano dona solebat hero.
Ast herus illectus frugum dulcedine malum
Transtulit in laribus proxima rura suis.

At

At quia malus erat senior, translata re-
pentè

Aruit, & proles cum genitrice obiit:
Heu, malè iram fertur senio cum induruit
arbor,

Inquit herus, fuerat carpere poma satis.

Ad fabulatio ejusdem.

Qui nimium sapiunt, atque inconcessa se-
quuntur,

Desipiunt: cohibet, qui sua vota sapit.

FABULÆ M. PETRO SCOTO,
Viro ornatissimo, eidemque humanissi-
mo, scriptæ à Barlando.

De Leone, & Rana. 24.

Audire vocem visus Leo, prosiliit,
A subsistit non sine trepidatione, mag-
ni quippiam expectans. Egreditur tan-
dèm aquis ranula. Leo deposito metu
appropinquans, bestiolam proculcat pe-
dibus. *Ad fabulatio.*

Vetat hic apodus inanes timores, ut
illa à Guilielmo Gaudano versa fabula de-
partu montium.

De Formica. 25.

Sitiens venit ad fontem, ut biberet,
Formica, incidit fortè in puteum:
opitulatur eminùs, ex arbore dejecto ra-
mo, columba. Ramum concendens For-
mica servatur. Adest columbam, ut ca-

piat, auceps: non sinit Formica, aucupis
pedem arripit mordicus, avolat colum-
ba. *Ad fabulatio.*

Docet fabula præclarè meritis refe-
rendam esse gratiam.

De Pavone, & Pica. 26.

Genus avium cùm liberè vagaretur,
optabat sibi dari regem. Pavo se
in primis dignum, qui eligeretur, puta-
bat, quia esset formosissimus. Hoc in re-
gem accepto, Pica: O rex, inquit, si te im-
perante, aquila nos prestrernuè, ut solet,
insequi cœperit, quo illam modo abiges?
quo nos pacto servabis? *Ad fabulatio.*

In Principe non tām forma, quām cor-
poris fortitudo spectanda est, & pruden-
tia. *De Ægroto, & Medico. 27.*

Medicus curabat ægrotum, ille tan-
dēm moritur. Tūm ad cognatos
Medicus: hic, inquit, intemperantia pe-
riit. *Ad fabulatio.*

Bibacitatem, & libidinem nisi quis ma-
ture reliquerit, aut nunquām perveniet
ad senectutem, aut per brevem est habi-
turus senectutem. *De Leone, & aliis. 28.*

LEO, Asinus, & Vulpes eunt vena-
tum: capitur ampla venatio: capta
partiri jussa. Asino singulis singulas par-
tes ponente, irruerit Leo: Asinum rapit,

ac laniat. Postea Vulpeculae id dat negotii: quæ astutior, cùm Leoni longè optima proposita parte, sibi vix minimam particulam reservasset: rogit Leo, à quo sic docta sit? Cui illa: hujus me, inquit, calamitas docuit; mortuum Asinum ostendens.

Ad fabulatio.

Felix quem faciunt aliena pericula cautum. *De Hœdo, & Lupo.* 29.

Fenestra prospectans hœdus prætereuitem Lupum conviciis incessere, audebat. Cui Lopus: non tu, ait, sceleste, mihi conviciaris, sed locus.

Ad fabulatio.

Et tempus & locus sæpè audaciam addunt homini.

De Asino. 30.

A Sinus de hortulani sævitia querens Jovi supplicat alium dari herum.

Exaudire Jupiter vota Asini: dat tegularium, apud quem cùm tegulas, gravioraque tergo vectaret onera, accersit rursus Jovem, orat dari , qui mitior sit. Ridere Jupiter : ille tamen non destitit instare, Orare usque adeo, donec per pelleret. Dat ille coriarium. Quem ubi per novit a sel-
lus: me miserum! linquit, qui dum nullo sum contentus domino, in eum inciderim, qui ne corio quidem meo, quantum auguror, parcer.

Ad fabulatio.

Semper damnamus quæ præsentia sunt, & nova appetimus , quæ (ut dici solet) veteribus non sunt potiora.

De Anu , & Ancillis. 31.


Anus quædam domi habebat Ancillas complures; quas quotidiè ante quam luceceret , ad galli gallinacei , quem domi alebat, cantum, excitabat ad opus. Ancillæ quotidiani tandem negotii commotæ tædio, gallum obtruncant, sperantes necato illo in medios sese dies dormituras : sed hæc spes misera frustrata est: hera enim, ut interemptum Gallum rescivit, intempesta deinceps nocte surgere jubet.

Ad fabulatio.

Non pauci gravius malum dum stu-
dent.

dent evitare, in alterum diversum incidunt. Pervulgatum est: incidit in Scyllam, qui vult vitare Carybdim.

De Asino, & Equo. 32.



A Sinus beatum putabat Equum, quod pinguis esset, & in otio degeret: se vero infelicem dicebat, quod macilens esset, ac strigosus, quotidiè feredis oneribus ab immiti hero exercetur. Haud multo post ad arma conclamatum est. Tum Equus non equitem dorso, non trænum repulit ore, nec telum corpore. Hoc viso Asinus magnas Diis gratias agebat, quod non Equum se, sed Asinum fecissent. *Ad fabulatio.*

Miseri sunt, quos vulgus beatos iudicat, & non pauci beati, qui se miserimos putant. Sutor crepidarius regem dicit:

cit fœlicem, quem omnium rerum compotem videt: non considerans in quantas res, & sollicitudines distrahatur, dum interim ipse optima cum paupertate cantillet.

De Leone, & Capra. 33.

Edita rupe ambulantem Capram forte conspicatus Leo, monet, ut potius in viride pratum descendat. Capra, facerem fortassis, inquit, si tu abesses, qui mihi non istud suades, ut ego inde ullam capiam voluptatem, sed ut tu habeas, quod vores famelicus.

Ad fabulatio.

Omnibus ne habeas fidem : quidam enim non tibi, sed sibi consulunt.

De Vulture, aliisque Avibus. 34.

Annum se natalem celebrare adsimulat Vultur, aviculas ad cœnam invitat, veniunt pleraque omnes, venientes magno plausu, favoribusque accipit, acceptas laniat Vultur.


Ad fabulatio.
Non sunt amici omnes, qui blandè dicunt, aut benignè se facere velle simulant: latent sub hoc melle venena.

De Anseribus. 35.

Anseres unà cum gruibus agrum vastabant. Quibus auditи Rustici protinus in illos feruntur. Rusticos, conspi-
catae avolant grues: capiuntur anseres qui im-

impediti corporis onere subvolare non
peterant. *Ad fabulatio.*

Expugnata ab hostibus urbe, facilè se
subducit inops, ac dives servit captus. In
bello divitiæ magis oneri sunt, quàm
usui. *De Jove, & Simia.* 36.



Jupiter scire percipiens, quisnam mortalium scitissimos ederet liberos, convocari jubet quidquid uspiam est animantium. Concurritur ad Joyem undique: aderat jam alitum, pecudumque genus inter quos & Simia, deformes catulos brachio gestans, cum advenisset, à risu nemo temperare potuit, quin etiam Jupiter ipse profuse admodum risit. Ibi continuò Simia ipsa: imò, inquit, novit & Jupiter judex noster, catulos meos magnoperè omnes, quotquot adsunt,

præ-

præcellere.

Ad fabulatio.

Suum cuique pulchrum, ut est adagium. Et alibi apud Theocritum: quæ minimè sunt pulchra, ea pulchra videntur amanti.

ANIANI FABULÆ IV.

ADRIANO BARLANDO
Interprete.

De Quercu, & Arundine. r.



F Astus olim, atque adeò insolentie
plena Quercus, Arundinem ag-
gressa est: si nunc, inquiens, pectus ani-
mo-

mosum tibi , procede agedūm ad pugnam, ut noster duarum eventus ostendat , utra viribus præstet. Arundo Quercus cantum , exultationem fortitudinisque jactationem vanam , nihil mirata, sic respondit: certamen nunc abnuo , nec meæ sortis me piget : nam etsi in omnem partem mobilis, tempestates tamen pervinco sonoras: tu, si semel vasto rex Æolus antro luctantes emiserit ventos. concides, & mihi tūm rideberis.

Ad fabulatio.

Declarat hæc fabella, non eos semper fortissimos esse, qui nulla etiam lacescit injuria, aliis insultant.

De Piscatore, & Pisciculo. 2.

Piscator jacto in aquam hamo , cibis illito, pisciculum eduxit. Orat, obsecratque captivus, se minutulum , ut abire sinat,& adolescere, ut posteà majore potiatur. Piscator: ego, inquit, spem pretio non emo, quippe qui eo fuerim ingenio semper , ut quicquid possem, mallem auferre potius in præsentia.

Ad fabulatio.

Hæc nos monet fabella, ne certa unquam incertorum spe unguibus amittamus. Quid enim stultius (ut est apud

Ci-

Ciceronem) quam incerta pro certis habere?

De Formica, & Cicada. 3.

Apetente hyeme, frumentum in areolam ad Solem trahebat Formica. Videt id Cicada, accurrit, rogitat granum. Formica: cur non, inquit, & tu meo exemplo æstate trahis quodcumque potes, atque addis accervo? Respondet illa, sibi id temporis cantando trasfigi. Ridens Formica: Si, ait, æstate cantitare soles, meritò nunc esuris.

Ad fabulatio.

Monemur hac fabula, dum adhuc robur corporis adest, quærere ea, quibus imbecilla sustentetur senectus. Per hyemem senectutem intellige, per æstatem adolescentiam, & florem illum ætatis.

De Leone, & Tauro. 4.

Leonem fugiebat Taurus, in hircum incidit. Is cornu, & caprata minutabatur fronte: ad quem plenus iræ Taurus: non tua, inquit, in rugas contracta frons me territat, sed immanem metuo Leonem, qui, nisi tergo hæreret meo, Jam scires non ita parvam rem esse pugnare cum Tauro, & nostro sequi de vulnere sanguinem. *Ad fabulatio.*

Calamitosis non est addenda calamitas:

tas: Sat miser est, qui semel est miser.

ANIANI FABULÆ

TRIGINTA OCTO,

GUILIELMO HERMANNO

D. Augustini Ordinis Canonico,

INTERPRETE.

De Nutrice, & Lupo. I.

NUtrix minatur puerum plorantem, ni taceat, dari Lupo. Lupus id fortè audit, spe cibi manet ad fores. Puertandum silescit, obrepente somno. Regreditur Lupus in sylvam jejonus, & inanis. Lupa, ubi sit præda, sciscitatur. Gemebundus ille: verba, inquit, mihi data sunt: puerum plorantem se abjicere minabatur nutrix, at fefellit.

Ad fabulatio.

Fœminæ non est habenda fides.

De

De Testudine, & Aquila. 2.

Ceperat Testudinem tædium reptandi. Siquis eam in cœlum tolleret, pollicetur baccas maris rubri. Sustullit eam Aquila, poscit præmium: non habentem, fodit unguibus. Ita Testudo, quæ concupivit videre astris vitam reliquit.

Ad fabulatio.

Tua sorte sis contentus. Fuere nonnulli, qui, si mansissent humiles, poterant esse tuti. Facti sublimes, incederunt in pericula.

De Cancris Matre, & Filio. 3.

Cancrum retrogradum monet Mater, antrorsum ut eat. Filius respondet, Mater inquit, præi, sequar.

Ad-

Ad fabulatio.

Nullum reprehenderis vitii, cuius ipse queas reprehendi.

De Sole, & Aquilone. 4.

Sol, & ventus Aquilo certant, uter sit fortior. Conventum est experi-ri vires in viatorem, ut palmam ferat, qui excusserit mauticam. Boreas horri-sono nimbo viatorem aggreditur: at ille non desistit, amictum gradiendo dupli-cans. Adsunt vices solis, qui nimbo pau-latim evicto, emolitur radios: incipit viator æstuare, sudare, anhelare. Tan-dem progredi nequiens, captat frigus opacum: atque sub frondoso nemore abjecta mantica, resedit: ita Soli conti-git victoria.

Ad fabulatio.

Quicum certes etiam atque etiam vi-de. Nam, etsi tu fortis es, est forsitan alius te fortior. Aut si non fortior, cer-tè callidior, ut consilio suo tuum vin-cat robur.

De Asino. 5.

A Sinus venit in sylvam, offendit exu-vias Leonis: quibus indutus redit in pascua, greges, armentaque territat, & fugat. Venit, qui perdiderat: quæ-ritat suum Asinum. Asinus viso hero-

occurrit, imò cum rugitu suo incurrit.
Ad herus prehensis, quæ extabant auri-
culis alios licet, inquit, fallas, ego te, assel-
le mi, probè novi. *Ad fabulatio.*

Quod non es, nec te esse simules;
Non doctum, cum sis indoctus: non
divitem, non nobilem, cum sis pauper, &
ignobilis, te jactes: vero enim compre-
to rideberis.

De Rana, & Vulpes. 6.

Rana egressa paludem, in sylvis apud
feras medicinam profitetur. Ait se
nec Hippocrati, nec Galeno cedere. Cæ-
teris habentibus fidem, illusit Vulpes.
An hæc, inquit, medicinæ habebitur
perita, cui sic pallat os? Quin curat se
ipsam? Sic illusit Vulpes. Est enim Ra-
nae os cœruleo colore.

Ad fabulatio.

Stultitia est profiteri, quod nescias, &
ridiculum.

De Cane mordaci. 7.

CAni subinde homines mordenti, ut
sibi quisque caveret, alligavit do-
minus nolam. Canis ratus virtuti suæ
tributum decus, suos populares despi-
cit. Accedit ad hunc Canem aliquis jam
ætate, atque auctoritate gravis, monens
eum, ne erret. Nam ista, inquit, nola-
da-

data est tibi in dedecus , non in decus.

Ad fabulatio.

Gloriosus interdùm sibi ducti laudi,
quod ipsi est vituperio.

De Camelō. 8.

Camelus sui pœnitens , querebatur tauros insignes ire geminis cornibus, se inermem objectum cæteris animalibus. Orat Jovem donari sibi cornua. Rident Jupiter stultitiam camelī, nec modo votū negat, verū & auriculas bestiæ decurtat.

Ad fabulatio.

Sit quisque fortuna contentus sua.
Etenim multi fortunam secuti meliorē, incurrere pejorem

De duobus Amicis, & Urso. 9.

Duo amici faciunt iter. Occurrit in itinere Ursus. Unus arbore consensa pericula evitat : alteri cùm spes fugæ non esset, colidit se humili. Accedit bellua, contrectat jacentem , os explorat, & aures. Homine spiritum continente, ac motum, Ursus , qui mortuis parcit, ratus cadaver esse, innocuus discedit. Percunctanti posteā socio quidnam bestia dixisset jacenti in aurem: hoc monuisse ait, ne unquam cum illiusmodi amicis iter facere.

Ad-

Rara avis in terris, nigroque simillima cygno, fides est. Verum amicum res adversæ, & pericula monstrant.


De Equite Calvo. 10.

Eques calvus illigarat pileo comam fictitiam. Venit in campum, acri spirante Borea: ac dum male observat capillatum galerum, subito appetet calvitias. Tollit cachinum corona, necnon & ipse ridet. Quid novi est, inquit, avolare capillos alienos, cum olim defluixerint mei?

Adfabulatio.

Bellè fecit eques, qui non est indig natus, sed cum ridentibus risit. Socrates verò cum accepisset in foro alapam, hoc modo respondit: molestum esse nescire homines, quando debeant pro dire cum galea.

De duabus Ollis. 11.



DUæ ollæ stetere in ripa: altera erat lutea, altera ærea: utramque tulit vis fluvii. Luteæ collisionem metuenti, respondet ærea, ne quid timeat, sese enim, ne collidatur, satis curaturam. Tum altera: seu me, inquit, tecum, seu te mecum flumen colliserit, cum meo utrumque fiet periculo. Quarè certum est à te separari.

Ad fabulatio.

Satiūs est vivere cum socio pari, quam cum potentiori. A potentiori enim potest esse periculum tibi, non illi à te.

De Rustico, & Fortuna. 12.

RUSTICUS cùm araret, offendebat in sulcis thesaurum. Gratias agit Telluri, quæ hunc dedisset. Fortuna videns

nihil honoris haberi sibi, ita est secum locuta: Thesauro reperto stolidus mihi non est gratus: at eo ipso thesauro postea amisso, me primam omnium votis, & clamore solicitabit.

Ad fabulatio.

Beneficio accepto grati simus bene de nobis merenti. Ingratitudo enim digna est etiam beneficio, quod jam acceperit, privari.

De Tauro, & Capro. 13.

Fugit Leonem Taurus, venit ad speluncam quærens latibulum. Intranti occursat cornibus, qui intus erat, caper. Tum his verbis bos emugit: tu quidem cornibus tuis meam excipis fugam: verum si abierit, quem fugio, quantum à viribus Tauri distet caper, tum senties.

Ad fabulatio.

Qui nescit miseris esse sucurrendum, aut certè non nocendum, caper est. Quisquis enim à miserorum injuria non temperavit, si (ut est fortuna mutabilis) miseris ridierit fœlicitas, nimiri no-cuisse miseris eum pœnitabit.

De Simia, & ejus Prole. 14.

OMnes animantes suo conspectui Jupiter adesse jussérat, cuiusnam so-bo-

boles, esset pulcherrima judicaturus. Properant feræ, advolant aves, necnon ad id certamen adnatant pisces. Omnium postrema festinat Simia, trahens secum suam prolem: cuius quidem prolis fœdas nares cunctis ridentibus, sic inquit: maneat, cui faverit Jupiter, victoria: meo tamen judicio, hic meus natus est belius, & omnium natis jure præferendus. Hoc dicto, subrisit & Jupiter.

Ad fabulatio.

Et nos, & nostra nobis placent. Sed de nobis, & de nostris factis aliorum sit judicium: ne, si ipsi judicemus, cum Simia rideamur.

De Pavone, & Grue. 15.



Pavo, & Grus unà cœnant. Pavo se jactat, caudam ostentat. Gruem
K 2 con-

contemnit: Grus fatetur Pavonem formosum esse pennis; se tamen, dum vix tectis supervolat Pavo, animoso volatu penetrare nubes.

Ad fabulatio.

Nemo alterum contempserit. Sua cuique dos, sua cuique est virtus. Qui tua virtute caret, forsitan habet, qua careas tu.

De Quercu, & Arundine. 16.

VAlidiore Noto effracta Quercus in flumen præcipitatur. Dumque fluitat, hæret fortè ramis suis in Arundine, miratur Arundinem in tanto turbine stare in columem. Hæc respondet: cedendo, & declinando se esse tutam, inclinare ad Notum, ad Boream, ad omnem flatum. Nec mirum esse, quod Quercus exciderit, quæ non cedere, sed resistere concupivit.

Ad fabulatio.

Potentior ne resistas, sed hunc cedendo, & ferendo vincas. Quod pulchre docet facundissimus poetarum Virgilius:

*Nate Dea, quò fata trahunt, retrahuntque sequamur;
Quidquid erit, superanda omnis fortuna ferenda est.*

De

De Tigride, & Vulpœ. 17.

VEnator jaculis agitabat feras. Tigris jubet omnes feras obsistere, se-
se unam ait bellum conjecturam: per-
rit venator jaculari. Tigris oppidò sau-
ciatur. Fugientem è prælio, telumque
extrahentem, percunctatur Vulpes,
quisham valentem bellum tam validè
vulnerasset. Respondit, se authorem
vulneris haud nosse, verum ex vulne-
ris magnitudine capere se conjecturam
aliquem fuisse virum.

Ad fabulatio..

Fortes plerumquæ sunt temerarii, &
ars vim, ingenium fortitudinem, su-
perat.

De Tauris, & Leone. 18.

QUatuor fuere Tauri, quibus placuit
communem ipsorum esse salu-
tem, & commune periculum. Videt Leo
simul pascentes: etsi esurit, tamen con-
junctos aggredi metuit: primùm dat
operam verbis fallacib[us] segregare, tum
segregatos laniat.

Ad fabulatio.

Concordia nihil est firmius, discordia
etiam fortes reddit imbecilles.

De Abiete, & Dumo. 19.

Fertur olim Abies despicere Dumos. Jactitat se proceram esse, locari in ædibus, cum velo stare in navibus: Dumos autem humiles, viles nulli usui idoneos. Quorum quidem tale fuit responsum: tu sanè Abies tuis gloriare bonis, ut nostris insultes malis. Verùm nec tua refers mala, & nostra præteris bona. Cùm tu sonanti detruncare securi, quām velles tum nobis, qui securi sumus, esse te similem.

Ad fabulatio.

Et sumnæ fortunæ sua insunt māra, ex humili fortunæ sua bona. Ut nil aliud nunc dicam, hæc secura est, ac tuta: illa nec extra metum est, nec caret periculo. Horatius canit in Iyricis:

*Celsæ graviore casu
Decidunt turres, feriuntque summos
Fulgura montes.*

De Piscatore, & Pisciculo. 20.

Subductus hamo Pisciculus, orat Piscatorem se dimitti. Ait modò se à matre fusum, atque mensam, cùm adhuc minutus sit, non multùm juvare. Si dimittat, posteà grandem ultrò ad hamum

mum ejus redditurum. Piscator negat se dimittere prædam certam, licet exiguum : quid habeam, inquit, scio: quid sim habiturus, nescio. Ego spem pretio non emo.

Ad fabulatio.

Certum præstat incerto, præsens futuro ; etsi nonnunquam exile commodum omissum, attulit magnum.

De Alite, & Pullis ejus. 21.

Ales positos in segete Pullos monet, ut, dum ipsa abest, diligenter attendant, si fiat sermo de occatione. Redeunti è pastu matri pulli anxii narrant dominum agri operam illam mandasse vicinis. Respondet nihil esse periculi. Item alio die trepidi ajunt rogatos ad metendum esse amicos: iterum jubet illa, ut sint securi. Tertiò , ut audivit ipsum dominum cum filio statuisse postero mane cum falce messem intrare: jam, inquit, tempus est, ut fugiamus. Vicinos, & amicos non timui, quia non venturos scivi. Timeo dominum , illi enim res est cordi.

Ad fabulatio.

Socordes alienis in rebus plerique sumus. Quòd si quid rectè curatum velis, alteri ne mandes, sed cures ipse.



Duo homines orabant Jovem , Cupidus, & Invidus. Mittitur à Jove Apollo; per hunc ut eorum votis satisfiat. Dat hic utrique optandi liberam facultatem hac conditione:ut quodcumque petiisset alter, ipsum altera acciperet duplicatum. Hæret dia Cupidus, cùm nihil putat fore satis. Petit tandem non pauca. Et duplum accipit socius. Porrò Invidus hoc petit, ut ipse uno privetur oculorum, latus socium multandum esse utroque.

Ad fabulatio.

Avaritiam quid possit satiare? Invidia verò dementius est nihil. Quæ dum-
mo-

modō noceat alteri, sibimet imprecatur malum.

De Leone, & Capella. 23.

VIdit Leo pendere dumosa de rupe Capellam. Suadet descendere, ut in campo thymum , salicesque carpat. Recusat Capella descendere; verba quidem ejus haud satè mala, sed mentem esse plenam doli reclamans.

Ad fabulatio.

Cogitet quis , quid suadeat. Multi suadent utilia, non tibi, sed sibi.

De Cornice, & Urna. 24.

SItibunda Cornix reperit Urnam aquæ. Sed erat Urna profundior, quam ut posset à Cornice aqua contigi. Conatur effundere Urnam, nec valet. Tum lectos ex arena scrupulos injectat. Hoc modo aqua levatur, & Cornix bibit.

Ad fabulatio.

Interdùm id, quod non potes efficer vi, efficies prudentia & consilio.

De Leone, & Venatore. 25.

LItigat Leo cum Venatore, suam præfert fortitudinem homini's fortitudini : post longa jurgia , Venator ducit Leonem ad Mausoleum, in quo sculp-

tus erat Leo caput deponens in gremium viri. Negat fera id satis esse indicii, homines enim sculpere, quod vellent, ait: Quod si & Leones forent artifices, jam virum scultum iri sub pedibus Leonis,

Ad fabulatio.

Quisque quoad potest, & dicit & facit, quod suæ parti & causæ putet prodesse.

De Puerø, & Fure. 26.

SEdebat Puer flens ad puteum, Fur rogat causam flendi. Puer dicit, rupto fune incidisse in aquas urnam auri. Homo exuit se, insilit in pütēum, quærat. Vase non invento, conscendit, atque ibi nec puerum, nec suam invenit tunicam. Puer quippè sublata tunica, fugerat.

Ad fabulatio.

Falluntur interdùm, qui fallere solent.

De Rustico, & Juvento. 27.

ERAT Rustico Juvencus vinculi, iugique impatiens. Homo astutus bestiæ resecat cornua: cornibus enim petebat. Tum jungit non currui, sed aratro: ne ut solet, herum pulsaret calciis; Stivam ipse tenet, gaudens industria effecisse, ut jam foret tutus, &

à cornibus, & ab ungulis. Sed quid evenit? Taurus subinde resistens, spargendo pedibus, os, oculos, caputque Rustici opplet arena.

Ad fabulatio.

Sunt nonnulli sic intractabiles, ut nulla queant arte, nullo consilio tractari.

De Satyro, & Viatore. 28.



SAtyrus, qui Deus nemorum olim est
habitus, Viatorem nive obrutum,
atque frigore enectum miseratus, dicit
in antrum suum, fovet igni. Spirantem
autem in manus, percontatur causam.
Qui respondens: ut calefiant, inquit:
Postea cum accumberent, sufflat Viator
in polenta. Quod, cur faceret, interro-

gatus: ut frigescat , inquit. Tùm continuò Satyrus Viatorem ejiciens:nolo, inquit,in meo sit antro,cui tam diversum est os.

Ad fabulatio.

Cave, sit in tuo convictu homo dupli-ci ore, quique in sermone est Proteus.

De Apro , & Rustico. 35.

A Pro vastanti segetes Rusticus præ-cidit auriculam. Iterùm deprehen-so, præcidit alteram. Et tunc quoque redeuntem capit: captum portat in ur-bem destinatum lautitiæ sui patroni. Secta jam in convivio bellua nusquām apparet cor. Excandescente hero , & flagitante coquos, villicus respondet: Pa-trone inquit, non est mirum non appa-rere cor : nam credo stultum Aprum nunquām cor habuisse. Nam si cor ha-buisset, nunquām in pœnam suam ad meas segetes toties rediisset. Sic Rusti-cus. At omnes convivæ emori risu, ca-chinari de stultitia rustici.

Ad fabulatic.

Multorum hominum tam est excors vita, ut, an cor habeant, posis ambigere.

De Tauro , & Mure. 30.

MUS Tauri pedem moniorderat, fu-giens in antrum suum. Taurus

vibrat cornua, quærit hostem, nusquam
videt: irridet eum Mus: quia, inquit,
robustus es, ac vastus, non idcirco quem-
vis contempseris. Nunc te, & quidem
gratis, læsit exiguus Mus.

Ad fabulatio.


Tritum est illud verbum: nemo suum
hostem flocci pendat.

De Rustico, & Hercule. 23.

Rustici currus hæret in profundo lu-
to: tunc supinus Deum Herculem
implorat. Insonat vox è cælo: inepte,
inquit, flagella equos. & ipse annittere
rotis, atque tum Herculem vocato, tum
enim aderit Hercules vocatus.

Ad fabulatio.

Nihil presunt otiosa vota, quæ sanè
Deus non audit. Juva temet, inquiunt,
ipse tum juvabit te Deus.



Fuit Anser qui ponebat ova aurea singulis diebus singula: Dominus, ut subito fiat dives, Anserem jugulat, sperans intus latere gazam. Sed Ansere invento vacuo, stupet miser, anxieque dehinc suspirat, ac plangit, & rem, & spem periisse. *Ad fabulatio.*

Moderanda sunt vota. Curandum est ne præproperi simus: enim nimia festinatio nocet: & qui plura quam decet, querit, interdum acquirit nihil.

De Cicada, & Formica. 33.

CUM per æstatem Cicada cantat, Formica suam exercet messem, trahit in atrum grana, reponens in hyemem. Sæviente bruma, famelica Cicada venit ad

ad Formicam, mendicat victum. Renuit Formica, dictitans sese, dum illa cantabat, laborasse. *Ad fabulatio.*

Qui segnis est in juventa, egebit in senecta: & qui non parcet, olim mendicabit.

De Simia, & duobus ejus natis. 34.

SImia, ut ferunt, cum peperit gemellos, alterum diligit, alterum neglijit. Erat puerpera cum gemellis. Atque cum incidisset terror, vitatura periculum, dilectum prehendit ulnis. Quem, dum præceps fugitat, collidit petræ, atque enecat in neglectus autem, qui in hirsuto hæserat tergo fugientis, mansit incolumis. *Ad fabulatio.*

Solet evenire, ut ipsi parentes filio, quem tenerè amant, præ nimia indulgentia sint mali occasio, & periculi; eo, quem minùs amarunt, præstante se strenuum ac probum.

De Bove, & Juvenco. 35.

BOS jam grandis quotidiè trahebat aratum. Juvencus laboris expers, vicinis exultat in pascuis, ac tandem insultat fortunæ senioris. Jactat se jugi, ac vinculi insciurn, se liberum, se otiosum, illi attritum esse labore colum, denique se glabrum, ac nitidum, illum esse hirsutum,

tum, ac squalidum: senior tūm quidem nihil contrā. Sed brevi post tempore videt hunc insultorem duci ad aras, ac tum hisce verbis affatur: quō tua molis vita pervenit? securum istud otium te trahit ad securim. Jam saltem (ut opinor) potius laudabilis meum laborem, qui me tuetur, quam otium, quo d nunc te traxit ad necem.

Ad fabulatio.

Ad vitam rectē gerendam opus est labore, & vigilantia. Socors autem, & voluptati deditus, suarum rerum, quem pollet, sortietur exitum.

De Cane, & Leone. 36.



Occurrit Canis Leoni, jocatur. Quid tu miser exhaustus inedia percurris sylvas & devia? Me specta pinguem,

ac nitidum: atque hæc non labore con-
sequor, sed otio. Tum Leo: habes tu
quidem tuas epulas, sed habes, stolidæ,
etiam vincula. Servus esto, qui servire
potes: equidem sum liber, nec servire
volo.

Ad fabulatio.

Pulchrè respondit Leo. Quibuslibet
enim rebus potior est libertas.

De Piscibus. 37.

Piscis fluvialis vi fluminis correptus
est in mare. Ubi suam efferens no-
bilitatem, omne marinum genus vili-
pendebat. Non tulit hoc phoca, sed ait:
tum fore judicium nobilitatis, si cum
phoca captus portetur ad forum: se emp-
tum iri à nobilibus, illum autem à ple-
be.

Ad fabulatio.


Multi sic capti sunt libidine gloriæ,
ut sese ipsi prædicent, & jactent: sed laus
sui oris non datur homini laudi, ac exci-
pitur cum auditorum risu.

De Pardo, & Vulpecula. 38.

Pardus, cui pictum est etiam tergum
cæteris férīs, etiam Leonibus, des-
pectis intumescebat: accedit ad hunc
Vulpecula suadet non superbire, dicens:
illi quidem speciosam esse pellem, sibi
verò speciosam esse mentem.

Ad-

Discrimen est bonorum, & ordo. Bonæ corporis præstant bonis fortunæ. Utrisque illis animi bona præferantur, oportet.



Æ S O P I
F A B U L A T O R I S
C L A R I S S I M I
A P O L O G I E G R Æ C O L A T I N I
per Remicum facti.

A R G U M E N T U M.

Æ Sopos, Fabulator clarissimus natione quidem Phryx, fortuna verò servus fuit, colore niger, ac facie suprà modum deformis. Is quia beneficus semper in hospites fuit, Dea hospitalis insomnis sibi assistens, largita est loquela, (nam ab initio blatero fuit) sapientiamque, ac variarum Fabularum inventiōnem: quæ porrò Fabulæ non parùm conducunt mortalium vitæ. Nam animalia bruta fingit agere ea, quæ hominum sunt actiones: quas ita ante oculos ponit, quod audientium animos incitet ad virtutem: nec

nec ulli sunt hominum mores , quos in
brutis fingendo ipse non aperiat. Has igitur
fabulas, si quis ritè gustaverit, quam
viam sequi, quamque vitare debeat, in
privatis publicisque facilè comperiet.
Nam in primis fabulam narrat: tūm quid
Fabula significet compendiosius exponit.
Atque ordinem alphabeti in Græco se-
cutus, qui in latino sermone servari non
potest, hinc sumit initium.

De Aquila, & Vulpes. I.



Aquila, & Vulpes conflata inter se
amicitia in proximo habitare cons-
tituunt, firmorem amicitiam ex fre-
quenti conversatione fore putantes. Igi-
tur Aquilam nidum alta super arbore
instituit, Vulpes verò arborem propé in-
ter dumeta catulos collocat: una igitur
in-

dierum cùm Vulpes latibulum eggresa pastum catulis quæreret, Aquila, & ipsa cibi indiga, in latibulum devolans. Vulpis catulos arripuit, ac pullis suis comedestum præbuit, Vulpes reveniens, cognita filiorum morte atroci, valdè tristata est. Cùm Aquilam ulcisci non posset, quia quadrupes existens, volucrem persequi nequibat: quod unum miseris, ac impotentibus datur, Aquilam execratur, ac mala sibi imprecatur: tantum in odium, cùm violatur, vertitur amicitia. Contingit igitur illis diebus ruri capras immolari, cuius frustum unà cum carbonibus accensis Aquila arripiens, sustulit ad nidum. Sed vento vehementius spirante, nids, qui ex fœno ac materia exili, aridaque confectus erat, incenditur. Aquilæ pulli flamam sentientes, cùn volare adhuc nequirent, humi decidunt. Vulpes confestim illos arripiens, in Aquilæ conspectum devorat. *Ad fabulatio.*

Fabula significat, quod, qui amicitiam violent, quamvis quos læserint, ultionem declinent, Dei supplicium non tamen effugiunt. *De Aquila, & Corvo.* 2.

Aquila celsa ex rupe devolans, agnum ex ovium grege arripuit. Quam rem Corvus conspicatus, æmula-

tiq-

tione motus, vehementi cum strepitu, ac stridore devolat in arietem, atque unguis in arietis velut ita implicat, quod indè etiam motu alarum se explicare non potest. Hunc paster cùm ita implicitum videt, accurrens, Cervum comprehendit: atque alarem penitus incisis, pueris suis pro ludibrio dedit. Verum enim cùm quispiam Corvum rogaret, quænam volucris esset. Cervus att: prius equidem, quoad animus, Aquila fui, nunc verò me Corvum esse certò cognosco.

Ad fabulatio.

Fabula significat, quod, qui suprà vires quidquam audet, hoc solum efficit, quod in adversa sæpius incidit, ac se vulgo ridiculum exhibet.

De Aquila, & Scabrone. 3.

Aquila leporem persecubatur. At lepus auxilii inops, quem tempus obtulit, Scabronem videns, ab eo auxilium imploravit. Cui Scabro pollicitus est tutelam, ac custodiam seam. Deinde cùm Aquilam propinquantem Scabro conspicatur, eam præcatur, ne suum sibi eripiat servum. At Aquila Scabronis parvitatem contemnens, eo coram leporum exedit. Verum Scabro suæ injuriæ memor, ubi Aquila nidificaret, observat.

Ec-

Ecce Aquila, quæ ova parit. Scabro alis elatus ad Aquilæ nidum volat, atque ova devolvens humi dejicit. Aquila jacturæ ovorum mœrore concita evolat ad Jovem (est enim ales Deo illi sacrata) ac locum ad pariendum sibi tutum dari præcatur, Jupiter sibi concedit, ut, cùm tempus adest, ejus in sinu pariat ova. Hoc Scabro providens, globum è stercore conficit, atque sursum evolans, in Jovis sinum demisit. Jupiter volens, è sinu globum excutere, ova Aquilæ simùl excussit. Ex tunc ajunt Aquilam nunquām parere, quo tempore Scabrones existunt.

Ad fabulatio.

Fabula significat, quòd nullus porrò est contemnendus, quoniam nemo est, qui injuriam accipiat, quin, cùm tempus datur, se ulcisci non quærat.

De Philomela, & Accipitre. 4.


PHILOMELA, cùm alta quercu sederet, more suo sola canebat. Eam Accipiter, cibum quærans, cum intuetur repente devolat illamque capit. At Philomela cùm se interitum iri videt, Accipitrem precatur, ut se missam faciat, quoniam ad explendum ejus ventrem ipsa satis minima sit: sed pro saturitate sua ad majores aves ut se vertat opus profec-

fectò fore. Eam Accipiter torvè conspiciens ait: stultus equidem nimium essem, si quem manibus teneo cibum , illum dimitterem amplioris spe pastus.

Ad fabulatio.

Fabula significat, quod, qui omittunt id, quod manu tenent rerum majorum spe, consilio inopes , ac ratione nimium sunt.

De Vulpे , & Trago. 5.



Vulpes, & Tragus sitientes in quemdam puteum descenderunt. Verum enim post potum cum egressum conspiceret Tragus , Vulpes ei comiter ait: bono sis animo : nam , quid saluti nostræ opus sit, probè animadverti. Si enim rectus stabis , ac pedibus anterioribus, cornibusve muro adhærebis , cuius ego

sca-

scapulas, cornueque condescendens, cùm
egressa pütēum füero, te manu compre-
hendens, hinc desuper traham. Huic Ca-
per promptè deservivit. Vulpes suo exul-
tans egressu, circà os putei Capro illude-
bat. At dum Caper illam incusat sibi pac-
ta haud servasse, ei facetè Vulpecula in-
quit: si ea, Caper, sapientia præditus es-
ses, quo pilorum ornatu isthæc tua barba
referta est, non priùs in pütēum descen-
disses, quām egressum pensiculatè vi-
disses.

Ad fabulatio.

Fabula significat, quòd homine con-
silio prædicti reruin fines priùs inspi-
ciunt, quām dent operam rebus geren-
dis.

De Vulpes, & Leone. 6.

Vulpes, quæ nunquām viderat Lec-
nem, cùm illi fortè obviasset, adeò
per-

pertimuit, ut mortem penè obiret. Rursum illum cùm aspexisset, pertinuit, sed minimè, ut primùm. Eum tertio cùm intueretur, propè accedens, fuit ausa coram disserere.

Ad fabulatio.

Fabula significat, quòd rerum terribilia usus, & consuetudo domestica facit.

De Cato, & Gallo. 7.

Catus cùm Gallum cœpisset, atque causam quæreret, qua eum comedere posset, illum criminari cœpit, quòd esset animal turbulentum, qui noctu clamitando haud permitteret quiescere mortales. Gallus se excusabat, quòd id ageret ad eorum utilitatem, cùm ad opera facienda illos excitaret. Rursùm Catus ait: impius es, ac suprà modum scelestus, qui agis continuè contra naturam, cùm nec à matre, nec à sororibus te abstineas, sed per incontinentiam cum illis te commisceas. Gallus se item defendebat, quòd domini sui quæstus gratia id quoque ageret: enim verò ex hujusmodi coitu gallinæ pariunt ova. Tunc iquid Catus: excusationibus licet abundes, ego tamen jejunare haud intendo.

Ad fabulatio.

Fabula significat, quòd, qui pravus L exis-

existit natura , cùm semel delinquere animo proposuit , quamvis causæ desit prætextus à pravitate tamen non desistit.

De Vulpes sine cauda. 8.

Vulpes ut é laqueo evaderet abscissa cauda, cùm è pudore vitam sibi mortem putaret; excogitavit itaque alias dolo inducere Vulpes, ut sub communis commodi specie sibi singulæ caudam abscinderent, & sic suum dedecus levaret. Itaque ad unam vulpibus congregatis suadet, ut caudam sibi abscindant, disserens caudam non modò dedecori vulpibus esse, sed oneri gravi atque inepto. E vulpibus una ei facetè respondit: heus soror, si res ista tibi soli conduit, tūm itidem aliis consulere haud est æquum.

Ad fabulatio.

Hæc fabula ad eos spectat , qui sub charitatis specie suum commodum prospiciunt.

De Piscatore, & Smaride Pisciculo. 9.

Piscator quod mari rete tetendit , eo Smarida cœpit pisciculum. Qui parva adhuc ætate Piscatorem orabat , ut dum grandis esset, atque majorem quæstum ex eo assequi posset, eum vita donaret. Huic Piscator lepidè respondit: ego qui-

quidem mente carerem, si quod minimum mihi est lucrum, id dimitterem amplioris spe quæstus.

Ad fabulatio.

Fabula significat, quòd certa pro incertis, quamvis in eis magna insit spes, stultum est dimittere.

De Vulpœ & Rubo. 10.

Vulpes cùm sepem quandam ascenderet, ut periculum vitaret, quod sibi imminere videbat, Rubum manibus comprehendit, atque volam sentibus perforavit: & cùm graviter saucia foret, gemens inquit ad Rubum: ut me juares, cùm ad te confugerim, tu deteriùs me perdidisti. Cui Rubus: errasti, Vulpes, quæ pari dolo me capere putasti, quo cætera capere consuevisti.

Ad fabulatio.

Fabula significat, quòd stultum est implorare auxilium ab illis, quibus à natura datum est obesse potius, quàm aliis prodesse.

De Vulpœ, & Crocodilo. 11.

Vulpes, & Crocodilus de nobilitate contendebant. Cùm Crocodilus multa pro se adduceret, ac supra modum se jactaret de splendore progenitorum suorum. Vulpes ei subridens ait:

heus amice, etsi hoc tu quidem non dixeris, ex tuo cerio clarè apparet, quòd multis ab annis tuorum splendore fuisisti denudatus.

Ad fabulatio.

Fabula significat, quòd homines mendaces res ipsa potissimum refellit.

De Vulpes, & Venatoribus. 12.

Vulpes Venatores effugiens, ac per devia currendo jam defessa, hominem casu reperit lignarium, quem rogat, ut se quoquo loco abscondat. Ille tectorium suum ostendit. Vulpes illud ingrediens, in angulo quodam se abscondit. Adsunt Venatores, lignarium, si Vulpem viderit, rogam: lignarius verbis quidem se vidisse negat: manu vero, ubi Vulpes latebat, locum ostendit: verum enim Venatores re haud percepita, statim abeunt. Vulpes ut illos absesse prospicit, tectorio egrediens, tacite recedit: lignarius Vulpem criminatur, quòd, cum salvam fecerit, nihil sibi gratiarum agat. Tunc Vulpes se convertens illi, facetè ait: heus amice, si manus, opera, gestus, ac mores verbis similes habuisses, meritas tibi persolverem gratias.

Ad fabulatio.

Fabula significat, quòd homo nequam

et-

etsi bona pollicetur, mala tamen, & improba præstat.

De Gallis, & Perdice. 13.



Gallos complures cùm quis domi haberet, quàm emerat Perdicem, illis compascere permisit. Sed cùm Galli illam infestarent, rostrisque percuterent: Perdix ea injuria vehementer perdoluit, pñtans quia advena, nec eo genere esset, eas sibi inferri injurias. Gallos deindè cùm invicem certantes conspiceret; Perdix amota animi perturbatione ait: de cætero equidem haud tristabor, postquàm inter eos odiosa certamina cerno.

Ad fabulatio.

Fabula significat, quòd homines sapient-

pientia prædicti moderato animo ferunt
injurias ab illis vel maximè sibi illatas,
qui nec sibi, nec suis parcere sciunt.

De Vulpे, & Larva. 14.

Vulpes citharœdi domum ingressa,
dum quæ domi parata sunt sag-
citer explotat, Larvæ caput reperit ar-
te industriosa compositum : quod ma-
nibus capiens ait : o quale sine cerebro
caput!

Ad fabulatio.

Fabula significat, non omnes corpore
decori, eandem animo habent pulchri-
tudinem.

De Homine, & Ligneo Deo. 15.

Homo quidam Deum Lignum do-
mi habens , eum oravit , ut boni
quippiam sibi tribueret: sed quanto magis
orabat , eò res domi angustior erat;
demùm ille concitus ira, Deum cruri-
bus capit, & caput parieti percutit. Il-
li exciso igitur capite , multum auri exi-
liit, quod homo colligens, ait: perversus
nimium es, atque perfidus , qui dum in
honore te habui, nihil quidem profuis-
ti , percussus verò ac verberatus , boni
plurimum contulisti.

Ad fabulatio.

Fabula significat, quòd homo nequam,
si

si quandò prodest, id efficit vi coactus.

De Cane ad Cœnam vocato. 16.



VIR quidam cum cœnam o*cuparam* parasset, amicum quemdam domum vocavit: ejus quoque Canis Caneum alterius ad cœnam invitavit. Is domum ingressus, cūm tantum dapium vidi*t*a paratum, lætus secum ipse ait: hodiè porrò ita me explebo, quod die crastino comedere non indigebo. Hisque dictis motu caudæ aplaudit: Coquus verò eu*n* conspiciens, tacitus per caudam capit, atque illum sæpius rotans per fenestram projicit. Ille attonitus humo assurgens, dum clamando aufugit, cœteri canes sibi occur-

tunt, atque rogitant, quām opiparē cœ-
naverit. At ille languens ait: Ita potu,
ac dapibus me explevi, quòd, cùm exi-
verim, viam non vidi.

Ad fabulatio.

Fabula significat: quòd quibus rebus
quis doliturus est, rebus illis lætari non
debet.

De Aquila, & Homine. 17.

AQuilam homo quidam cùm cepis-
set, pennis alarum sibi evulsis, in-
ter gallinas morari dimisit. Eam deinde
quidam mercatus pennis alas denuò mu-
xit. Tùm Aquila volans, Leporem capit,
fertque illum benefactori suo. Quam
rem conspiciens vulpes, Homini ait: No-
li hanc Aquilam, sicuti priùs, hospitio
habere, ne ceu leporem te æquè vene-
tur. Tùm Homo Aquilæ item pennas
evulsit.

Ad fabulatio.

Fabula significat, quòd benefacien-
tes sunt quidem remunerandi, improbi
verò omni studio vitandi.

De Viro Agricola. 18.

Homo quidam agricultor existens,
cùm finem vitæ sibi adesse cog-
nosceret, cuperetque filios in agrorum
cultu fieri peritos, eos vocavit, atque
in-

inquit: filii, ego è vita discedo: bona mea in vinea consita sunt omnia. Illi post patris obitum putantes in vinea thesaurum reperire, assumptis ligonibus, marris, ac bidentibus, vineam funditus effodiunt, nulhumque thesaurum inveniunt. Verùm enim vinea cùm probè effossa foret, longè plùs solito fructus produxit, atque illos divites fecit.

Ad fabulatio.

Fabula significat, quòd labor assiduus thesaurum parit.

De Carbonario, & Lotore. 19.



Carbonarius Lotorem quemdam rogavit, ut, quain pretio conduxerat domum, secum pariter cohabitaret. At Lotor rei aliàs expertus ait: Id conducibile haud mihi est. Nam quæ albifi-

carem, ea omnia carbonum fabillis ipse
maculares. *Ad fabulatio.*

Fabula significat, quod res natura
dissimiles stare simul commodè non
possunt. *De Vulpes esuriente.* 20.

Vulpes ingenti fame concita, cum
quodam in tectorio carnis frustum,
ac panem reposita prospiceret, tecto-
rium ipsum intravit, atque tantum co-
medit, quod ad ingentem tumorem ven-
trem distendit: & cum ex nimia ven-
tris tumefactione inde eggredi nequiret,
tumens gemebat. Ejus gemitum vulpes
alia transiens illac cum audiret, illuc ac-
cedit, rogatque quidnam gemeret: dein
de causam gemitus edocta, lepidè ait:
Istic manendum est, usque eò dum te-
nuis efficiaris, quanta eras cum intras-
ti: nam eo pacto facile eggredieris.

Ad fabulatio.

Fabula significat, quod nihil est tam
durum, quod tempus non dissolvat.

De Piscatore quodam. 21.

Piscator quidam piscandi inexpertus,
tibiis, ac reti assumptis, juxta ma-
ris littus accedit. Atque saxo quodam
superexistens, imprimis tuba canere cœ-
pit, putans cantu se pisces facile esse
capturum. Verum cantu cum nullum
con-

consequeretur effectum, depositis tibiis, retia in mare dimittit, ac pisces cœpit per plures. Sed cum ex reti pisces extraheret, atque eos saltantes perspiceret, non insulsè ait: ò improba animalia, dum ad tibiam cecini, saltare noluisti: nunc quia canere cesso saltus datis assiduos.

Ad fabulatio.

Fabula significat, quòd omnia probè fiunt, quæ fiunt tempore suo.

De Piscatoribus quibusdam. 22.

Piscatores pescatum profecti, diuque piscando defessi, fame prætereà, ac mœrore, quòd nihil cœpissent, confecti, cùm abire decernunt, ecce piscis quidam alium fugiens se insequentem, in naviculam saltat. Illum Piscatores suprà modum læti comprehendunt, ac in urbem reversi grandi pretio vendunt.

Ad fabulatio.

Fabula significat, quòd frequentius fortuna id exhibet, quod ars efficere non potest.

De Viro Inope, & Infirmo. 23.

Homo quidam pauper cùm ægrotaret, Diis vovit, quòd, si eo morbo liberaretur, boves centum immolaret. Quod Dii experiri volentes, sanitatem illi facile reddunt. Liber igitur à

m orbo, cum boves, quia pauper , non haberet, ossa bou m centum colligit, ea- que super altare deponens : lepidè in- quiens: ecce, quod vovi , votum vobis nunc persolvo. At Dii illum ulcisci vo- lentes in somnis sibi assistunt, atque in- quiunt: ad maris littus pergit , ibi enim in loco semoto auri talenta centum reper- ries. Ille ex parte factus, somni memor, dum pergit ad littus, incidit in latrones. Captus itaque, eos rogabat , ut se mis- sum facerent, quoniam mille talenta au- ri persolveret eis.

Ad fabulatio.

Fabula significat, quod homo mendax Deos & homines pariter contemnit.

De Vulpes, & Pardo. 24.

Vulpes cum Parde de pulchritudine contendebat. Cum varias corporis notas Pardus sibi duceret decori, Vul- pes ei comiter ait: ego quidem longè for- mosior sum judicanda, quæ non corpus, sed animum variis notis habeo notatum.

Ad fabulatio.

Fabula significat , quod decor men- tis est potior omni corporis ornatu.

De Piscatoribus quibusdam. 25.

Piscatores quidam è mari rete trahe- bant. Quod cùm grave esse senti- rent,

rent, lætitia gestiunt putantes multos pisces habere irretitos, sed, ut rete in terram traxerunt, pisces quidem paucos, saxum verò ingens reti inesse cum perspiciunt, longè tristantur. Quidam ex illis natu jam grandis, non inurbanè sociis inquit: animis estote quietis, quippe lætitiae soror est mœstitia: oportet enim casus prospicere futuros, illosque, ut levius quis ferat, persuadere sibi esse eventuros. *Ad fabulatio.*

Fabula significat, quod, qui reminiscitur sortis humanæ, in adversis minimè frangitur.

De Ranis Regem petentibus. 26.



Ranæ mœrentes quod sine rege forent, Jovi supplicatum oratores mittunt, ut regem sibi dederat. Jupiter ea-

earum simplicitatem cognoscens lignum in stagni medium demisit. Quod cum in stagnum cecidit, ejus sonus supra modum terruit Ranas. Quæ cum lignum esse noverunt, rursum Jovi supplicatum mittunt, ut regem vivum, haud mortuum sibi dederat. Jupiter stultis earum precibus motus, hydram illis dedit in regem. Is in diem cum Ranas devoraret, tertio Jovem Ranæ precantur, ut regem sævum, atque immanem ab eis amoveret. Tunc inquit Jupiter: quem tot precibus regem exorasti, eum vobis perpetuum habetote. *Ad fabulatio.*

Fabula significat, quod sæpè ea precamur, quæ impetrasse nos posteà pænitent

De Cata in fœminam mutata. 27.

CATÆ cujusdam speciosæ quidam adolescens amore captus, Venerem oravit, ut eam in hominem mutaret. Venus illius miserta in formam hominis mutavit eam. Quæ cum longè speciosa esset, amatorem domum subito adduxit. Sed cum in cubiculo simùl sederent: Venus experiri cupiens, si, mutata facie, mutasset & mores, in medium constituit murem: quem cum illa prospexit, oblita formæ, & amoris sui, murem,

ut

ut caperet, persecuta est. Qua super re
Venus indignata, denuò eam in prio-
rem Catae formam mutavit.

Ad fabulatio.

Fabula significat, quòd homo nequam,
licet personam mutet, mores tamen re-
tinet eosdem.

De Sene Mortem vocante. 28.

Senex quidam lignorum fascem su-
per humeros ex nemore portans,
cum longa via defessus esset, fasce hu-
mi deposito Mortem vocavit. Ecce
Mors advenit, causamque, quamobrem
se vocaverit, interrogavit. Tunc senex:
ut hunc lignorum fascem super hume-
ros mihi inponeres, ait.

Ad fabulatio.

Fabula significat, quòd, quisquis vi-
tae

tæ cupidior est , licet mille subjiciatur
periculis , Mortem tamen semper de-
vitat.

De Muliere , & Medico. 29.



Mulier anus , cùm ophthalmiam pa-
teretur , Medicum ad se curan-
dum accersit , certum pretium illi dare
promittens , si eo morbo curaretur : si ve-
rò non liberaretur , nihil ei debere pac-
ta est . Medicus verò quotiès illam ibat
curatum , toties quidpiam è domo clām
exportabat . Mulier igitur , ophthalmia
curata , cùm nihil suarum rerum domi
esse prospiceret , Medico mercedem
pactam petenti solvere denegat . Qua-
mobrem vocata in judicium , pactum
quidem non denegat , sed se curatam op-
thal-

thalmia esse, id verò pernegat, inquiens: cùm cæca eram, domum multa supellectile refertam videbam: nunc cùm video (ut Medicus ait) nihil rerum domi esse prospicio. *Ad fabulatio.*

Fabula significat, quòd homines avaritiæ dediti, sibimet sæpiùs contradicunt.

De Agricola, & Canibus. 30.

Agricola quidam magnitudine hyemis in suburbanis se locavit; cùm alimonia sibi deficeret, capris, & ovi-bus primùm vesci cœpit: cùm verò in diem magis sæviret hyems, bobus quoque nec pepercit. Quod facinus, cùm animadvertunt Canes, invicem verba faciunt: quid hīc stamus, inquiunt, cur mortem nobis incumbentem non fugimus? Putamus ne eum nos-parcere vitæ, qui alimoniae gratia boves jugulavit?

Ad fabulatio.

Fabula significat, quòd eos fugere debemus, qui in charissimos crudeliter se gerant.

De Agricola, & Filiis. 31.

Agricola quidam complures habuit filios continua seditione discordes, ac ejus admonitionis perpetuò negligentes. Cùm fortè unà domi omnes sedarent,

rent, jussit pater virgarum fascem coram deportari, atque natos cœpit hortari, ut integrum fascem disrumperent. Cum igitur fascem cum totis viribus frangere non possent, genitor præcepit, ut soluto fasce singulatim frangerent virgas. Cum quisque facilè hoc perficeret, tunt facto silentio, pater ait eis: Si quandò animis idem sentietis, nati mihi charissimi, nec ab inimicis superari poteritis. Sed si inter vos seditiones servabitis, qui volet, is facilè vos perdet.

Ad fabulatio.

Fabula significat, quod fortior est unio, quam seditio, quæ est imbecillis.

De Muliere, & Gallina. 32.



VIdua quædam Mulier Gallinam habuit, quæ die quolibet pariebat ovum.

ovum. Putavit Mulier, more ingenii humani, quod sitis habendi semper sollicitat, Gallinam illam die bis paritoram, si plus speltæ traderet ei solito. At Gallina pluri alimonia pinguior facta, id unum desiit parere ovum. Sic Mulier ex quo majus lucrum quæreratbat, id cæca augendi cupiditate amisit.

Ad fabulatio.

Fabula significat, quod plurima cupiditate rerum, præsens quandoquè deperditur quæstus.

De Homine à Cane morso. 33.

Homo quidam cum eum Canis mordisset, summo cum studio sciscitabatur, à quo sanari posset. Quidam sibi obviam factus, atque de medico rogatus ait: Si vis, amice, fieri sanus, non est tibi opus medico. Nam si canis, qui te momordit, à vulnere lingua sanguinem terget; ista cura nihil potius reperiri potest. Alter arridens venustissimè inquit: si hujusmodi utor remedio, in diem magis ac magis à canibus mordebor.

Ad fabulatio.

Fabula significat, quod ab hominibus nequam incommoda pro commodis, & mala pro beneficiis retribui solent.

De

De duobus Amicis, & Urso. 34.

AMICI DUO DUM RUS VIARENT, Ursa eis, obviam occurrit. Qua prospeta, alter eorum territus, ut se salvaret, continuò arborem ascendit. Alter cùm Ursæ viribus posse obsistere dubitaret, uti mortuus humi jacuit resupinus, retinens flatum, atque anhelitum. Cùm nec ore, aut naso respiraret, Ursa eum exanimatum existimans, abiit. (Dicunt enim à cadavere Ursas omnino abstinere.) Alter deinde ex arbore descendens, quid in aurem sibi dixerit Ursa, socium rogavit: ille urbano sermone respondit: admonitus sum ab Ursa, ut cum hujusmodi amicis non proficiscar amplius.

Ad fabulatio.

Fabula significat, quod eorum amicitia colenda non est, qui, cùm est opus, amicis subsidia denegant.

De Adolescentibus duobus, & Coquo. 35.

ADOLESCENTULI DUO ÆQUIS SUMPTIBUS carnes coemerunt, & curatum Coquo tradiderunt. Obiter Coquus dum aliis vacat negotiis, alter juvenum carnes eas clanculum accepit, ac socio tradidit. Coquo de inde carnes quæranti, qui acceperat, se hand habere jurat: qui verò habebat, se non accepisse ju-

rabat. Coquus percepto juvenum do-
lo, ait: etsi fallor equidem à vobis, per
quem verò jurastis, res ista non late-
bit Deum.

Ad fabulatio.

Fabula significat, nullum scelus pos-
se latere Deum.

De duobus Inimicis. 36.

DUO quidam gladiatorio animo in-
ter se inimicitias habentes, unà
navigabant. Et cùm alter eodem in lo-
co stare cum altero non pateretur, unus
in puppi, alter in prora consedit. Orta
autem tempestate cùm navis periclitata-
retur: qui in prora sedebat, rogat navis
gubernatorem, quæ pars navis submer-
gi priùs deberet. Et cùm gubernator
puppim dixisset; ait ille: mors mihi mo-
dò molesta minime est, si inimicum
meum priùs mori perspicio.

Ad fabulatio.

Fabula significat, quod inimicus, ut
inimicum perdat, se ipsum perdere sæ-
piùs eligit.

De Calamo, & Oliva. 37.

QUænam esset fortior, durior, &
magis resistens: Canna, & Oliva
in vicem contendebant. Oliva Calamo
humilitatem objiciebat, eo quod ven-
tis

tis facilè cederet. Huic dicto unum Arundo haud reddidit verbum. Pa-
lo pòst turbine vehementi aspirans ven-
tus, radicitùs evulsit Olivam, totis vi-
ribus sibi obſistentem. At Canna flatibus
se inclinans, salutem facilè est assecuta.

Ad fabulatio.

Fabula significat, quòd potentibus
ſine controversia mos est in tempore
gerendus.

De Vitula, & Bove. 38.

VItula cùm Bovem arantem perspi-
ceret, illud præ se, quæ nihil age-
bat, contempsit. Sed cùm immolationis
affuit dies, Bos quidem missus; Vitula
verò, ut immolaretur, retenta est. Quam
rem Bos cum conspicatur subridens ait:
heus Vitula, ideo non laborabas, ut
immolareris? *Ad fabulatio.*

Fabula significat, quòd otiosis & nihil
agentibus pericula quoque imminent.

De Puer, & Fortuna. 39.


CUM Puer quidam juxta puteum
dormiret, Fortuna illuc accedens
illum excitavit, inquiens: surge, & hinc
oc yus abi: quipe in puteum si caderes,
non tuam inscitiam, sed me Fortunam
omnes accusarent.

Ad-

Ad fabulatio.

Fabula significat , cuòd frequenter pericula culpa nostra incurrimus, deinde abs re Fortunam accusamus.

De Muribus , & Cato. 40.



Domo quapiam quòd perplures fōrent Mures , Catus præsentiens, illuc accessit: atque nunc unum , nunc alium capiens , complures interimendo comedit. Verūm Mures cùm se in diem consumi perceperunt, ad unum coacti, inquiunt secum: de ceterò inferiùs non est descendendum , si nolumus perditum iri omnes; sed hic superius manendum, quò Catus ascendere non potest. At Catus consilio murium percepto simulans se mortuum esse, posterioribus

pe-

pedibus se ad palum suspendit, qui fixus parieti erat. E muribus quispiam deorsum acutè prospiciens, ut Catum esse cognovit, haud infacetè ait: heus amice, & si te follem esse certò scirem, deorsum minimè descenderem.

Ad fabulatio.

Fabula significat, quòd vir prudens, semel si fallitur, fictis & simulatis hominibus non amplius fudit.

De Simia, & Vulp. 41.

A PUD Brutorum animalium concilium Simia ita appositiè saltavit, quòd omnium ferè consensu rex statim fuit creatus. At Vulpes invidens ei, ubi viderat carnes laqueo in fovea sitiæ, illuc Simiam ut duxit, inquit ad eam: hic thesaurus absconditus est, qui ex lege spectat ad reges. Quarè cùm tuus ex lege sit, tute ipse capias illum. Simia Vulpis suasu, illuc temerè accedens, ut se captam laqueo sensit, Vulpem acriter accusat, quæ dolosè desperat: et Vulpes haud illepidè ait: heu stulta, quæ, cùm fortuna te extulisset, dominari cæteris jam te putabas dignam?

Ad fabulatio.

Fabula significat, quòd qui temerè quip-

quidpiam aggreditur, temerè in adver-
sa incidit, ac vulgò ridiculus fit,

De Cervo, & Leone. 42.

Cervus vehementi siti cùm vexare-
tur, ad fontem proficiscitur: dum-
que potat, suam in aqua prospiciens
umbram, valdè lætatus est magnitudi-
ne cornuum, ac ramositate: deinde pe-
des & crura prospiciens, nimium tris-
tatus est. Hæc dum animo vertit, ec-
ce Leo apparet, ac Cervum persequi-
tur. At Cervus fugam arripiens, Leo-
nem per campos longè anteibat. (Di-
cunt enim Cervorum vires consistere
in pedibus, ac Leonis in animo stare
robur.) Quousque igitur Leo per cam-
pos secutus Cervum eum assequi non
potuit. Casu verò contigit Cervum ne-
misis intrare, ubi cornibus ad ramos im-
plicitis, cùm fugere non posset, à Leo-
ne captus, cùm se moritum videret:
heu me miserum! inquit, qui cor-
nibus gavisus, ipsis cornibus pereo.

Ad fabulatio.

Fabula significat, quod, quæ puta-
mus nobis profutura, ea nobis sæpiùs
obsunt.



Agricola laqueos in agro tetendit, ut
Grues, & Anseres venaretur, qui
sata continuè depascebant: at simul
cum illis venatus est Pelargum: qui pe-
dentim rogat Agricolam, ut eum solvat,
missumque faciat, cùm non sit grus,
nec specie anser, sed Pelargus avium
piissimus, qui parentibus semper deser-
vit, nec illos in senecta deserit unquam.
Agricola subridens ei ait: quæ dicis,
haud me fugiunt, nam qui sis, probè
teneo: sed his simul captus cum sis, his
quoquè simul est moriendum.

Ad fabulatio.

Fabula significat, quòd, qui cum
improbis quopiam deprehenditur cri-
mine, pari poena plectitur cum illis.

De

De Agno, & Lupo. 44.

Agnus in domo benè clausa existens, cùm Lupum ad se venientem perspicit illum conviciis, & maledictis persequitur. At Lupus inquit ei: non tu, sed locus inaccessibilis mihi convicia dicit. *Ad fabulatio.*

Fabula significat, quòd locus & tempus faciunt timidos persæpè audaces.

De Jove, & Corvo. 45.

JUpiter volatilibus regem creare volunt, diem concilii avibus indixit, ut qui speciosior esset, rex sibi constitueretur. Quam rem præsentiens Corvus, ac suæ deformitatis conscius, pennis aliorum hinc indè collectis, se decoravit, ac speciosissimum omnium se reddidit. Adest dies præfinitus, veniunt ad concilium aves: Jupiter Corvum ob pulchritudinem cùm Regem avibus creare vellet: id aves indignè ferentes, quæque suas à Corvo extrahunt pennas. At Corvus alienis pennis cùm esset exutus, Corvus, ut erat, demùm remansit. *Ad fabulatio.*

Fabula significat, quòd qui rebus pendet alienis, illis amissis quisnam ipse sit, cuique liquidò patet.

De Tubicine quodam. 46.

TUbicen quidam tubæ sonitu pugnatum ciebat exercitum. Ab hostibus deinde per insidias captus , miseranda voce clamabat: ne abs re, ac frustrà occidere me velitis : ego quidem non pugno,nec præter tubam quidpiam aliud possideo. Qui eum vinctum ducebant, hujusmodi verba contrà reddiderunt: hanc ob rem morte dignior es judicandus , quòd cum hostibus manum conferre devitans , alios sonitu ad pugnam hortaris.

Ad fabulatio.

Fabula significat quòd graviori pœna sunt judicandi , qui cum ipsi injuriam non agant, alios ad injuriam agendam impellunt.

De

De Fabro, & Cane. 47.



FAber quidam catulum habebat, qui dum ipse ferrum cuderet, continuè dormiebat. Cum verò manducabat, Canis statim surgebat, & quæ sub mensa erant dejecta, ceu ossa, & alia hujusmodi, sine mora corroderebat. Quam rem animadvertisens Faber, ait ad Canem: Heu miser! quid faciam, nescio, qui dum ferrum cudo, continuè dormis, & segnitia teneris: rursus cum dentes moveo, statim surgis, & cauda mihi applaudis.

Ad fabulatio.

Fabula significat, quod socordes, & somnolenti, qui ex aliorum vivunt laboribus, gravi censura sunt coercendi.

De Mula quadam. 48.

Mula quædam nimio hordeo pinguis effecta, nimia pinguedine lasciviebat, secum inquiens: Pater mihi equus fuit, qui cursu celerrimus erat, & ego ei per omnia sum similis: parum post contigit, quod oportuit Mulum quantum potuit currere: sed cum cursu cessavit. Heu me miseram! inquit, quæ equi filiam me esse putabam: at nunc memini asinum mihi patrem fuisse.

Ad fabulatio.

Fabula significat, quod stulti in prosperis seipso dediscunt, sed in adversis suos persæpe recognoscunt errores.

De Thynno, & Delphino. 49.

Thynnus, cum eum Delphinus persequeretur, magno elatus impetu, ac stridore, à vehementi fluctu in insulam defertur: eundemque in scopulum à fluctu eodem Delphinus, dum se putat capere Thynnum, ipse quoque defertur, Thynnus conversus cum Delphinum expirantem animam perspicit, secum ipse ait: mors mihi molesta admodum non est, ex quo mortis authorem mori simul mecum perspicio.

Ad-

Adfabulatio.

Fabula significat, quod quivis adversa levius fert, cum adversitatum authores eadem adversitate opprimi perspicit.

De Medico, & Ægroto. 50.



Medicus quidam, cum curaret ægrotum, eumque mori contigisset, efferentibus funus ajebat: vir iste, si se vino abstinuisset, & clysteriis usus fuisset, eum mori non contigisset. Ex his, qui aderant, quispiam Medico haud infacetè ait: heus Medice ista consilia cum prodesse quibant, dicenda fuerunt, non nunc, cum nihil valeant prodesse.

Adfabulatio.

Fabula significat, quod, ubi haud

prodest consilium, id eo tempore dare
est sané amicum deludere.

De Aucupe. 51.

AUceps, aucupatum calamis, visco-
que tetendit, & cùm turdum ca-
nere arboris desuper rámum aspexit, ut
eum caperet, calamos erexit. At inter
ambulandum pede altero viperam cal-
cavit, morsusque ab ea, cùm jamjam
ob venenum se deficere persensit: heu
me miserum! ingemuit, qui dum alium
capere festino, alter ad mortem me est
aucupatus,

Adfabulatio.

Fabula significat, quòd quæ contra
alios facere nitimur, ea persæpè ab alio
ipsi patimur.

De Castore. 52.

CAstor est animal quadrupes, qui
in paludibus se nutrit: ejus testes
variis medelis utiles esse dicuntur. Ita-
que cùm quispiam eum sequitur, suæ
persecutionis causam non ignorans, ac
pedum velocitati fidens, quantum po-
test, fugit, usquequò ad locum, ne vi-
deatur, salvus deveniat, atque ibi tes-
tes excidens, in venatores, cùm sibi ap-
propinquant, projicit. Et isto pacto à ve-
natoribus se eripit.

Ad-

Ad fabulatio.

Fabula significat, quod sapiens, ut a periculis se eripiat, nihil intentatum deserit.

De Puer Oves pascente. 53.

PUer quidam cum Oves eminentiori in loco deasperet, saepius clamabat: heus o, a Lupis mihi succurrите. Qui circum aderant cultores agrorum, cultum omissentes, ac illi occurrentes, atque nihil esse comperientes, ad opera sua redeunt. Cum pluriē puer id joci causa fecisset, ecce cum lupus pro certo adesset; Puer, ut sibi succurratur, serio clamat. Agricolæ id verum non esse putantes, cum minimè occurrerent, Lupus Oves facile perdidit.

Ad fabulatio.

Fabula significat, quod qui cognoscitur mentiri, ei veritas postea non creditur.



Corvus cùm carnium frustum rapuis-
set, arborem quandam supersedit.
Vulpes eum suspiciens, atque carnes si-
bi cupiens, illum arte aggreditur. Stans
igitur sub arbore, Corvum laudare oc-
cipit, ajens : ò quam magna avis est
hæc , quàm speciosa , quàm venatrix,
quam formosa! Hanc decuit esse avium
regem. Nam omnia regia super alias si-
bi sunt aves, modò vocem haberet. His
laudibus Corvus inflatus, & dici mutus,
haud valens pati ulteriùs , dum mag-
na voce crocitat, carnes humili decidunt.
Illas cùm Vulpes rapuisse, conversa
inquit ad Corvum: heus Corve, omnia
decora tenes, modò mente haud careres.

Ad-

Fabula significat, quod qui adulato-
ribus nimium credunt, hi, quæ non pu-
tant, in adversa sæpius incidunt.

De Cane, & Lupo. 55.



CANIS cum ante aulam dormiret, LU-
PUS superveniens, eum statim cœ-
pit, & cùm ipsum occidere vellet, ca-
nis, ne eum occideret, rogavit, in-
quiens: here mi Lupe, nunc me occi-
dere noll: nam, ut vides, tenuis sum,
gracilis, & macilentus. Sed herus meus
nuptias in proximo facturus est, ubi si
parum me expectas, ego opiparè man-
ducans, atque pinguior factus, ero ti-
bi utilior. LUPUS his verbis fidem ha-
bens, CANEM dimisit. Paucos post dies
LUPUS accedens, eum CANEM dormien-

tem domi reperit. Stans ante aulam Canem rogat, ut sibi promissa præstet. Ei Canis haud rusticè inquit: heus Lupo, si ante aulam de cæterò me repperis, haud amplius nuptias expectes.

Ad fabulatio.

Fabula significat, quod sapiens, cum periculum vitat, ab illo posteà continuè cavet.

De Corvo ægrotante. 56.

Corvus cum ægrotaret matrem rogavit, ut sua pro sanitate Deos precaretur, inquiens: mater, noli plorare: sed Deos potius precare, ut sanitatem mihi restituant. Et mater scitè respondit: quem Deorum tibi fore propicium putas; cum nullus sit, è cuius arce sacra non rapueris?

Ad fabulatio.

Fabula significat, quod qui in prosperitate quemvis offendit, in adversis amicum sibi reperit neminem.

De Cane Carnes portante. 57.

Canis ore ferens carnes, ac flumen transiens, cum sub aqua umbram prospexit, putavit alium esse canem, qui plus carnium ferebat. Itaque quas ipse ferebat, eas carnes sub aquas ire dimisit, & ut umbram caperet, se movit: sed

sed carnes, & umbram, quæ sanè nihil erant, simul perdidit.

Ad fabulatio.

Fabula significat, quod cupiditate plus semper habendi, quæ tenemus, ea sæpenumero perdimus.

De Leone, & Rana. 58.

LEOcum Ranam magniloquacem audit, putans aliquod magnum animal esse, se retro vertit: parumque stans, Ranam è stagno exeuntem videt. Quam indignabundus statim pedibus calcavit: dicens, nullum amplius, ut te percipiat, animal clamore movebis.

Ad fabulatio.

Fabula significat, quod apud verbos præter linguam nihil reperitur.

De Leone sene. 59.

LEO, cum senuisset, nec victum siibi querere posset, viam machinatus est, qua alimenta haud sibi desint. Ingressus igitur speluncam graviter ægrotare jacens simulabat. Animalia illum verè ægrotare putantia, visitandi gratia ad eum accedebant: quæ Leo capiens singulatim, manducabat. Cum multa animalia jam occidisset, Vulpes Leonis cognita arte, aditum speluncæ accedens, Leonem, quo valeat pacto,

ex-

exteriorū stans rogat. Ei Leo blandè respondens, ait: *vulpes filia*, cur non introgrederis ad me? Et *Vulpes* non illepidē ait: quoniam, here mi, animalium ingredientium perplura equidem vestigia cerno, sed egredientium vestigia nulla.

Ad fabulatio.

Fabula significat, quod homo prudens, quia pericula imminentia providet, illa facile devitat.

De Leone, & Tauro. 60.

LEO ingentem Taurum per insidias sequens, cum propè accessit eum vocavit ad cœnam, inquiens: amice, ovem occidi: hodiè tecum, si placet, cœnabis. *Taurus* Léoni morem gerens, ut discubuerunt, cum multos lebetes, nec non magnos, & plures obeliscos paratos conspiceret, & ovem ibi nullam adesse, è vestigio abiit. Quem Leo abeuntem perspiciens, cur abiret, rogavit. Et *Taurus* haud inurbanè respondit: non de nihilo equidem abeo, cum instrumenta non ad ovem, sed ad *Taurum* coquendum videam esse parata.

Ad fabulatio.

Fabula significat, quod homines pruden-

dentes minimè latent im proborum artes.

De Leone, Asino, & Vulpes, 61.

LEO, Asinus, & Vulpes conflata inter se societate venatum exeunt. Cùmque multam prædam cœpissent, Leo Asino mandat, ut prædam dividat. Asinus cùm eam in tres partes æquales esset partitus, optionem capiendi sociis dedit. Quam partitionem Leo indignè ferens, ac dentibus frendens, à divisione depositus eum, mandavitque Vulpi, ut prædam ipsa partiretur. At Vulpes illas tres partes in unum colligens, ac prædæ nihil sibi seorsùm relinquens, Leoni omnia tradidit. Tunc Leo Vulpi ait : quis te partiri edocuit ? Inquit ex tempore Vulpes: Asini periculum id me facere instruxit.

Ad fabulatio.

Fabula significat, quòd aliorum pericula homines faciunt cautiores.

De Leone cujusdam rustici filiam amante. 62.

LEO cujusdam rustici filiam amabat. Illam cùm habere cuperet, patrem virginis rogavit, ut sibi nubere ipsam assentiret. Et rusticus ait, nullo pacto se assensurum, quòd filia bestiæ nubat. Cum illuīn Leo torvè aspiceret, ac den-

ti-

tibus frenderet, rusticus mutato consilio ait, sc. cupere ei filiam nubere, modó dentes, & ungulas priùs cedat, evelatque, quoniam virgo illis rebus longè terretur. Leo id postquam præ nimio amore fecit, rusticum adiens, filiam sibi dari postulat. At rusticus Leonem cùm unguis, & dentibus perspicit inerem, arrepto fuste illum frequens pulsando persequitur.

Ad fabulatio.

Fabula significat, quod qui inimicis se committit, de facili perit.

De Leæna, & Vulp. 63.



LEÆNA CÙM à VULPE SÆPIÙS EXPROBRARETUR, quod quolibet partu unum dumtaxat pareret catulum, ait: unum sanè, at verò leonem.

Ad-

Ad fabulatio.

Fabula significat, quod pulchritudo haud in copia rerum, sed in virtute consistit.

De Lupo, & Grue. 64.

Lupus in gutture osse retento cum longè cruciaretur, Grui pretium obtulit, si illud è gutture extraheret. Grus, rostro cum os è gutture extraxit, pretium sibi promissum ex postulat. Ei Lupus subridens, simulque dentes acuens, ait: satis pretii tibi esse debet, quod ex Lupi ore caput sine læsione eduxeris.

Ad fabulatio.

Fabula significat, quod apud improbos gratitudo non parva habetur, si pro obsequio quis detrimentum non recipit.

De Lupo, & Agno. 65.

Lupus cum Agnum invenisset errantem, eum non cœpit fortissima manu, sed causam quæsivit, quo jure, vel injuria eum comedederet. Igitur Agno verba hujusmodi fecit: tu mihi abunde jamdiu injurias intulisti. Agnus gemendo ait: quomodo id fieri potuit, cum nuperrimè venerim ad lucem? Lupus denuò ait: agrum mihi pascendo devastasti. Agnus inquit ei: cum dentibus etiam

etiam caream, id facere nequivi. Lupa
rursum ait: ex meo quoque fonte bibis-
ti. Ei inquit Agnus: quo pacto id fieri
potuit, cum aquam ex ætate nondum
biberim, sed lac matris cibus, & potus
adhuc mihi sit? Lupa demum ira con-
citus ait: licet tua solvere nequeam ar-
gumenta: cœnare tamen opipare inten-
do. Agnumque cœpit, ac illum man-
ducavit.

Ad fabulatio.

Fabula significat, quod apud impro-
bos ratio, & veritas locum haud habent.

De duobus Gallis inter se certantibus. 66.



DUO Galli inter se ruri certabant.
Gallinarum prior dux erat. Cum
ab altero superatus esset, præ verecun-
dia

dia se abscondit. Alter verò victoria elatus , domus tectum statim supervolans, vehementi alarum plausu, cantuque significat , se rivalem suum pugnando superasse, & de adversario ferre trophæum. Dum hæc , & hujusmodi jactabundus voce crocitat, ecce Aquila cibi indiga ex alto devolans , Gallum unguibus capit, ac pullis suis in alimoniam contulit. Quam rem , qui victus fuerat, Gallus prospiciens, ceu ex hoste triumphans , in publicum venit , ac solus Gallinis liberè potitur.

Ad fabulatio.

Fabula significat, quod qui prosperis nimium fudit , in adversa sæpius præcepit incidit.

De Vate quodam , 67.

FOro urbis medio quidam vates cui vis sortem aperiebat futuram. Quamobrem magna hominum frequen-
tia stipatus, dum uni, & alteri suam ape-
rit sortem, ei nuntiatur res suas furtim
domo esse ablatas. Quo audito, domum
curriculò dum abit, quidam ei obviam
factus, ridiculè ait: cur alias, quid esset
futurum monebas , qui tuæ sortis nes-
cius fuisti?

Ad-

Adfabulatio.

Fabla significat, quòd homines nequam corrigunt alios, & sua crimina scire negligunt.

De Formica, & Columba. 68.

Formica sitiens in fontem descendit: ubi dum bibere vult, in aquam cecidit. Columba, quædam arborem fonti imminentem supersedens, cum formicam aquis obrui consiperet, ramulum ex arbore rostro continuo frangit, ac sine mora dejicit in fontem: ad quem Formica applicans, ex aquis in tutum se recipit. Obiter auceps quidam advenit, & ut Columbam venetur, calamos erigit. Formica id percipiens, pedem alterum momordit aucupi. Eo dolore auceps concitus, calamos demittit. Quorum strepitu Columba territa, ex arbore aufugiens, vitiæ periculum evasit.

Adfabulatio.

Fabula significat, quod, cum bruta in

in beneficos grata sint , eò magis esse debent, qui participes sunt rationis.

De Vitulo , & Cerva. 69.

VItulus Cervæ aliquandò ait : cùm magnitudine sis major canibus, & pedum celeritate cursu velocior, & ad pugnam longè cornibus munitior, cuius rei gratia, mater, tantoperè canes reformidas? Ei Cerva inquit subridens: quoniam , fili, licet quæ dicis, omnia possideam, canum latrantum ferro non possum , sed præ timore fugam statim arripiō.

Ad fabulatio.

Fabula significat , quòd , qui natura timidi sunt, apud eos, ut audeant, nulla valet hortatio.

De Ape , & Jove. 70.

APES, quæ ceræ mater existit, quondam accedens, ut Diis sacra faceret , Jovi donum obtulit mellis. Qua oblatione Jupiter lætus , jussit illi concedi , quicquid ipsa precaretur. Apes igit-

igitur , rogans , ait: illustrissime Deus Deorum, ancillæ tuæ concedere vellis, ut , quicumque ad alveare pro rapiendo melle accesserit, is simulac pupugerò eum, continuò meriatur. Qua rogatione Jupiter diù ambiguus , quoniam genus mortalium longè amabat, demūn Api ait : satis sit tibi , quod quicumque alveare pro capiendo melle accesserit, si eum pupugeris , & in pūntura stimulum dimisseris, continuò ipsa moriaris, tibique vita sit ipse stimulus.

Ad fabulatio.

Fabula significat, quòd inimicis quandoquè mala precamur, quæ in nos sæpius vertuntur.

De Musca. 71.

Musca, quæ in ollam carnium deciderat, cùm se in brodio suffocari sensit , secum ipsa ait : ecce tantum bibi, tantum comedì, tantum me lavi, quòd jure satura mori possim.

Ad-

Ad fabulatio.

Fabula significat, quòd prudentis est id potenti animo ferre, quod vitari minimè potest.

De Adolescentे quodam, & Hirundine. 72.

ADolescens luxuriosus cùm bona patris consumpsisset : solaque vestis ei remansisset, visa ante tempus hirundine , æstate in jam adesse existimans, ipsam quoque vendidit vestein. Sed hyeme denuò orta , cùm immenso cruciaretur frigore, visa rursùm Hirundine, quæ & ipsa frigore obibat, ait: ò pessima avis, quæ me , & te pariter perdidisti.

Ad fabulatio.

Fabula significat, quòd, quæ suo tempore non fiunt , ea diù stare nequeunt.

De



Ager à Medico rogatus, quo pacto se habuisset, plusquam esset opus se sudasse, respondit. Id bonum fuisse Medicus ait. Secundò rogatus ab eodem quomodò se haberet, inquit ægrotus, vehementi frigore fuisse comprehendens. Id ad salutem fore Medicus quoque ait: tertio ab eodem rogatus, quo pacto se habuisset, inquit ægrotus cum difficultate digerere potuisse. Rursùm Medicus ait, id ad salutem optimum fuisse. Deinde ex domesticis cum quidam ægrotum interrogaret, quomodò valeret, illi æger ait: signa ad salutem (ut Medicus ait) perplura & optima sunt: illis tamen dispereo signis.

Ad-

Ad fabulatio.

Fabula significat, quòd, qui ad voluptatem loquuntur, illis aures præstare quis non debet.

De Lignatore quodam. 74.



Lignator quidam dum juxtà flumen, Deo Mercurio dicatum, ligna cæderet, securis casu decidit in flumen. Multo igitur mœrore comprehensus, juxtà fluminis ripam gemens considerat. Mercurius misericordia motus lignario apparuit, suique fletus causam rogavit: quam simùl ac didicit, securim auream deferens, utrùm, quam perdidérat, illa esset, rogavit. At eam pauper suam esse negavit. Secundò Mercurius alteram detulit argenteam. Quam

N

cum

cum pauper ille suam quoque esse de-
negaret; postremò Mercurius ferream
sustulit. Illam suam esse cùm pauper
assentiret. Mercurius cognoscens illum
esse hominem verum, justumque, om-
nes illi dono dedit. Accedens igitur, ad
socios lignarius, quod sibi acciderat,
aperit. Unus ex sociis id experiri vo-
lens, cùm ad flumen accessisset, secu-
rim in aquam dejecit: deinde flens in ri-
pa consedit. Cujus Mercurius fletus
causam edoctus, securim auream affe-
rens, si quam perdiderat, illa esset, ro-
gavit. Quàm cùm suam esse assereret,
Mercurius cognita ejus impudentia ac
mendacio, nec auream, nec suam quo-
que tradidit.

Ad fabulatio.

Fabula significat, quòd quantò Deus
propitior est probis, eò improbis exis-
tit infestior.

De Asino, & Jove. 75.



ASINUS OLITORI CUIDAM SERVIENS, CUM
PARUM COMEDERET, & MULTUM LA-
BORARET, JOVEM EXORAVIT, UT ALIUM DO-
MINUM SIBI MUTARET. ITAQUE JUPITER
MANDAT, UT FIGULO VENEAT: APUD QUEM.
ASINUS CUM LABORARET IN DEPORTANDO
LUTUM, LATERES, TEGULAS, & HUJUSMODI,
SECUNDÒ JOVEM PRECATUR, UT ALII DESER-
VIAT DOMINO. JUPITER ITERUM MANDAT, UT
CORIARIO VENUNDETUR. CUI ASINUS MUL-
TO CUM LABORE, & PAUCO CIBO SERVIENS:
HEU ME MISERUM! CUM GEMITU AIT, QUI
DOMINOS OMITTENS MELIORES, AD DETERIO-
REM PERVENI, APUD QUEM, UT VIDEO CO-
RIUM MEUM ETIAM POST MORTEM CRUCIA-
BITUR.

Adfabulatio.

Fabula significat, quod priores dominos tunc servi desiderant, cum deteriores experiuntur.


De Leporibus, & Ranis. 76.

LEPORES in usum simùl conveneunt: ubi cum de miseria ipsorum innata dolerent, gemitentque, quod vita eis, quam cæteris animalibus, data esset misserior, quoniam Homines, Aquilæ & Canes ad mortem eos usque persequerentur; decernunt melius sibi fore semel mori, quam in vita tam misera diutiùs permanere. Hoc certo consilio, ut se in stagnum præcipitent, dum ocyus tendunt, Ranæ, quæ super stagni ripa astabant, ut strepitum audiunt, in stagnum desiliunt, seque aquis submergunt: quam rem, qui Lepus præibat, cum conspicatur reliquis ait: state, nam nobis sententia mutanda est. Quippè, ut liquido videtis, anima, quam nos, magis timida reperiuntur.

Adfabulatio.

Fabula significat, quod, cum miser miseriorem aspicit, suam æquias miseriam fert.

De



ASinus, cùm Equum alimonia, & otio diligenti cura abundare persiceret, eum longè beatum esse commendabat, seque nimium infœlicem dicebat, qui, cùm multum laboraret, ad saturitatem de paleis haud haberet. Cùm tempus belli advenit, Miles armatus Equum ascendit, ac cum eo medios decurrit in hostes. Equus mucrone percussus, cadit humi prostratus. Quem Asinus prospiciens, ingemuit, ejusque misertus, sui animi sententiam mutavit.

Ad fabulatio.

Fabula significat, quòd cum paupertate, quæ mater est quietis, quis convenire debet, potius quàm locupletoribus invidere.

De Asino & Lupo. 78.

ASinus quidam, pede altero sentem calcavit, claudusque factus, cùm Lupum ad se venientem consiperet, nec fugere posset, miserabili voce inquit: heus Lupe, demorior equidem è dolore: sed ex quo opus est, ut tibi, & corvis futurus sim cibus, obsecro (quatenus tua benignitate) sentem è pede velis extrahere, ut munere tuo extremum sine dolore obeam diem. Dum sentem dentibus Lupus evellit, Asinus eum calce percussit. Lupus deinde nasso, fronte, ac dentibus perfractis, heu me miserum! exclamat, jure hòc patior, deplorando reiterat; qui, cùm essem coquus, medicus esse volui.

Ad fabulatio.

Fabula significat, quòd quam quisque callet, ea se exerceat arte.

De Muliere, & Gallina. 79.

Mulier quædam Gallinam habebat, quæ aurea continuò ova pariebat. Putans igitur totam intùs auream esse, illam occidit. Sed cùm aliis Gallinis esse similem reperit, ubi divitem se fore putavit, quem primò quæstum habebat, eum, plus habendi cupiditate, amisit.

Ad-

Ad fabulatio.

Fabula significat, quod plūs habendi cupiditate id sæpè perdimus, quod habemus in manibus, lucrum.

De Rana, & Vulpes. 80.

RAna in palude existens, cæteris animalibus clamando cum profitetur se medicam esse, pharmacorumque peritam, ei Vulpes venustissimè ait: qui alios curaveris, cùm claudicantem curare te nescias?

Ad fabulatio.

Fabula significat, quod alios docere quis non potest id, quod haud didicerit.

De Serpente, & Agricola.

Serpens ante Agricolæ cujusdam domum latebras habens, cùm ab Agricolæ filio esset percussus, tām acriter ipsum momordit, quod morsu ex illo puer repente obiit. Hac re cognita, magnus inter parentes gemitus oritur. Tum pater mœrore concitus, accepta securi, Serpentem, ut occideret, persequitur: Vibransque securim, ut Serpentem percuteret, extremum caudæ ejus cecidit. Deinde volens pacem cum Serpente conficere, acceptis farina, aqua, sale, & melle, ad reconciliandum inter

se amicitiam vocat Serpentem. Et Serpens sub petra latens, sibilando ait: frustrà laboras, bone vir: nam inter nos amicitia fore non potest: quippè, dum me sine cauda aspexero & tu tui filii sepulcrum, quieti animo esse nequibimus.

Ad fabulatio.

Fabula significat, quòd, dum injuriarum recens vel maximè extat memoria, odia tolli minimè queunt.

De Gallina, & Vulpes. 82.

Vulpes gallinarum tugurium ingressa, cùm Gallinam nido ægrotantem aspexit, eam rogavit, quomodò valeret. Cui Gallina promptè respondit: meliusculè me haberem, si hinc abires, soror.

Ad fabulatio.

Fabula significat, quòd inimicorum præsentia nimùm est molesta.

De Viatore. 83

Viator quidam cùm multam viam viasset, votum Mercurio vovit, quòd, si quid reperiret, ejus rei medium illi offerret. Fortè igitur ad inventam peram amygdalis, dactylisque refertam: & cùm putaret id esse argentum, peram capiens, amygdalarum nucleos, & carnes dactylorum ipse comedit.

De-

Deinde templum Mercurii ingressus, atque aram manibus tenens, verbis ridiculis inquit ad eum: votum, Mercuri, nunc persolvo tibi. Nam quas equidem res adinveni, earum tibi offero medium, ossa scilicet dactylorum, ac testas amygdalarum.

Ad fabulatio.

Fabula significat, quod homines avaritia Deorum efficit contemptores.

De Leone, & Homine. 84.

LEO, & Homo cum semel simul vim viarent, ac inter viandum se quisque verbis commendaret, ecce lapideæ occurrunt columnæ, in qua erat incissum, quod Homo suffocabat Leonem: quam sculturam Homo Leoni ostendens, ait: hic videre licet, quantò homines Leonibus, ac feris omnibus prestantiores sint, ac robustiores. Et Leo promptè respondens, inquit: si apud Leones essent, ceu apud homines, qui sculpere scirent, plures à Leonibus homines, quam ab hominibus Leones, suffocari sculptos videres.

Ad fabulatio.

Fabula significat, quod homines jactabundi fingunt se fecisse, quæ facere nunquam tentarunt.



Vulpes cùm racemos uvarum plenos
jam, ac maturescentes prospiceret,
cupida de illis manducare , omnem
viam machinata est, qua illos compre-
hendere posset. Sed cùm omnem viam
frustrà tentasset, nec desiderio suo sa-
tisfacere quivisset, mœstitiam vertens
in gaudium ait : racemi illi adhuc ni-
miūm sūnt acerbi.

Ad fabulatio.

Fabula significat, quòd prudentis est
singere se ea nolle , quæ consequi non
pesse cognoscit.

De Puerō , & Scorpione. 86.

Puer quidam ruri venabatur locus-
tas, & cùm Scorpionem capere vel-
let, Scorpio , simplicitate ejus cognita,
ait

ait ei: heus puer, dege in pace , ac manum abstine, si non vis perire.

Ad fabulatio.

Fabula significat, quòd qui ad utramque partem cogitat , is , quæ sequi, & quæ vitare debeat, probè tenet.

De Venatore , & Perdice. 87.



VEnator quidam cùm quām cœperat , Perdicem occidere velet, Perdix gemens hujusmodi verba fecit ad eum: heus Perdicum auceps, si me missam feceris, ac vita donaveris, alias perplures conducam tibi Perdices. Ei auceps appositiè respondit: nunc eò magis occidi dignam judico, quòd amicos perdere polliceris.

Ad fabulatio.

Fabula significat, quòd qui sibi cha-

ros perdere dolo quærit, is præceps in
pericula incidit.

De Lepore, & Testudine. 88.

TEstudo, cùm ejus pedes Lepus de-
rideret, subridens inbuit ad eum:
si periculum in cursu feceris, quàm te
velocior sim, liquidò cognosces. Cui
Lepus ait: te profectò, fugit quid mei
valeant pedes; sed judicem eligamus,
qui cursum, & terminum nobis defi-
niat. Igitur eligunt Vulpem, brutorum
omnium sagacissimam, quæ & locum,
& cursus terminum constituit. Testu-
do omni segnitie, ac negligentia semo-
ta, iter arripiens haud quievit, donec
ad terminum pervenit. Lepus verò pe-
dibus fidens, ubi paululum quievit,
somno excitatus, quantum pedes value-
runt, ed terminum cucurrit, ibique
cùm Testudinem quiescentem reperit,
se cum rubore fatetur à Testudine
superatum.

Adfabulatio.

Fabula significat, quòd studio & di-
lignantia, non corporis viribus, res vel
maximæ conficiuntur.

De Salice, & Securi. 89.

Securis cùm Salicem cæderet, ex ea
ipsa cuneos fecit, quibus Salicem
fa-

facilius scinderet. Quam rem præsentiens Salix, gemens, ejulansque ait: non tantum de securi queror, quæ hominum manibus me scindit, quantum de cuneis, qui fiunt ex corpore meo.

Ad fabulatio.

Fabula significat, quod in adversis non veri amici infestiores amicis, quam inimicis saepius redduntur.

De Puer quodam fure. 90.

PUer quidam è ludo litterario librum socio clàm auferens, suæ matri tradidit illum. Quem mater cum libenter accepisset, nec filium castigasset: rursus puer ab alio vestem clàm abstulit, atque matri quoque detulit: quam cum mater etiam libenter accepisset, puer castigatione carens, cum plura in diebus, ac majora crescentibus annis furaretur, demum publicè captus, ceu furti reus, per quæstores publicè damnatus est mortis. Sed cum ad locum justitiæ ducetur, eumque mater gemebunda sequeatur, impetrata venia, ut matri ad aurum unum loqui verbum liceret, ad eam conversus, atque os auri matris admovens, uti quippiam secreto dicturus, aurum dentibus illi abscidit. Mater vero præ dolore exclamans, mala filio impre-

ca-

catur. Tunc qui eum ducebant, cùm
suprà modum criminarentur, non solùm
furti, sed quia tām impius fuerit in ma-
trem, ille absque rubore inquit ad eos:
nemini vestrūm sit mirum, quòd aurem
matris dentibus abscidi: ipsa enim hu-
jus meæ perditionis author, & causa est:
quippé si me castigasset, cùm ei librum
detuli, quem à socio è scholis primùm
clām abstuli, omissis præ timore verbe-
rum furtis, ad hoc in præsentia genus
turpissimæ mortis non pervenissem.

Ad fabulatio.

Fabula significat, quòd qui in delin-
quendo ab initio non castigatur, facino-
rosior in diem efficitur.

De Pastore, & Mari. 91.

PAstor quidam juxtà littus Maris pe-
cudes pascens, cùm Mare ipsum
semel placidum aspiceret, navigandi
studio captus, oves pro dactylis com-
mutavit. Quibus navi impositis, cùm
altum jam navigaret, & tempestate si-
ne spe salutis fluctuaret, quæ in navi
sunt, ea omnia projectit, atque in portum
se recepit. Denuò cùm oves pasceret,
ac rursus Mare tranquillum videret,
suo consocio ipsam Maris tranquili-
tatem commendanti, ridiculè ait:

ma-

mare iterum dactylos cupit.

Ad fabulatio.

Fabula significat, quod usos, & peritia nos redundunt in periculis cautiiores.

De Punica, & malo arboribus. 92.

PUnica, & Malus arbores, de pulchritudine contendebant. Cum diu inter se variis, & acerbis contentionibus certassent, rubus ex proxima sepe hujusmodi contentiones accipiens, accessit ad eas, atque inquit: satis jam, sati certatum inter vos est. Quiescite admodum, & contentionibus finem imponite.

Ad fabulatio.

Fabula significat, quod minores majorum lites saepenumero componunt.

De Talpa, & Marte. 93.

TAlpa cæcum natura animal est. Hæc aliquandò matri ait: Ingentem sentio odorem. Parum post rursùm ait: Excelsam aspicio fornacem. Tertiò item ait: Malleorum sonitus audio fabriles. Ei mater comiter ait: heus filia, tu, uti percipio, non solùm oculis, sed naso, & auribus orba existis.

Ad fabulatio.

Fabula significat, quod homines jactabundi, cum magna profitentur, tunc vel

vel maximè in minimis redarguuntur.

De Vespis, Perdicibus, & Agricola. 94.

VEspæ semel, & Perdices siti concitæ cùm simul convenissent, ad rusticum quendam tendunt, potum ab eo petentes, utque pollicentes, quòd illi pro aqua largas referrent gratias. Quippe Perdices vineam se ei fodere promittunt, quòd plenos vites producant ratiemos. Vespa verò se vineam circum-eundo custodire, ac fures indè amo vere largè offerunt. Quibus Agricola inquit: duos habeo bobes, qui, cum nihil piomittant, eamdem hanc operam, nihil minus, præstant. Itaque satius est mihi illis, quàm vobis aquam exhibere.

Ad fabulatio.

Fabula significat non esse illis subveniendum, qui nauci, & inutiles sunt.

De Jove. 95.

CUM Jupiter nuptias celebraret, cuncta animalia illi munera obtulerunt, quæque pro viribus suis. Verum enim Serpens rosam legit, illamque ore tenens Jovi obtulit. At Jupiter, ut eum aspexit, palam inquit: ab omnibus bona libenter equidem accipio; verum à Serpente id haud quaquam facio.

Ad-

Fabula significat, quod improborum munera non esse sine dolis, qui vis prudens sibi persuadere debet.

De Simia. 96.



Simiam duos catulos parere fertur, quorum ad unum duntaxat afficitur, & ex affectu illum diligentissime nutrit. Alterum vero odit, negligitque. Contigit autem, quod qui in deliciis habebatur, à Simia in somnis fuit suffocatus. Quamobrem qui neglectus erat, ad perfectam usque ætatem, ceu matris deliciæ, fuit educatus.

Ad fabulatio.

Fabula significat, quod hominum prudentiam fortuna proculdubio superat.

De

PUlex, cùm quemdam morsu aliquan-
dò stimulasset, captusque rogare-
tur, quisnam esset, qui membra sibi de-
paseret, ait se ex eo animalium gene-
re esse, quibus à natura datum esset,
ut eo pacto vitam vivant, nec eum oc-
cidere velit, cùm multum mali facere
ipsi nequeat. At homo ille subridens,
inquit ad eum: magis meis necaberis
manibus, quoniam nec parùm abs re
quempiam lædere licet.

Ad fabulatio.

Fabula significat, quòd malorum, li-
cèt parum, vel multum delinquent,
missereri haud oportet.

De Pulice, & Homine. 98.

PULEX suo solito more saltans, super
hominis pede resedit, illumque
morsu acriter pupugit. Qua punctione
Homo ille graviter concitus, Pulicem
cœpit, ac ungibus obtundere voluit. Sed
Pulex manibus exiliens mortem vitavit.
Tām homo exclamans ait: ò Hercules
malorum extinxor, ecquid mihi in hunc
opprimendum præsens non fuisti?

Ad fabulatio.

Fabula significat, quòd non in mini-
mis, sed in magnis arduisque rebus, à

Dii

Diis auxilium quis implorare debet.

De Formicis, & Cicada. 99.

HYemis erat medium cùm Formicæ sparsim triticum apricabant. Quod Cicada aspiciens, cum inedia conficeretur, accesit ad eas, ac triticum pro alimonia, ut sibi concederent, oravit. Et cùm Formicæ eam rogarent, quidnam æstate fecerit, num segnis, & otiosa eo tempore steterit; illis Cicada ait: neque segnis, aut otiosa steti, sed cantu cecini, quo laborem viæ viantibus levabam. Qua re audita, Formicæ subridentes, inquiunt: Si æstate cecinisti, ut viantes delectares, nunc salta, ne frigore conficiaris. *Ad fabulatio.*

Fabula significat, quòd, qui, quæ facienda sunt, suo tempore non fecit, is in angustias, quando non putat, incidit.

De Viro, & Uxoribus. 100.

Tempus erat veris, quo quidam in deliciis educatus, cùm nec juvenis, nec senex esset (seminanus enim erat capillis) duas simul duxit Uxores, unam quidem natu grandem, alteram verò juniorem. Dum omnes eandem habitarent domum, Uxor anus, ut virum namorem suum totum pelliceret, quidiè viro caput pertractans, nigros illi eve-

evellebat capillos, junior verò canos. Postremò ita illum depillarunt, quòd calvum, atque ridiculum non sine summo opprobrio virum rediderunt.

Ad fabulatio.

Fabula significat, quòd nulla melior salus senibus existit, quàm fœminis carere, & maximè junioribus, nisi penitus obrui se velint.

Fabella de Membris, & Ventre.

Ex T. Livio Hist. l. 2.

TEmpore, quo in homine non ut nunc, omnia in unum consentiebant, sed singulis membris suum cuique consilium, suus sermo fuit, indignatæ reliquæ partes, sua cura, suo labore, ac ministerio ventri omnia queri: ventrem in medio quietum, nihil aliud, quàm datis voluptatibus frui, conspirarunt, ne manus ad eos cibum ferrent, nec os acciperet datum, nec dentes conficerent. Hac ira dum ventrem fame domare volunt, ipsa unà membra, totumque corpus ad extremam tabem, venere. Inde apparuit, ventris quoque haud segne ministerium esse: nec magis ali, quàm alere eum, reddentem in omnes partes hunc, quo vivimus vigemusque, divi-pariter in venas matrum confecto cibo san-

sanguinem. *Ad fabulatio.*

Sæpè qui in urbe otiosi sedere videntur, senes consilio magis juvant, quam armis Juvenes.

A P O L O G I
E X C H I L I A D I B U S
ADAGIORUM
DESUMPTI AD COMMUNEM
puerorum fructum.

De Vulpecula & Pardale. 1.

CUM aliquandò Pardalis Vulpem præse contemneret, quod ipsa pellem haberet omnigenis colorum maculis variegatam: respondit Vulpes, sibi id decoris in animo esse, quod illi esset in cute.

Ad fabulatio.

Neque verò paulo satius est ingenio præditum esse vafro, quam cute versicolorē. *De Vulpes, & Fele.* 2.

CUM aliquandò Vulpes in colloquio, quod illi erat cum Fele, jactaret sibi varias esse technas, adeò, ut vel perram haberet dolis refertam, Felis autem responderet sibi unicam dumtaxat artem esse, cui fideret, si quid esse discriminis:

in-

inter confabulandum repente canum accurrentium tumultus auditur. Ibi Felis in arborem altissimam subsiliit, cum Vulpes interim à canum agmine cincta capitur. *Ad fabulatio.*

Innati fabula, præstabilius esse nonnunquam unicum consilium, modò id sit verum & efficax, quam plures dolos, consiliaque frivola.

De Rege, & Simiis. 3.

REX quidam Ægyptius aliquot Simias instituit, ut saltandi rationem prediscerent. Ut enim nullum animal ad figuram hominis proprias accedit, ita nec aliud actus humanos, aut melius, aut libenter imitatur. Artem itaque saltandi protinus edoctæ, saltare cœperunt, insignibus indutæ purpuris, ac personatæ. Multoque jam tempore majorem in modum placebat spectaculum, donec è spectatoribus facetus quispiam nuces, quas clanculūm in sinu gestabat, in medium abjecit. Ibi statim Simiæ, simul atque nuces vidissent: oblitæ choreæ, id esse cœperunt, quod anteà fuerant ac repente è saltatricibus in Simias redierunt. Contristisque personis, dilaceratis vestibus, pro nucibus inter se depugnabant, non sine maximo spectatorum risu.

Ad-

Admonet hæ fabula, fortunæ orna-
menta non mutare hominis ingenium.

De Asino, & Viatoribus. 4.

DUO quidam, cùm in desertis locis
Asinum quempiam fortè fortuna
nacti essent, contendere inter se cœpe-
runt, uter eorum, uti suum, domum
abduceret. Nam utriusque pariter à fortu-
na videbatur objectus. Hac interim de-
re illis invicem altercantibus, Asinus se-
se subduxit, ac neuter eo potitus est.

Ad fabulatio.

Quidam à præsentibus commodis, qui-
bus ob inscitiam uti nesciunt, excidunt.

De Piscatoribus. 5.

Piscatores aliquot, jacto reti, testu-
dines eduxerunt. Eas cùm essent in-
ter sese partiti, neque sufficerent omni-
bus comedendis, Mercurium fortè acce-
dentem invitarunt ad convivium. At is
intelligens se neutiquam humanitatis
gratia vocari, sed, ut eos fastidito cibo
sublevaret, recusavit, jussitque, ut ipsi
suas testudines ederent, quas cœpissent.

Ad fabulatio.

Nonnulli, poste aquam inconsultè quip-
piam adorti sunt, aliorum implorant au-
xilium, quos suo negotio admisceant.

De

A PudCumanos Asinus quispiam per-
tæsus servitutem , abrupto loro in
sylvam aufugerat. Illic fortè repertum
leonis exuvium corpori applicabat suo,
atque ita pro leone sese gerebat, homi-
nes pariter, ac feras voce, caudaque ter-
ritans. Nam Cumani leonem ignorant.
Ad hunc igitur modum regnabat ali-
quandiù personatus hic Asinus, pro leo-
ne immani habitus , ac formidatus : do-
nec hospes quispiam Cumas profectus,
qui sæpenumerò viderat & Leonem, &
Asinum, atque ob id non erat difficile
dignoscere aurium prominentium indi-
cio, neque non aliis quibusdam conjectu-
ris Asinum esse deprehendit, ac probè
fusti castigatum reduxit, dominoque ag-
noscenti reddidit. Interim autem risum
non mediocrem concitabat omnibus Cu-
manis Asinus jam agnitus, quos dum cre-
ditus leo metu prope modum exanima-
verat. *Ad fabulatio.*

Haud facilè tegimus vitia, quæ à pue-
ro nobiscum adoleverunt.

De Scarabæo, & Aquila. 7.

S Carabæus aliquandò spretus ab Aqui-
la, cœpit de vindicta quoquo pacto
sumenda cogitare. Pervestigavit, ubi
nam

nām Aquila nidum collocasset: adrepsit Scarabæus , & ova simili dolo dejecit. Aquila cum sæpiùs domicilium commutasset , neque quicquam proficeret : Jovem patronum adiit , exponit calamitatem suam. Is jubet , ut suo in gremio ponat ova , vel istic in tuto futura. Et hūc per vestes lacinias sinusque prorepsit pertinax Scarabæus , haudquāquam sentiente Jove. Deinde , ubi videt ova commoveri Jupiter , neque satis animadvertisit , territus rei novitate , excuso gremio , in terram dejecit. *Ad fabulatio.*

Monet hæc fabula , neminem , quantumvis pusillum contemendum esse.

De Simiis . & Pardali. 8.

IN Maurisia Simiarum est ingens copia. Pardalis autem animal est natura Simiis infestissimum , quas tamen viribus assequi non potest , nimirū illis in summas arbores subvolantibus. His itaque dolis in eas utitur. Sternit se supinam sub ramis , ac prorrectis cruribus emori fingit sese. Gaudent eo spectaculo simiæ considentes in arbore: deinde ubi jam mortuam arbitrantur , unam aliquam emitunt exploraturam , num verè mortuus sit hostis. Illa cautim , ac pedetentim accedens , ubi nullum videt argu-

O

men.

mentum, Parpale nimirùm modis omnibus cadaver imitante, demùm audet etiam conscendere. Quod simul ac reliquæ Simiæ conspexerunt, jam deposito omni metu descendunt, & Pardalim omnia ferentem circumulant. Postremò conculcant insultantes ludibrii causa, donec sentiens illas jam saltando defatigatas, derepentè reviviscens, aliam dentibus, aliam unguibus corripit, dilaniat, ac devorat. *Ad fabulatio.*

Hostem simulantem vires deficere, summoperé fugiendum esse.

De Satyro, & Rustico, Aniani Fabula,
incereto Auctore interprete.

SAtyrus quidam cùm vehementer algeret, hyberno gelu suprà modum seviente, à Rustico quodam inductus est in hospitium. Admiratus autem, cur homo inflaret in manus ori admotas, rogavit, cur ita ficeret. Is respondit: ut frigidas manus halitus tepore calefaceret. Deinde ubi extructo foco, apposita mensa in plutem fervidam rursùm inflaret, magis etiam admiratus sciscitatus est, quid hoc sibi vellet. Ut placitum, inquit ille, nimiùm ferventem halitu refrigerem. Tum Satyrus surgens à mensa: Quid ego audio, inquit? Tu eodem ex ore pa-

ri-

riter. & calidum, & frigidum efflas? Val-
bis. Neque enim mihi ratio est cum ejus-
modi homine commune habere hospi-
tium.

Adjabulatio.

Notantur bilingues, qui eundem mo-
dò laudant, modò vituperant.

Tabula ex Lamia Politianii desumpta.

A Ves olim propè universæ, noc-
tuam adierunt, rogaruntque eam,
ne posthac in ædium cavis nidificaret,
sed in arborum potius ramis, atque in-
ter: frondes ibi enim vernari suavius.
Quin eidem quercum modò enatam pu-
sillam, tenellamque adhuc ostendebant,
in qua scilicet molliter, (ut ajebant) &
sedere ipsa aliquandò noctua, & suum
sibi construere nidum posset. At illa fac-
turam se negavit. Quin invicem consi-
lium dedit his, ne arbusculæ illi se cre-
derent: laturam enim quandoquè esse
viscum, pestem videlicet avium. Con-
tempsero illæ (ut sunt leve genus, & ve-
laticum) sapientis unius noctuæ consi-
lium. Jam quercus adoleverat, jam pa-
tula, jam frondosa erat. Ecce ibi aves illæ
omnes gregatim ramis involitant, lasci-
viunt, subsultant, colludunt, cantillant.
Interea quercus ea viscum protulerat,
atque in homines animadverterant: im-

plicitæ ergò repente ibi omnes pariter misellæ, ac frustrà eas sera pœnitentia subiit, quod salubre illud consilium sprevissent. Atque hoc esse ajunt, cur nunc aves omnes, ubi noctuam viderint, frequentes eam quasi salutant, deducunt, sectantur, circumcinunt, circumvolitant. Etenim consilii illius memoræ admirantur eam nunc, ut sapientem, stipantque densa caterva, ut videlicet ab ea sapere aliquando discant. Sed, opinor, frustrá, imò verò etiam interdum cùm magno ipsarum malo. Nam veteres illæ noctuæ reverè sapientes erant: nunc multæ noctuæ sunt, quæ noctuarum quidem plumas habent, & oculos, & rostrum, sapientiam verò non habent. *Ad fabulatio.*

Benè monentis consilia ne spernas,
hæc fabula docet.

APOLOGUS DE SECUNDO LIBRO PETRI CRINITI DE HONESTA DISCIPLINA.

SAta est olim cucurbita juxta arborē pinum, quæ grandis admodum & ramis patulis extabat. Cucurbita verò cum multis pluviis, atque cæli temperamen-

mento crevisset, lascivire incipit, & ramulos audaciūs porrigere. Jam serpebat in pinum, jam surgere, jam ramos, & frondes involvere audebat, ampliora folia cadentes flores, prægrandia poma, & virgentia ostentans. Itaque tanto fastu, atque insolentia intumuit, ut pinum arborem ausa sit aggredi: et vides, inquit ut te supero, ut amplis foliis, ut virore præsto, & jamjam ad cacumen præsurgo? Tum pinus, quæ senili prudentia, & robore pollebat, nihil mirata est cucurbitæ insolentis audaciam, sed ita ad eam respondit: ego hîc multas hyemes, calores, æstus, variasque calamitates pervici, & adhuc integra consisto. Tu ad primos rigores minus audaciæ habebis, cum & folia concident, & viror omnis aberit. *Ad fabulatio.*

Secundis rebus non esse superbiendum.

FABELLA DE CORBO, ET LUPIS;

Ex Joanne Antonio Campano desumpta.

COrvus Lupos per ardua montium iugata comitatus, partem sibi prædæ fieri postulat, qui eos secutus nullo tempore destituisset, sociusque fuisset. Repulsus deinde à Lupis tanquam non eos, sed prædam, cibumque secutus, nec minus

I luporum, si occiderentur, quam cæterorum animalium exta fuisse voraturus.

Ad fabulatio.

Non quid agamus semper inspiciendum est, sed quo sumus animo, cùm agimus.

Altera de partu terræ, ex eodem.

TUrgida olim facta tellus, & mirum in modum tumida, magnum aliquod paritura videbatur. Accurrunt finitimi, stupent Agricolæ, terræ partum inter spem, metumque expectant: alii Typhœa illum centimanum, alii montes erupturos putabant. Aperitur terra, prodit mus & quod miraculo fore omnibus arbitrabatur, id in risum, atque jocum converterunt. *Ad fabulatio.*

Non semper credendum promissis magnificis.

Ex Secundo noctium Atticarum Gellii.

Apologus Æsopi Phrygii memoratu non inutilis.

AEsopus ille è Phrigia fabulator haud immerito sapiens existimatus est, cùm quæ utilia monitu, suasque erant, non severè, non imperiosè præcepit, & censuit, ut Philosophis mos est: sed festivos, delectabilesque Apologos comentus, res salubriter, ac prospicenter animad-

madversas, in mentes animosque hominum, cùm audiendi quadam illecebra induxit: velut hæc ejus Fabula de abiculæ nidulo, lepidè, atque jucundè, præmonet spem, fiduciamque rerum, quas efficere quis possit, haud unquam in alio, sed in semetipso habendam. Aviculi, inquit, est parva, nomen est Cassita, habitat, nidulaturque in segetibus, id fermè temporis, ut appetat mesis, pullis jamjam plumantibus. Ea Cassita in sementes forte concesserat tempestiviores: propterea frumentis flavescentibus, pulli etiam tunc involucres erant. Cum igitur ipsa iret cibum pullis quæsitum, monet eos, ut, siquid ibi novæ rei fieret, dicereturve, animadverterent, idque sibi, ubi rediisset, renuntiarent. Dominus p̄ ostēa segetum illarum filium adolescentem vocat: & vides ne, inquit, hæc enaturavisse, & manus jam postulare? Idecircò die crastino, ubi primum diluculavit, fac amicos adeas, & roges veniant operamque mutuam dent, & messem hanc nobis adjuvent. Hac ille, ubi dixit, discessit. Atque ubi rediit Cassita, pulli trepiduli circumstrepere, orareque matrem, ut statim jam properet, atque aliud in locum sese asportet, nam dominus, inquiunt,

misit, qui amicos rogaret, uti luce oriente veniant, & metant. Mater jubet eos à metu otiosos esse. Si enim dominus, inquit, messem ad amicos rejicit, crastino seges non metetur, neque necesse est hodie, uti vos auferam. Die igitur postero mater in pabulum volat, dominus, quos rogaverat, opperitur. Sol fervet, & fit nihil, & amici nulli erant. Tum ille rursus ad filium: amici isti, inquit, magnam in partem cessatores sunt. Quin potius imus, & cognatos, affines, vicinosque nostros oremus, ut adsint cras temporis ad metendum? Itidem hoc pulli pavefacti matri nuntiam. Mater hortatur, ut tum quoque sine metu, ac sine cura sint. Cognatos, affinesque nullos fermè tamen esse obsequibiles, ait, ut ad laborem capessendum nihil cunctentur, & statim dicto obedient. Vos modò, inquit, advertite, si modò quid denuò dicetur. Alia luce orta avis in pastum profecta est, cognati, & affines operam, quam dare rogati sunt, supersedent. Ad postremum igitur dominus filio: Valeant, inquit, amici cum propinquis. Afferes prima luce falces duas, unam egomet mihi, & tu tibi capies alteram, & frumentum nosmet ipsi nostris manibus cras metemus. Id ubi ex

pullis dixisse dominum mater audivit
tempus inquit, est cedendi, & abeundi.
Fiet nunc dubiò procùl, quòd futurum
dixit. In ipso enim vertitur cuja est res,
non alio, undè petitur. Atque ita Cassita
nidum migravit, & seges à domino de-
messā est. Hæc quidem est Æsopi fabula
de amicorum, & propinquorum levi &
inanī fiducia. Sed quid aliud sanctiores li-
bri philosophorum monent, quam ut in
nobis tantūm ipsis nitamur? Alia autem
omnia, quæ extrà nos, extraque nostrum
animum sunt, neque pro nostris, neque
pro nobis ducamus. Hunc Æsopi Apolo-
gum Qu. Ennius in satyris scitè admo-
dùm, & venustè versibus quadratis
composuit, quorum duo postremi isti
sunt, quos haberi cordi, & memoriae
operæ pretium esse herclè puto:

*Hoc erit tibi argumentum semper in
promptu situm:*

*Ne quid expectes amicos, quod tu possis
per te agere.*

DE ARIONE, ET DELPHINO.

Ex lib. 16. Gellii.

Vetus, & nobilis Arion cantator fidi-
bus fuit. Is loco, & oppido Methy-
meneus terra, atque insula omni Lesbius
O 5 fuit.

fuit. Eum Arionem rex Corinthi Perian-
der amicum , amatumque habuit artis
gratia. Is deinde á rege proficiscitur, ter-
ras iuclytas Siciliam, atque Italiam vise-
re. Ubi eò venit, auresque omnium, men-
tesque in utrisque terræ urbibus demul-
sit : in quæstibus istic, & voluptatibus,
amoribusque hominum fuit. Is tūm pos-
teà grandi pecunia, & re bona multa co-
piosus , Corinthum instituit redire. Nā-
vem igitur, & nautas, ut notiores, amicio-
resque sibi, Corinthios delegit. Sed eo
Corinthios homine accepto navique in al-
tum proiecta, prædæ, pecuniæque cupi-
dos cœpisse consilium de necando Ario-
ne. Tūm illum ibi pernicie intellecta, pe-
cuniām, cæteraque sua, ut haberent, de-
disse, vitam mōdō sibi ut parcerent, ora-
visse. Nautas precum ejus harum com-
misertos esse illatenis ut, ei necem adfer-
re per viam suis manibus temperarent.
Sed imperavisse , ut jam statim corām
desiliret præceps in mare. Homo, inquit,
ibi territus spe omni vitæ perdita , id
unum posteà oravit, ut priusquam mor-
tem oppeteret , inducere permitterent
sua sibi indumenta , & fides capere, &
canere carmen casus illius sui consolabi-
le. Feros & immanes nautas prolubium
ta-

tamen audiendi subit. Quod oraverat, impetra. Atque ibi mox de more cinctus, amictus, ornatus, stansque in summae puppis foro, carmen, quod Orthium dicitur, voce sublatissima cantavit. Ad postrema cantus, cum fidibus, ornatusque omni, sicut stabat, canebatque ejecit sese procùl in profundum. Nautæ haudquaquam dubitantes, quin periisset, cursum, quem facere cœperant, tenuerunt. Sed novum, & mirum, & pium facinus contigit. Delphinum repente inter undas adnavisse, & dorso super fluctus edito vectavisse, incolamique eum corpore & ornatu, Tænarum in terram Laconicam devexisse. Tum Arionem prorsùs ex eo loco Corinthum petivisse, talemque Periandro regi, qualis Delphino vectus fuerat, sese obtulisse, eique rem, sicut acciderat, narravisse. Regem isthæc parùm credidisse Arionem quasi falleret, custodiri jussisse. Nautas requisitos ablegato Arione dissimulantur interrogasse, ac quid audissent iis locis, unde venissent, super Arione. Eos dixisse, hominem, cùm indè irent, in terra Italia fuisse, eumque illic bene agitare, & studiis delectationibusque urbium florere, atque in gratia, pecunia-

que magna fortunatum esse. Tum inter hæc eorum verba Arionem cum fidibus, & indumentis, cum quibus se in salum ejaculaverat, extitisse. Nautas stupefactos, convictosque ire inficias non quisse.

Ad fabulatio.

Documento est hæc fabula, plus alis quandò inveniri in brutis animalibus clementiæ, quam in his hominibus, qui præter opes nihil habent pensi, præter figuram nihil humanitatis.



INDEX

FABULARUM OMNIUM,

Quæ in hoc Opusculo continentur.

A

D <small>E</small> Abiete, & Dumo, Fabula 19. pagin.	222.
Adolescentibus duobus, & Coquo, 35.	260.
Adolescente, & Cato. 5.	187.
Adolescente, & Hirundine. 72.	287.
Ætiope. 25.	115.
Ægroto, & Medico. 11.	82.

Item

INDEX.

- Item fab. 73. 288. Item 27. 202.
Agricola, & Filiis ejus. 4. 74. &
31. 257. & 7. 188.
Agricola, & Canibus. 23. 89. &
12. p. 193. & 30. p. 257.
Agricola, 31. 117.
Agricola, & Pelargo. 43. 266.
Agricola, & Ciconia. 15. 195.
Agno, & Lupo. 4. 187. & 44. 267.
Alite, & Pullis ejus. 21. 223.
Alcedine. 35. 120.
Ansere. 32. 230.
Anseribus, & Gruibus. 11. 106. &
35. p. 206.
Anu, & Ancillis. 31. 204.
Ape, & Jove. 70. 285. **A**piario. 34. 119.
Apologus ex Crinito. 316. & ex
Mantuano. 23. 200.
Apologus ex Gellio. 318.
Apro, & Asico. 8. 152. **A**pro, &
Rustico. 29. 228.
Aquila. 74. 143. **A**quila, & Corni-
cula. 10. 154.
Aquila, & Vulpes. 1. 235.
Aquila, & Homine. 17. 248.
Aquila & Corvo. 2. 236. & 18. 197.
Aquila, & Scabrone. 3. 237. **A**rio-
ne, & Delphino. 321. **A**rundine
& Olea. 8. 81.
Asi-

INDEX.

- A**sino. 30. 203. & 5. p. 213. Asino
 & Equo. 21. 90. & 77. p. 293. &
 7. p. 189. & 32. p. 205. & 6. p. 312.
Asino, & Lupo. 12. 83. & 78. 294.
Asino, & Vulpe. 62. & 63. 136.
Asino, & Leone. 16. 109. Asino,
 & Rana. 63. 136.
Asino silvestri. 60. 135.
Asino, & Corvo. 64. 137.
Asino, & Viatoribus. 4. 311.
Asinis. 61. 135. Asino, & Jove. 75. 291.
Avaro. 10. 106. Avaro, & Invido.
 22. pag. 224.
Aucupe. 26. 94. & 51. 272. & 9. p. 190.
Aucupe, & Merula. 29. 96.
Avibus, & Quadrupedibus. 34. 175.

B

- D**E Bove, & Juvenco. 35. 231.
DBubulco. 73. 142. Buccinato-
 re. 10. pag. 191.
Butalis. 27. 115.

C

- D**E Calamo, & Oliva. 37. 261.
DCalvo quodam. 33. 99.
Camelo. 67. 139. & 8. 215.
Cancro, & Vulpe. 44. 125.
Canes. 41. 124. **C**ancris Matre, &
 Filio. 3. 212.
Cane, & Asino. 13. 157.

Ca-

INDEX.

- Cane , & Lanio. 10. 82. & 2. 186.
Cane ad cœnam vocato. 16. 247.
Cane, & Leone. 36. 232. Cane &
Lupo. 55. 275.
Cane carnes portante. 57. 276.
Cane , & Umbra. 4. 150.
Cane vetulo ab hero contempto. 22. 165.
Cane invido , & Bove. 19. 197.
Cane mordace. 7. 214. Cane , &
Ove. 3. p. 186.
Cane , & Gallo. 3. 101.
Carbonario,& Fullone. 17. 87. & 8. 190.
Carbonario , & Lotore. 19. 249.
Cassita. 8. 105. Castore. 27. 94. &
52. p. 272.
Cata , & Venere. 3. 76.
Cata in fœminam mutata. 27. 254.
Cato , & Gallo. 7. 241.
Cerva. 13. 107. Cerva,& Leone. 14. 108.
Cervo , & Leone. 42. 265.
Cervo. 36. 176. Cervo,&. Ove. 25. 167.
Cervo, & Bobus, 42. 180.
Cerva , & Vite. 15. 108.
Cicada , & Formica. 33. 230.
Citharædo. 45. 126. Cochleæ. 28. 116.
Columba , & Cornice. 70. 140.
Columba. 69. 140.
Columbis , & eorum rege Acci-
pitre. 18. 162.
Cor-

INDEX.

Cornice , & Cane. 48.	182.
Cornice , & Corvo. 47.	127.
Cornice , & Ove. 20.	198.
Cornice , & Urna. 24.	225.
Corvo , & Serpente. 49.	129.
Corvo , & Vulpecula. 11.	155.
Corvo , & Lupis. 2.	317.
Corvo , & Vulpe. 54.	274.
Corvo ægrotante. 56.	276.
Culice, & Leone. 78. 145. Cycno, 24.	114.

D

D <small>E</small> Divite. 71.	141.
D <small>u</small> abus Ollis. 11.	217.
D <small>uo</small> bis Gallis inter se certantibus 66.	282.
D <small>uo</small> bis Adolescentibus. 6. p. 79. & 1. p.	185.
D <small>uo</small> bis Amicis, & Urso. 7. p. 80. & 34. p. 260. & 9. p.	215.
D <small>uo</small> bis Inimicis. 36.	261,

E

E <small>D</small> Equite calvo. 10.	216.
E <small>qu</small> o , & Asino. 33.	173.
E <small>qu</small> o , & Cervo. 45.	183.
E <small>qu</small> o , & Leone. 32.	179.

F

F <small>ab</small> ro , & Cane. 47.	269.
F <small>ili</small> , & Matre. 31.	97.

Fi-

INDEX.

Filio , & Patre. 32.	98.
Formica. 57. p. 133. & 68. p.	284.
Formica & Columba. 25.	201.
Formica, & Cicada. 3. 210. & 99. p. 307.	
Fure. 46.	127.
Fure , & Cane. 29.	193.

G

D <small>E</small> Gallina , & Vulpe. 82.	296.
D <small>E</small> Gallina auripara. 76.	144.
Gallo gallinaceo. 1.	147.
Gallo , & Cato. 16.	196.
Gallina , & Hirundine. 66.	138.
Graculo. 29.	170.
Gallis, & perdice. 15. 85. & 13. p. 245.	

H

D <small>E</small> Hinnulo. 9.	105.
D <small>E</small> Hædo, & Lupo. 43. 125. & 24. p. 167. & 29. f.	203.
Hirundine, & aliis Aviculis. 16.	160.
Hirundine , & Cornice. 26.	115.
Homine , & Apolline. 19.	88.
Homine glorioso. 18.	88.
Homine , & Satyro. 22.	91.
Homine , & ligneo Deo. 15.	246.
Homine à cane morso. 33.	259.

I

D <small>E</small> Jove. 53. 131. & 54. 132. & 95. pag.	304.
Jove , & Corvo. 45.	267.

Jo-

INDEX.

Jove , & Simia. 36.	207
Impossibilia promittens.	100

L

D <small>E</small> Lamia Politiani.	315
Leæna , & Vulpe. 63.	280
Leone , & Homine. 84.	297
Leone , & quibusdam aliis. 5.	151
Leone , & Mure. 14.	158
Leone , & Vulpecula. 43.	181
Leone , & Rana. 24. 201. & 58. p.	277
Leone , & aliis. 28. 202. Leone , &	
Lupo. 22.	110
Leo , & Ursus. 4.	102
Leone senectute confecto. 12.	156
Leone , & Capella. 23.	225
Leone , & Venatore. 25.	ibid.
Leone , & Tauro. 4. 210. & 60. p.	278
Leone , & Capra. 33.	206
Leone sene. 59.	277
Leone , Asino , & Vulpe. 61.	279
Leone cujusdam rustici filiam amante. 62.	ibid.
Leporibus. 56.	132
Leporibus , & Ranis. 76.	292
Lepore , & Testudine. 88.	300
Leporibus inaniter timentibus. 23.	166
Lignatore quodam. 74.	289
Lupo , & Grue. 6. 151. & 64. pag.	281
Lupo , & Vetula. 77.	144

Lu-

INDEX.

Lupo, & Agno. 2.	148.	& 65. p. 281.
Lupo, & Vulpe.	35.	175.
Lupo, & Sucula.	20.	164.
Lupis, & Ovibus.	38.	178.
Lupo, & Capite picto.	28.	169.
Lupo, & Cane.	11.	192.
Lupo, & Ovibus.	55.	129.

M

D E Marito, & Uxore.	42.	124.
D Medico, & Ægroto.	50.	271.
Membris, & Ventre.	40. p. 179.	& 129.
ex T. Liv.		308.
Mercurio.	52.	131.
Mercurio, & Statuario.	39.	122.
Mercurio, & Tyresia.	40.	223.
Milvo ægroto.	15.	159.
Monedula.	51.	130.
Monedula, & Columba.	50.	129.
Mula quadam.	48.	270.
Mulier, & Vir ebrius.	23.	113.
Mulier, & Ancillis.	29.	116.
Mulier, & Gallina.	5. p. 78.	& 32.
p. 258. & 79. p.		294.
Muliere venefica.	30.	117.
Muliere, & Medico.	29.	256.
Mure Urbano, & Mure Rustico.	9.	153.
Muribus, & Cato.	40.	263.
Mure, & Rana.	3.	149.
Muscis.	38.	122.

Mus-

INDEX.

Musca, & Formica.	30.	171.
Mustela, & Muribus.	22.	199.
Musca.	71.	286.
N		N
Nutrice, & Lupo.	1.	211.
O		O
D <small>E</small> Oiitore , & Cane.	17.	109.
Opilione , & Agricolis.	17.	196.
P		P
D <small>E</small> Pardo , & Vulpecula.	38.	233.
Partu montium.	21.	164.
Partu terræ.		318.
Pastore, & Mari.	13. p. 84. & 91. p.	302.
Pastore , & Lupo.	21.	111.
Pastore.	72.	141.
Pavone , & Luscinia.	21.	198.
Pavone , & Pica.	26.	202.
Pavone , & Grue.	15.	219.
Pavone , & monedula.	6.	103.
Perdice, & Gallis.	15. p. 85. & 13. p.	245.
Philomela , & Accipitre.	4.	238.
Piscatore, & Pisciculo,	20. p. 222.	
& 2. p.		209.
Piscatore, & Smaride	pisciculo.	242.
Piscatore , & Cinaride.	20.	89.
Piscatore quodam.	21.	250.
Piscatore.	36.	120.
Piscatoribus quibusdam.	22. pag.	
251. & 5. p.	311. & 25. p.	252.
	Pis-	

INDEX.

Piscibus.	37.	233.
Piscatoribus.	3.	310.
Puero , & Fure.	26.	226.
Puero oves pascente.	53.	273.
Puero quodam fure.	90.	301.
Puero , & Scorpione.	86.	298.
Puero , & Fortuna.	39.	262.
Pulice.	97.	306.
Pulice , & Homine.	98.	Idem.
Punica , & Malo arboribus.	92.	303.

Q

D <small>E</small> Quercu, & arundine.	1, p.	
208. & 16. p.		220.
Quodam admirso á Cane.	24.	92.

R

D <small>E</small> Rana.	2. p. 101. & 33. p.	119.
Rana, & Bove.	31.	172.
Ranis Regem potentibus.	26.	253.
Ranis, & earum Rege.	17.	161.
Rana, & Vulp'e.	6. p. 214. & 80. pag.	295.

Rege , & Simiis.	3.	310.
Rustico , & Colubro.	7.	152.
Rustico , & Juvenco.	27.	226.
Rustico , & Fortuna.	12.	117.
Rustico , & Hercule.	31.	229.
Rustico , & Angue.	26.	168.

S

D <small>E</small> Satyro, & Rustico.		314.
	Sa-	

INDEX.

Satyro , & Viatore. 28.	227.
Salice , & Securi. 89.	300.
Scarabæo , & Aquila. 7.	312.
Sene Mortem vocante. 28.	255.
Serpente , & Agricola. 81.	295.
Serpente. 68.	139.
Serpente , & Cancro. 20.	111.
Silva , & Rustico. 39.	179.
Simia. 96.	305.
Simiis , & Pardale. 8.	313.
Simia, & Vulpe. 41. 264. & Vul- pecula. 41. p.	180.
Simia , & ejus Prole. 14.	218.
Simia , & Delphinis. 37.	121.
Simia , & duobus ejus Natis. 34.	231.
Singulari , & Vulpe. 7.	104.
Sole , & Aquilone. 4.	213.
Sue,& Cane. 18.p.110. & 19. pag. 111.	

T

D <small>E</small> Talpa, & Matre. 93.	303.
Tauris , & Leone. 18.	221.
Tauro , & Mure. 30.	228.
Tauro , & Capro. 13.	107.
Testudine, & Aquila. 12. & 2.	212.
Trigride, & Vulpe. 17.	221.
Tubicine. 9. 81. & 46.	268.
Thynno , & Delphino. 25. p. 93. & 49. p.	270.

DE

INDEX.

V


D E Vate quodam.	67.	283.
Vaticinatore.	28.	95.
Venatore , & Perdice.	87.	299.
Verme & Vulpe.	75.	143.
Vespertilione, Rubo,& Mergo.	5.	102.
Vespertilione, & Mustella.	58.	133.
Vespis,Perdicibus,& Agricola.	94.	304.
Viatore.	59. p. 131. & 83.	296.
Viatore , & Jove.	30.	97.
Viatoribus.	32.	118.
Vipera, & Lima.	37.	177.
Viro inope , & Infirmō.	23.	251.
Viro , & Uxoribus.	100.	307.
Viro , & Agricola.	18.	348.
Vitulo , & Cerva.	69.	285.
Vitula , & Bove.	38.	262.
Vulpe quadam.	85.	298.
Vulpe , & Fele.	2.	309.
Vulpe , & Rubo.	10.	243.
Vulpe, & Leone.	14. p. 85. & 13. p. 194. & 6. p.	240.
Vulpe , & Pardale.	1.	309.
Vulpecula , & Mustella.	44.	182.
Vulpecula , & Ciconia.	27.	169..
Vulpe,& Pardo.	2. p. 73. & 24. p.	252.
Vulpe , & Crocodilo.	11.	243.
Vulpe , & Venatoribus.	12.	244.
Vulpe, & Larva.	14.	246.


Vul-

INDEX.

Vulpe sine cauda. 8.	242.
Vulpe esuriente. 20.	250.
Vulpe, & Trago. 5.	239.
Vulpe, & Aquila. 14.	194.
Vulpe, & Capro. 1.	75.
Vulpe, & Capite quodam. 16.	83.
Vulture, & aliis Avibus. 34.	206.


F I N I S.





ACTIO
AESOPIS FABLES

1788



37131 053 590 741

